

**Pes 2 -
Bogenvil
rausim planti
sotgan pinis**

**Pes 3 - Sik bilong pik kamap
pinis long Westen provins**

**Pes 18 - Atis i droim
kumul na PNG flek**



Sik AIDS o sanguma

Yakam Kelo i raitim

BIRUA bilong sik AIDS i wok long go bikipela nau na i kilim planti manmeri pinis tasol planti famili na wantok i wok long sutim tok long sanguma na posin. Ol pipel i no tingim tumas long wanem as na wantok bilong ol i dai tasol ol i laik save husat tru i mekim sanguma o posin long wantok bilong ol.

Dispela pasin i kamap bikipela insait long ol hap bilong hailans provins we long Simbu provins yet moa long 100 manmeri i save kisim bagarap o dai olgeta yia we ol pipel i save sutim olsem ol i sanguma o posin lain. Dispela pasin tu i kamap long ol arapela hap bilong hailans olsem Duna ples long Sauten Hailans provins we ol pipel i save kilim husat man o meri ol i sutim tok long ol sanguma lain.

Wanpela bikipela bung bilong Melanesian Institute long Goroka i bin mekim bikipela toktok insait long dispela hevi we ol i toktok long ol bagarap na dai ol manmeri i save bungim bikos ol pipel i ting ol i mekim sanguma o posin we i kilim o givim sik long famili bilong ol.

Dokta Ulrick Bergmann husat i save wok wantaim ol pipel bilong ples i tokim Wantok olsem dispela em wanpela bikipela hevi tru insait long ol ples. As tru bilong ol famili i save kilim dai ol lain ol i ting i mekim sanguma i no save klia tumas. Bikos i gat arapela tingting tu olsem pasin jeles o pasin bilong kisim biknem na pawa bilong go pas long ol samting bilong ples na

graun o go pas long famili na pipel.

Dokta Ulrick i tok em i harim olsem olpela wok misin hap bilong em long Wantok long Morobe provins tu em dispela pasin bilong bagarapim ol lain ol i sutim tok long ol i sanguma lain i wok long kamap tu.

Tasol em i nogat ful ripot bilong em long tokaut yet long dispela hevi bikos olgeta i stap long rekot bilong Melanesian Institute long Goroka.

Pater Philip Gibbs bilong Melanesian Institute long Goroka i tok nau hevi bilong sik AIDS i wok long kamap planti na bikipela insait long kantri. Na ol pipel bai sutim tok long ol turangu lain long mekim pasin sanguma o posin. Olsem na taim ol kempen bilong daunim sik AIDS i wok long kamap, ol kempen bilong daunim pasin bilong kilim na bagarapim ol arapela long pasin sanguma tu i mas go daun. Bikos sik AIDS bai kilim planti manmeri tasol mipela bai sutim tok yet long sanguma o posin.

Wanpela polisman bilong Simbu provins yet i tokim Wantok olsem long hap bilong Simbu provins taim ol manmeri i dai nating ol i save sutim tok long sanguma. Taim ol i ting olsem wanpela man o meri i mekim sanguma long famili bilong ol, ol i save go na birua long em.

Dispela polisman husat i no laik tokaut long nem bilong em i tok dispela pasin i bikipela insait long hap bilong Gembogl na Gumini distrik.

Pasin bilong bagarapim o birua long ol lain ol i sutim tok long ol i

narakain long tude. Ol i save tro-moi ol long toilet o kukim ol wantaim hot ain o mekim bikipela pen long ol we ol i kisim bikipela pen na bagarap o dai tu. Long bipo tumbuna taim em taim ol i sutim tok long wanpela man o meri i sanguma, ol i save kisim emi go long ples nogut na emi save kalap na kilim em yet o bagarapim em yet, Pater Gibbs i tok.

Bikipela samting nau em hevi bilong sanguma bai i go bikipela moa long ol yia i kam taim birua bilong sik AIDS i wok long kamap bikipela. Taim planti yangpela manmeri i dai bai ol i askim. Wanem as na em i dai na husat i mekim dispela? Kain pasin bilong sanguma ol pipel i save tok i kamap long Simbu i wok long aut long ol arapela hailans provins nau. Bipo

sanguma i no wanpela birua long hailans. Tasol nau ol ples olsem lalibu long Sauten Hailans provins na Enga provins tu i harim ol i tok tok long sanguma pinis.

Olsem na ol tu inap kamapim bilip bilong ol yet long pasin bilong sanguma long hap bilong ol.

Lukim moa ripot bilong sanguma long neks wik - laipstail



STRONGPELA TRU

Colgate

Toothpaste bilong PNG stret!

Polis Ripot

Kimbe:

BUNG bilong ol polis komisina long kantri i i bin stat tude long Wes Nu Briten provins.

Dispela em bung bilong ol bai kamap long 4-pela de.

Ol bai toktok long ol samting i karamapim drag, polis wok, domestik vailens, wok long karimaut ol wok painim long ol kram na yusim hos long kari-maut wok. Ol ges spika i kam long AusAID, Wes Nu Briten Bisnis komyuniti na ol Non Gavman Ogenaisesen.

Kantri:

PLEN i stap pinis long trenim ol asples dog bilong ol polis long smelim ol strongpela spakbrus. I gat ol dog i save wokim dispela ovasis tasol em i bikpela mani tumas long wanem ol i mas baim wanpela dok i gat save long Australia wantaim K7,000.

Long Nesenel Developmen Forum i bin kamap las wik long Pot Mosbi, Polis Komisina Sam Inguba i bin tok PNG i nogat dok ol i trenim olsem polis dok long smelim spakbrus na ol polis i laik strongim dok yunit bilong ol neks yia.

Komisina Inguba i bin tokaut long dispela samting bihainim ol askim i bin kamap long forum we i sut long spakbrus.

Em bin tok polis i kisim pinis tripela dok i kam long Australia long wokim ol jenerel wok. Na pe bilong wanpela dok em K7,000.

Em i tok ol bai trenim ol dok bilong PNG yet long smelim spakbrus na kariamut wok long helpim polis long hap long hevi bilong drag long kantri.

Bogenvil bagarapim bikpela mak bilong gan

...7-pela distrik bagarapim ol gan pinis

Veronica Hatutasi i raitim

WOK long bagarapim na rausim ol gan long Bogenvil i go gut na i kam inap nau, mak bilong ol gan ol i bagarapim pinis em 90 pesen. Dispela em i bikpela mak na 7-pela long ol 10-pela distrik long provins i pinisim program bilong bagarapim ol gan olgeta. Dispela em ol gan we ol bin bungim pinis na putim insait long ol kontena na lokim i stap.

Wok long bungim ol gan na putim ol long ol kontena i gat tok long ol i bin stat long Desemba 2001 na nau em laspela hap long bagarapim olgeta gan ol i bungim long ol i stap na klostu pinis.

Minista bilong Inta Gavman Rilesens na Bogenvil Afeas, Sir Peter Barter, taim em i tokaut long dispela gutpela wok go het i salensim ol bipo paitman, ol lida na komyuniti long ol 3-pela distrik we i no bagarapim yet olgeta gan ol i bungim pinis long mekim wok bilong ol na rausim ol.

"Salens nau i stap long ol lida na komyuniti long 3-pela distrik we i no

bagarapim yet ol gan olsem long Buin, Kieta na Kunua-Keriaka long mekim wok hariap.

"Wantaim wok long mama lo bilong nupela Bogenvil gavman i wok long go het, bikpela samting nau em long pinisim olgeta wok bilong bagarapim ol gan. Na ol pipel i ken pilim fri long go insait long wok bilong redi long ileksen bilong nupela otonomi gavman bilong Bogenvil.

"Long wankain as tingting tu, mi singaut long Francis Ona na ol lain bilong em long "No Go Zone" hap klostu long Panguna long lukim ol wok developmen i kamap long ol arapela hap na klostu tu long ol na kam insait," Sir Peter i tok.

Sir Peter i wokim ol dispela toktok bihain long ol eks paitman long Siwai Distrik insait long saut Bogenvil i bin wokim wanpela seremoni na bagarapim olgeta gan ol i bungim i stap.

Sir Peter i bin amamas tru long ol pipel bilong Siwai bikos long taim bilong bikpela hevi, ol bin bruk long tupela hap tasol nau ol i bung wantaim long bagarapim ol gan.

Ol lain long Siwai i bin bagarapim ol gan 4-pela de bihain tasol long Tinputz distrik i karimaut wankain seremoni.

"Bikpela mak long 90 pesen long ol gan ol bin bungim na putim insait long ol kontena ol i bagarapim pinis. Ol bipo paitman na ol komyuniti long 7-pela distrik long Buka Ailan na Bogenvil i luksave long Resolusen Pis Proses Konsaltativ Komiti i bin wankain long en long Desemba las yia na ol i bagarapim ol gan. Nau ol 7-pela distrik we i bagarapim pinis ol gan em long Siwai, Tinputz, Bana, Buka, Selau-Suir, Torokina na Wakunai.

Sir Peter i bin tok amamas long ol pipel bilong Siwai na Tinputz long wok ol bin mekim na nau ol i bagarapim ol gan.

Long wankain taim tu, em i luksave long ol bikman na lida bilong Bogenvil long strongim gutpela tingting bilong ol pipel na ol i pinisim dispela wok gut. Em long Gavana John Momis, Edministreta Peter Tsiamailli, ol Distrik Menesa olsem Peter Uniu long Siwai na John Sisiesi long Tinputz.

Ledi Kidu sapatim CIMC

...Laikim gutpela sapat na luksave long gavman

Veronica Hatutasi i raitim

BIKPELA Nesenel Developmen Forum o bung i bin kamap las wik long Pot Mosbi i bin lukluk long ol rot na samting we sivil sosaiti i ken wok na helpim gavman long mekim ol disisen Konsaltativ Implementesen na Monitoring Komiti (CIMC) we i hap bilong Dipatmen bilong Nesenel Plening na Implimentesen i bin go pas long dispela wanpela wik forum we planti lain i makim ol provins na distrik i bin kam long en na kontributim ol toktok na tingting long dispela bikpela bung.

Nesenel Eksekutiv Kaunsil (NEC) i bin kirapim CIMC long 1998 na em i wanpela bikpela han helpim sivil sosaiti na gavman i wok patna long rot bilong wokim ol disisen.

Minista bilong Sotel Developmen, Ledi Carol Kidu, i bin askim forum kirapim wanpela komiti long lukautim ol

samting i sut long wankain luksave long ol man na meri. Ol i kolim long Tok Inglis, Gender Equity Committee.

Em bin tok Infomol Sekta Komiti na Famili Vailens i kari-maut wok long dispela hap tasol i gat nit long bikpela wok moa i mas kamap kwiktaim.

Ledi Kidu em i save gat bikpela sapat long ikwal rait na luksave long ol meri, ol pikini, ol lapun manmeri na ol dispela i gat bagarap long bodi bilong ol. Na dispela i mas kamap long olgeta level long sosaiti. Em i laikim tu ol meri i mas gat sans long kisim wok bihainim hatwok na gutpela wok bilong ol long helpim ol man long wok bilong developim kantri.

Em i bin tok ol i mas hariap na riyuwim na strongim rot ol i bihainim long jenda o givim wankain luksave long ol meri na man na rot long go hetim wok kamap bilong ol meri.

Em bin tok dipatmen bilong em i laikim wok patna long helpim ol i etresim ol spesel hap na ol meri long PNG i ken

Sios i sindaun long gutpela posisen bikos em i save stap wantaim pipel na wok voluntia em i as long wok bilong sios.

lukim sampela gutpela senis long muv i go fowed.

Ledi Kidu i bin stap insait long tupela woksop we i bin toktok long jenda na meri long Pasifik na dispela em long kamapim plen bilong ol meri long Komonwel.

Ledi Kidu i tok ol bai holim

wanpela woksop long dispela mun na ol ogenaisesen bilong ol meri i kam na putim ol tingting long ol plen we bai kamapim Nesenel Plen bilong ol PNG meri.

Ledi Kidu i bin tok tripela bikpela samting em i lukim we bai helpim long go hetim wok bung namet long gavman na sivil sosaiti em wok bung na glasim ol lo long strongim wok bilong ol sivil sosaiti ogenaisesen na NGO long kantri. Tu, em i moabeta long gvman i givim gutpela sapat long ol NGO bilong mipela yet na ol i ken kamap asples ogenaisesen tru. Rejistaim olgeta NGO long kantri na gavman i mas strongim na developim patnasip wantaim ol sios.

Ledi Kidu i tok sios i sindaun long gutpela posisen bikos em i save stap wantaim pipel na wok voluntia em i as long wok bilong sios.

TRAIN FOR SUCCESS!

Gain professional skills and accredited qualifications with expert British Training, for a great career. Fees include all you need to succeed!

Your own
CIC Diploma
- your path
to success!

Accredited British Training approved by the Papua New Guinea Ministry of Labour & Employment

Certificates & Diplomas (£130 or US\$260)

* Accounts, Hotels, Tourism, Computers
* Administration, Office, Insurance, Marketing
* English, Secretarial, Purchasing, Stores
* Business, Management, Personnel, Trade
Advanced, Honours and MBA Diplomas
* Business, Finance, Marketing, Personnel

For a FREE Information Book contact:
CAMBRIDGE INTERNATIONAL

Box 53, Southampton, SO14 0JY, Britain

Email: info@cambridgetraining.com

Web: www.cambridgecollege.co.uk

Fax: +44 2380337200

Name: _____

Address: _____

Age: _____

Cambridge - your KEY to success!

To!

TRAPELA MONING TRU TORO GO SANAP LONG MAKET NA WETIM OL MEKEO LONG KARIM BUA! I KAM...

NAU WANPELA TRAK BILONG OL MEKEO I KAM KAMAP...

BAI MI STILIM WANPELA BEG BUA! NA TEK-OFF! SANS, YA!



OLGETA RON! GO LONG TRAK, TORO TU BIHAINIM OL...



WANPELA MAN BAIM BUA! BILONG EM NA PUTIM ARERE LONG EM... TORO I KAM ISI NA STILIM I GO...



TAIM MAN YA I TANIM NA LUKIM TORO KARIM BEG BUA! BILONG EM I GO... EM BIKMAUS NA RAUNIM EM...



96 pik long Kiunga i dai long Swain Fiva

Ian Kakarere i raitim

SAMTING olsem 96 pik insait long Kiunga, Westen Provins i dai pinis long wanpela sik bilong pik ol i kolim Swain Fiva.

Nesenel Agrikalsa Kworentin na Inspeksen sevis (NAQIA) opis long Kiunga i putim bikpela tambu long ol manmeri i karim pik na ol arapela abus i go aut long Westen provins.

Long wanpela pablik notis long Septemba 20, NAQIA opisa long Kiunga, Kaiiki Namulu i tok ripot em i kisim pinis olsem 96 pik insait long Lake Murray na Nomad Wara ples long Westen Provins i bin indai pinis long dispela sik.

Mista Namulu i tok olsem ol manmeri i stap long Westen Provins i mas bihainim dispela tambu NAQIA i putim bai ol i ken traim daunim

dispela sik bilong pik bai i noken go aut long ol arapela ples.

Em i askim olgeta wan wan manmeri i stap long Kiunga long harim tok na bihainim tasol.

Mista Namulu i tok i tambu long karim pik long Wes Papua provins long Indonesia i kam long ol provins i sindaun klostu long PNG boda olsem Westen na Sandaun provins.

Em i tok ol ples manmeri long ol boda ples i noken larim ol famili bilong ol long Wes Papua i karim ol laip pik o abus i kam insait long PNG, maski ol i karim kam olsem wok kastom.

Mista Namulu i tok pasin bilong salim na baim mit bilong pik insait long Kiunga taun na long ol ples maket i mas pinis na ol manmeri i noken givim pipia bilong mit bilong pik i go

long ol dok bilong ol tu.

Em i singaut long ol pipel i mas toksave kwiktam sapos ol pik bilong ol i indai nating. Em i tok ol i mas toksave long DPI opisa i stap klostu long ol o long ol gavman opisa, tisa o misinari klostu long ol.

Ol i mas sekim tu hanmak bilong dispela sik bilong pik, olsem: Pik i ai raun na i les long kaikai; Pik i no nap sanap strong em yet; Pik i skin guria; Pik i painim hat long pulim win, ai bilong em i sua na nus bilong em i kus; Skin bilong pik i hot; Pik i gat ol ret o blu mak na sua long skin, iau, maus na nus na lek han bilong en; Na planti pik indai long sotpela taim tasol.

Mista Namulu i tok olgeta manmeri i mas save long ol dispela samting long daunim dispela sik bai i noken go aut long ol arapela hap.

15 ritrens soldia kisim bisnis skul

Paul Zuvani i raitim

15 ritrens soldia nau i gat gutpela save bilong ronim bisnis bihain long ol i pinisim skul long Murray Bareks wantaim setifiket long dispela mun.

Namel long dispela ol ritrens soldia em tupela pikinini man bilong tupela ritrens opisa.

Dispela skul bilong ronim bisnis em Smol Bisnis Developmen Koperesen (SBDC), wanpela opis bilong gavman, i ronim wantaim ol soldia.

Minista bilong Difens na Mema bilong Sumkar, Mathew Gubag, i tok em i amamas long harim olsem bihain long dispela

ol ritrens soldia i kisim dispela skul ol nau bai ken helpim komyuniti moa long planti ol gutpela samting.

"Bikpela samting em long helpim ol ritrens soldia long mekim ol samting long helpim ol yet bihain long ol i pinis long ami.

"Ol eks sevis man nau i gat save long wei bilong yusim mani na i no tromoi mani nating we bai givim hevi long famili bilong ol.

"Dispela program bai mekim ol eks sevis man i go bek long ples bilong ol we bihain ol bai sapotim Ekspot Driven Ikonmik Rikavari Program bilong nesenel gavman," Mista Gubag i tok.

Long makim maus bilong ol

soldia Lens Koprel Norm Suba bilong Morobe husat i stap soldia moa long 20 yia i tok ol sumatin i lainim planti ol gutpela samting na i amamas long dispela.

"Dispela kain kos em PNG Difens Fos i mas luksave na larim ol soldia i lainim samting long en longtaim. Tasol dispela i no bin kamap inap nau," Lns Koprel Suba i tok.

"Givim mani em i gutpela tasol lainim man long wei bilong stap em i bikpela samting tru. Mipela i amamas.

"Mipela i ken kisim mani tasol dispela bai pinis hariap. Wantaim dispela kain skul mipela i ken helpim mipela yet long planti ol

arapela gutpela samting," em i tok.

Long makim maus bilong SBDC Peter Miria wanpela opisa husat i go pas long dispela kos i tok em i amamas long lukim olsem ol sumatin i gat bikpela laik long lainim samting.

"Dispela em i namba wan taim long mipela i ronim kain program we ol samting i ron gut.

Ol opisa yet i no inap baim stret kos fi tasol gavman bai katim long pinis pe bilong ol," Miria i tok.

"Mipela i lainim ol long save bilong ronim bisnis olsem taim ol i go bek ol i gat samting bilong helpim ol yet long longpela taim," em i tok.

PNG i no amamas long teroris birua long Indonesia

MINISTA bilong Foren Afeas, Sir Rabbie Namaliu, i makim maus bilong Papua Niugini long tok sori long famili bilong ol lain husat i bin dai long Indonesia taim ol birua lain i bomim ples arere tasol long opis bilong Australia Embesi long biksiti Jakarta. Planti lain husat i kisim bagarap na i dai em ol pipel bilong Indonesia.

Sir Rabbie i tok hevi bilong teroris insait long wansolwara kantri bilong yumi i wok long kamap bikpela na i kamap klostu long dua bilong PNG.

Em i tok olsem mipela i no inap wanbel tru long kain birua pasin olsem. Olsem mipela i mas lukluk strong insait long ol wok sekyuriti bilong kantri na rijon bilong mipela olsem long Australia, Indonesia na ol arapela Pasifik kantri.

Dispela birua we ol teroris i tromoi bom na bagarapim ol manmeri long Indonesia long dispela mun i soim olsem birua bilong teroris i stap.

klostu pinis long mipela.

Sir Rabbie i tok PNG i bin wok klostu wantaim Indonesia na Australia long lukluk insait long ol hap bilong strongim na taitim sekyuriti insait long rijon long daunim dispela birua.



Nau ol pipel bilong Sepik i ken ring long mobail telepon bikos Somare yet i go opim pinis mobail pon sevis las wik. Dispela vanilla kantri bai pulap long mobail telepon yet ya bikos em nating tru long baim wanpela. Lukaut nogut mobail pon stua bai sot long saplai ya olsem Ela Motors i bin sot long kar long Wewak taim vanilla i bin hot.

Em i gutpela long ol Telikom wokmanmeri i soim raits bilong ol aninit long lo long straik long ol bikpela hevi bilong wok na kantri. Tasol i luk olsem ol i save straik tasol long kampani wik na i no long gavman wik?

Wanpela poroman i nek drai stret na i ron igo long feveret klap bilong ol long Fonde las wik. Longwe yet taim em i kam, papa bilong klap i lukim em pinis na mekim sain bilong x long han bilong em. Em i min olsem klap i pas. Dispela em bikpela de bilong Independens long kantri na olgeta lika stua i pas. Dispela poroman ya i mas kam long ovasis na ino save long bikpela de bilong kantri o olsem wanem?

Moabeta ol bikman bilong polis i mas raun long praivet ka bilong ol wantaim famili na sekim ol wok bilong ol polisman long rot blok na trefik. Ol inap laki long holim ol junia bilong ol i mekim kainkain stail. Laki tru wanpela sinia opisa i holim stret tupela polisman i laik sasim em long K50. I luk olsem planti kain pasin olsem i save kamap ya.

Nathalie Makoma i kam raun long Mosbi na Lae na i go we? Nogat man i harim em gen o lukim em i singsing long we. Stap isi, em go bek long kisim ol brata susa bilong em i kam long neks mun. Dispela taim bai ol i kukim stret PNG wantaim ol feveret musik bilong ol.

Klostu taim bilong NRL gren fainel nau. Ol semi fainels bai long dispela wiken na bihain long dispela bai mipela lukim dispela bikpela gem. Skin kirap long lukim ol dispela pilai i mekim na wanpela wokman bilong Wantok Niuspepa i go na baim wanpela liklik T.V. Em i bin karim i kam long opis, nogat boks i bin karamapim. Long apinun nau, dispelaP wokman, husat planti taim i save wok i go traipela nait i tok ating i moabeta mi go long haus hariap. Ol polis rot blok bai ol ting olsem mi stilim dispela T.V. Gutpela tingting bilong em na trangu i bin go gu wantaim T.V bilong em long haus.

Na ol North Queensland Cowboys i kam long we tru na wok long pilai strong tru. Man, gem bilong ol egensim ol Brisbane Broncos las wiken i bin wanpela stail gem tru na liklik fulbek bilong ol em hap man tru bilong pilai.

Hiri Kwin na Gavana Jenerel



Hiri Kwin 2004, Mary Toua, i sanap wantaim Gavana Jenerel Sir Paulius Matane bihain long em i winim dispela resis bilong Hiri Hanenamo long las wik Hiri Moale Festival we i kamap tu wantaim Independens De bilong PNG. Foto: POU TOIVITA

St Joseph's International Catholic School



EDUCATORS REQUIRED 2005

The response to the above advertisement in this newspaper in early July 2004 was overwhelming. There were in excess of 350 quality applications. The Port Moresby Catholic Archdiocese Education Agency and School Board have completed selection, interviewing and appointment of staff for 2005. Educators who were short listed were posted a response in the mail last week. All other educators who applied please note that this School Board notice is to advise you that your application has been unsuccessful. Thank you for your application.

Hap Hap Nius

Siwai distrik rausim
olgeta pait gan

SIWAI distrik long Saut Wes Bogenvil i pinisim program bilong em long rausim olgeta pait gan insait long distrik.

Program bilong ol i pinis gut bilong wanem i nogat wanpela pait gan i lus o ol i stilim.

Siwai em i wanpela ples long Bogenvil we ol paitman yet wantaim ol sief bilong ol i pasim tok long kisim olgeta pait gan na go givim long distrik opis bai ol i rausim.

Minista bilong Pis insait long Bogenvil Interim Provinsel Gavman na BPC Vais Presiden, James Tanis i tok amamas long wok bilong ol bipo paitman na ol lida bilong Siwai long karimaut dispela gupela wok.

Tupela ples tasol i stap nau long program bilong rausim ol pait gan long Bogenvil.

Laguai na Buin tasol i mas rausim ol pait gan bilong ol yet.

Ol i gat samting olsem 132 pait gan i stap yet aninit long program long pinisim na Yunaited Nesens Obseva Misin long Bogenvil bai i ken sekim na toksave long pinis bilong dispela program.

Kokopo statim program bilong klinim taun

LOKEL Level Gavman (LLG) biong Kokopo-Vunamami insait long Is Nu Briten provins i laikim Kokopo taun i mas stap klin.

Ol i sanapim pinis wanpela wok komiti bilong go pas long wanpela aweanes program bilong skulim pablik long lukautim Kokopo taun.

Ol mausman bilong LLG, polis, provinsel lens trenspot bod na komyuniti, ol non gavman oge- naisesen, bisnis sekta, media na turisim buiro i sindaun long dispela komiti.

Ol i kamapim namba wan kibung bilong ol las wik long kamapim eksen plen o makim rot ol bai karimaut wok aweanes bilong klinim Kokopo.

Siaman bilong komiti, Aaron Maramun husat i wok olsem Kokopo Taun Menesa tu, wantaim ol arapela komiti memba i pasim tok olsem ol bai lonsim dispela wok aweanes program klostu taim.

Em i tok edministresen bilong em long Kokopo i no amamas long Kokopo taun i wok long bagarap wantaim pipia. Mista Maramun i tok ol i laik bai Kokopo taun i nogat spet buai, ol kain kain pen nogut antap long en na ol kain kain pipia.

Dispela wok komiti bai go aut long olgeta skul insait long distrik long karimaut wok aweanes bilong ol.

Plantil ol taun raunim kantri nau i wok long tingting long statim ol nupela program we bai helpim long mekim taun bilong ol i stap klin.

Nu Ailan lukluk long apim mani i go long ol skul

NU AILAN Provinsel Gavman bai apim mak bilong mani i go long ol skul insait long provins stat long neks yia.

Gavana bilong Nu Ailan, Ian Ling-Stuckey, i tokaut olsem moa mani bai go long mekim wok mentenens o stretim na sanapim ol nupela laibri, haus bilong tisa na ol rum bilong ol sumatin bilong silip.

Tasol em i tok tu olsem Nu Ailan provinsel gavman yet i no inap long stretim olgeta hevi bilong edukesen insait long provins.

Em i tok Nu Ailan komyuniti yet na Nesenel Gavman tu i mas mekim wok bilong ol long helpim apim mak bilong edukesen insait long provins.

"Provinsel gavman na provinsel edministresen i redi nau long go pas long edukesen sekta long nesenel na provinsel level long stretim ol hevi ol skul i painim nau. Ol i askim komyuniti long wok bung wantaim ol long kamapim dispela.

Nogat wanpela gavman bilong bipo i bin mekim olsem," Mista Ling-Stuckey i tok.

Em i bin go lukim namba 40 anivesari o bondei bilong Madina Hai Skul las wik.



Mista Ling-Stuckey wantaim ol skul kepten bilong Madina Hai Skul. Foto: JONATHON TANOS

Mista Ling-Stuckey olsem petron bilong Madina Hai Skul i tok olsem gavman bilong em i laik senisim lukluk bilong ol manmeri long edukesen.

Em i tokim Bod ov Gavanoas bilong Madina Hai Skul wantaim ol tisa na ol papa mama

wantaim long stap sambai long ol opisa bilong AusAID husat bai go raun lukim Nu Ailan long mun Oktoba.

Mista Ling-Stuckey i tok ol lain bilong AusAID bai go raun lukim ples pastaim long ol i makim hap mani bilong

K4,000,000 bai go long wanem hap long Nu Ailan aninit long nupela Edukesen Kapesiti Biding Program (ECBP) bai go long apgredim Madina i go kamap wanpela Sekenderi Hai Skul bilong ol meri i go inap gred 12.

Brown givim tok lukaut long Nakmai

MINISTA lukautim Pablik Sevis, Sinai Brown, i mekim bikpela tok lukaut i go long gavana bilong Wes Nu Briten provins, Clement Nakmai, olsem em i no inap long makim bek edministreta William Padio taim em i gat ol sas i wetim em i stap yet.

Mista Padio i bin lusim wok bilong em bihain long polis i sasim em long paulim mani bilong provinsel gavman.

Long wanpela pas, Mista Brown i tokim Mista Nakmai olsem em i no inap long makim bek Mista Padio bilong wanem kot i no pinisim wok painimaut long ol sas bilong en.

Em i tok olsem Mista Padio i no kisim mekim-save long en aninit long ol dispela sas tu.

Mista Brown i tok sapos Mista Nakmai i lusim Mista Padio i go bek wok, em bai brukim lo.

Nu Silan Hai Komisina raun long Buka

HAI Komisina bilong Nu Silan long PNG, Lawrence Markes, i bin go raun long Buka long Bogenvil long tripela de long dispela wik.

Bihain long em i kamap long Buka, Mista Markes i bin go raun lukim Edministreta bilong Bogenvil, Peter Tsiamalili, Gavana John Momis, na Minista bilong Polis, Hillary Masiria, bipo long em i go long Arawa long bungim ol maus man bilong Yunaited Nesens (UN) long hap.

Bihain long kibung bilong em wantaim ol UN mausman long Arawa, em i raun lukluk long ol projek we

Gavman bilong Nu Silan i kamapim long Arawa.

Em i bin stap long ol kibung wantaim Presiden bilong Bogenvil Pipels Kongres (BPC) Joseph Kabui, Minista bilong Pis o gupela sindaun, James Tanis, na Ishmael Toroama.

Nu Silan em wanpela long ol kantri i go pas long sanapim ol projek long Bogenvil.

Bikpela projek Nu Silan i wok long kamap long hap em long Komyuniti Polising long Bogenvil na ol arapela wok long sanapim bek ol haus na stretim rot.

Ling-Stuckey tok klia long winmani Lahir Gol Main

GAVANA bilong Nu Ailan, Ian Ling-Stuckey, i tokaut las wik olsem olgeta royalti o winmani bilong Lahir Gol Main em Nu Ailan Provinsel Gavman i save makim olsem mani ol i kisim insait long provins yet na i save go insait long provinsel gavman baset.

Bihain long dispela mani i go insait long baset, em i save bruk i go long wanwan lokal level gavman na Kavieng na Namatanai distrik long mak bilong namba bilong ol manmeri i stap long ol dispela hap.

Em i tok ol i kisim ol dispela namba bihainim ol namba bilong senses bilong 2000.

Ling-Stuckey i bin kamaut wantaim dispela tok klia bihain long Memba bilong Namatanai, Byron Chan, i singaut long en i mas brukim gut ol dispela mani bai Namatanai na Kavieng i mas kisim wankain.

Mista Chan i tok Namatanai distrik yet i mas kisim samting olsem 55

pesen bilong olgeta royalti bilong wanem aninit long 2000 Senses, Namatanai i makim samting olsem 55 pesen.

Tasol Mista Ling-Stuckey i tok olsem dispela i no stret na Mista Chan i mas sekim gut olgeta projek i go aut long wan wan distrik i stat long taim nupela provinsel gavman i bin kisim opis long 2002.

"Memba bilong Namatanai i mas sem long toktok bilong em bilong wanem em i bin vot long dispela provinsel gavman baset we i tok klia olsem olgeta mani i kam long Lahir bai i mas go long olgeta distrik. Bihain em yet i singaut gen long provinsel gavman i mas brukim gut mani," Mista Ling-Stuckey i tok.

Em i singaut long Mista Chan long lusim kros bilong em long Pangu Pati na wok bung wantaim memba bilong Kavieng na Nu Ailan Provinsel Gavman.

**BIABIA GO LONG PAINAPOL
BILDING NA OL SEKIURITI PASIM
EM LONG DUA...**




**TARANGU SEKIURITI INO BILIP
LIKLIK LONG EM...**



**TASOL BIABIA I LES LONG SAINIM
BUK NA GIAMANIM SEKIURITI YA...**



**TASOL BIABIA INO HARIM GUT NA
EM BEKIM...**



Hap Hap Nius

Wewak kisim
mobail telepon sevis

WEWAK taun long Is Sepik provins i ken kisim mobail telepon sevis nau. Dispela sevis i op pinis long las Fraide taim Praim Minista Sir Michael Somare i bin go long Wewak na opim. Ol lain i save go pas long ronim dispela sevis bilong mobail telepon i bin go wantaim Sir Michael long dispela bung.

Wewak i kamap namba 6 senta insait long Papua Niugini long i ken yusim mobail telepon sevis. Ol arapela senta em Pot Mosbi, Lae, Madang, Goroka na Hagen.

Dispela mobail telepon sevis em ol kain liklik telepon yu ken karim long poket na raun na yu ken ring na toktok wantaim ol arapela o ol lain i ken ringim yu taim yu wokabaut long rot.

Morobe edministresen baim bokis

Bodi bilong ol manmeri bilong Wau Bulolo we i bin dai long birua bilong ka las wik bai Morobe Provinse Edministresen i salim long bokis i go long ples long planim.

Dispela em ol manmeri bilong wanpela PMV ka bilong Wau we i bin bam wantaim wanpela bikpela trak long namel rot long Timini ples long Mumeng.

Provinse Edministreta bilong Morobe, Manasupe Zurenuoc, i bin tokaut long las wik olsem bai edministresen i baim bokis na putim ol dispela bodi long en na salim i go long ples long planim.

Em i tok dispela em ol gutpela manmeri bilong ples husat i kam long Lae long maket na ol bisnis bilong ol na i laik go bek long ples taim ol i bungim dispela birua.

Em i tok long makim Morobe Edministresen, ol i salim bikpela tok sori na wari i go long famili bilong ol dispela lain manmeri husat i lusim laip bilong ol long dispela birua. Planti manmeri tu i bin kisim bagarap long dispela taim.

Raskol kilim wanpela meri long Lae

Ol man nogut i sutim wanpela meri wantaim sotgan tpela taim olgeta na kilim em i dai taim meri ya i harim nois i kamap insait long haus na em i laik sekim. Dispela birua i bin kamap long Lae las wik long Voko Poin hap.

Polis ripot long Lae i tok dispela birua i bin kamap long bikmoning las Trinde long banis bilong PNG Foresti Ges Haus.

Ripot i tok samting olsem 4-pela man nogut i bin go insait long haus long bikmoning klostu olsem 3 kilok wantaim ol sotgan. Taim dispela meri i harim nois long haus, em i laik sekim na ol dispela man nogut i sutim em stret.

Ol i sutim em wantaim hom med sotgan na katres i brukim bros na tewa bilong em, ripot bilong polis i tok.

Ol i luksave long dispela meri olsem Teta Giwi bilong ples Bulandem long Morobe provins. Em i gat 22 kismas. Man bilong dispela meri ya i save wok wantaim PNG Forest Product long Lae.

Somare mekim Independens raun long Is Sepik provins

PRAIM Minista Sir Michael Somare i bin go long Is Sepik provins long makim Independens De bilong Papua Niugini las wik.

Em i bungim ol pipel bilong Ambunti Drekikia na tokim ol olsem ol i mas amamas long Independens bilong PNG bikos mipela i kisim dispela independens isi tru na i nogat pait o blut i kapsait long kisim dispela samting.

Em i bin go wantaim Memba bilong Yangoru Sausia, Peter Wararu na Gavana bilong Is Sepik Henry Ariro, Provinse Edministreta, Fanston Yaninenna, na Provinse Polis Komanda, Leo Kabileo.


Sir Michael i go gen long Brugam long Maprik ilektoret we em i bungim Minista bilong Woks na Memba bilong Maprik, Gabriel Kapris.

Long dispela hap Mista Kapris i opim wok bilong sanapim nupela hai skol.

Bihain ol i go long hap bilong longtaim politiks man Sir Pita Lus we Sir Michael i sindaun na lukim tok sori bung i kamap namel long Sir Pita Lus na ol pipel bilong Maprik.

Dispela i makim ol tok pait na kros nabaut we i stap nagel long Sir Pita na ilektoret bilong em taim em i lus namba wan taim long 2002 nesenel ileksen.

Tupela lida i tokaut long



• Ol Sepik i bilasim Sir Michael wantaim bilas bilong tumbuna.

bikpela laik bilong tupela long kantri i mas ron gut na kamap gutpela na tokim ol pipel bilong Maprik long lusim wanem kain kros nabaut ol i gat na go het long kamapim gutpela wok na gutpela samting bilong helpim ol yet na komyuniti tu wantaim.

Sir Michael i go long Gavien long hap bilong Angoram distrik we em i toktok long kirapim gen raba indastri long hap.

Tasol em i singaut strong long ol pipel yet i mas sanap strong long wok agrikalsa bilong ol.

Em i mekim las stop bilong em long aspies bilong em stret long Angoram we bikpela lain manmeri i wetim em na kisim em i kam.

Long hap Sir Michael i tok tok yet long Independens bilong kantri na rot bilong go het long strongim kantri na

kisim kantri i go het yet.

Em i bin kisim taim tu long harim wari na hatpela laip bilong ol pablik seven wokmanmeri husat i save wok i stap insait long ol ples.

Sir Michael i tok promis long em bai karim dispela hevi i go toktok wantaim ol atoritii go pas long ol insait long provinse na nesenel level.

Raun bilong Sir Michael i bin go gut tasol.

Ol UN opisel i raun long Madang

WANPELA grup bilong Yunaited Nesens i bin kamap long Madang long Independens wiken long lukim ples na ol samting las wiken.

Ol i bin laik go long Bogenvil tasol ples balus long Buka i bin pas olsem na Rijono Memba bilong Madang, Sir Peter Barter, i kisim ol i go long Madang.

Ol i bin raun lukluk long Beon Haus Kalabus na tu long Sungribu long Midel Ramu.

Dispela wokabaut bilong ol i givim ol sans long toktok wantaim ol kalabus lain, ol wokman

bilong kalabus na ol skol pikinini.

Deputi Dairekta bilong Esia Pasifik Divisen Beng, Yong Chew, i askim ol long skol gut na kamapim gut edukesen bilong ol na tu holim gut pasin tumbuna na kalsa bilong ol. Taim ol i go bek long komyuniti ol i ken yusim gut dispela save bilong ol long kamapim gutpela samting na kamap gutpela manmeri bilong komyuniti.

Bihain long dispela Sir Peter Barter i kisim ol lain ya na ol i ron i go olsem long Sungribu

long Midel Ramu we ol i lukim laip na sindaun bilong ol pipel long skelim wantaim dispela taim nau we ol bisnis na sevis i no ron gut insait long kantri tude.

Em i mekim bikpela tok amamas tu i go long AusAID program we i helpim long stretim bikpela haiwe rot bilong Josephstaal i go long Bogia.

Insait long dispela wokabaut tu em Faunding Dairekta bilong UNOMB long Bogenvil Valery Marusin tu i wokabaut wantaim ol.

Ples lain yet brukim klinik

Yowakicte Buafec
i raitim

WANPELA klinik insait long Hotec long Homiya Salamaua distrik long Morobe provins, i pas pinis longtaim yet na i no moa givim marasin o helt sevis long ol pipel bilong ples.

Ripot i tokaut olsem planti bikhet pasin i wok long kamap insait long ples we ol lain bilong dispela ples yet i wok long kamapim pasin stil long dispela klinik na ol stua bilong ples na tu long haus bilong ol misinari lain tu i wokabaut wantaim ol.

go long tok ples.

Ripot i tok ol bikhet man i brukim dispela klinik na go insait na kisim ot marasin na ol

Planti bikhet pasin i wok long kamap.

Samting bilong wok wantaim na givim aut nabaut long ol lain.

Wanpela bilong ol i bin hait na karim sola pawa bilong SIL i go long Lae long salim taim kaunsela bilong Hotec i lukim em na kisim polis i go holim man ya long Malahang.

Long nau yet ol i wok long painim ol dispela trabel lain.



The new generation Caterpillar Forklift is born from years of industry leading design experience. A new standard is now set for **reliability, operator productivity, and safety.**

Caterpillar Forklifts delivers on its promise for a cleaner **environment** with automotive style engine controls that reduce gas emissions and diesel smoke.

Discover the higher standard
in material handling with
Caterpillar® Forklifts.

Hastings Deering



• PORT MORESBY - Phone: 300 8300 - Fax: 325 0141
• LAE - Phone: 472 2355 - Fax: 472 1477
• TABUBIL - Phone: 548 9162 - Fax: 548 9155
• RABAUL - Phone: 982 1244 - Fax: 982 1129
• LIHIR - Phone: 986 4105 - Fax: 986 4107



Hap Hap Nius

Kot larim meri i go fri

Nesenel Kot long Hagen i larim wanpela meri i go fri bihain long em i sanap long kot long kilim man bilong em wantaim naip bikos i nogat tru ai witnes. Dispela meri i kisim sas long kilim dai man bilong em tasol kot i harim olsem em i mekim dispela long abrusim birua man bilong em inap kamapim long em.

Kot disisen i skelim olsem i nogat man i bin lukim long ai stret long dispela birua maski tupela susa bilong dispela man i givim ripot long dispela birua. Dispela meri i bin kamaut na mekim bikpela tok sori long ol lain bilong man na tu long tupela pikinini man bilong em na i tok dispela i no tingting bilong em tru long kilim man bilong em.

Launa i no amamas long sindaun bilong Simbu polis

Wok na sindaun bilong ol polismanmeri long Simbu provins bai i gat lukluk insait long stretim. Bai i gat wok lukluk insait long ol hap we i mas gat wok long stretim.

Dispela em toktok bilong Simbu Gavana Peter Launa long las wik taim em i toktok wantaim ol polisman long Kundiawa long las wik. Moa long 5000 manmeri i kam bung long lukim dispela bung na harim ol toktok gavana i mekim.

Mista Launa i bin raun lukluk long haus slip bilong ol polisman long Kerowagi long las wik na ino amamas long lukim olsem ol haus i no gutpela tru long ol manmeri i slip long en. Olsem na em i no amamas long ol lida na polis dipatmen long i no lukluk long stretim dispela hevi bilong ol polismanmeri.

Bai ol polismanmeri i mekim wok bilong ol gut olsem wanem taim yumi i no stretim sindaun bilong ol insait long wok bilong ol, em i askim.

Risos senta long Goroka bai op

Bai bikpela konferens bilong ol meri i kamap long Goroka long Septemba 27 inap 29, 2004. Dispela konferens bai kamap na go wantaim open de bilong Wes Goroka wimens risos senta.

Dispela konferens na open de em memba bilong Goroka na Minista bilong Intenel Sekyuriti Bire Kimisopa.

Dispela risos senta i kos samting olsem K80,000 na ol lain olsem long Gavman opisei na olkomuniti mausman, ol non gavman grup na ol arapela lain husat i save givim helpim i kisim askim pinis long kamap na lukim dispela risos senta i op. Minista bilong Komuniti Developmen Ledi Carol Kidu bai kamap long toktok long dispela taim bilong konferens.

Pawa dai long Wabag taun

BIKPELA pawa lain long Wabag long Enga provins i bin pundaun long las wik Fonde we i mekim taun i bungim planti hevi long fait i wok long dai long ol haus na bisnis.

Dispela pawa lain i bin pundaun taim wanpela diwai we ol man i bin katim pinis na i sanap yet i bin pundaun i kam daun antap long dispela pawa lain na brukim pawa lain i go daun.

Dispela em long hap bilong Rakamanda ples long haiwe klostu tasol long Wabag.

Ol lain bilong wok wantaim pawa i tok ol i wok long karimaut wok yet long stretim dispela hevi we em bai kos bikpela mani tru long PNG Pawa long baim ol samting bilong stretim dispela bagarap.

Ol bisnis haus na ol famili i bungim hevi pinis long pawa saplai long haus na bisnis bilong ol long las 5-pela de i kam.

Ripot i tok ol i traim yusim wanpela jenereta long pulim pawa i kam long sevim Wabag taun tasol dispela jenereta i no inap bikos strong bilong em i no inap pulim inap pawa bilong saplaim Wabag taun.

I gat ripot tu olsem Enga Provinsel Gavman i baim wanpela bikpela jenereta kos bilong em i olsem K600,000 tasol ol i no traim yet.

Ol i tok dispela jenereta em bikpela na strong bilong em i inap long pulim inap pawa bilong saplaim pawa long Wabag taun na tu long ol asples klostu long taun tu.

Nondogul amamasim Independens

...Mas Kal givim K10,000 olgeta long skul na distrik

Paulus Tali raitim

NONDOGUL distrik insait long Not Waghi hap bilong Westen Hailans provins i bin amamasim gut tru namba 29 independens bilong Papua Niugini.

Bung bilong ol i pulim gut tru planti ol manmeri wantaim ol kainkain singsing grup na ol naispela na stailpela ol bilas bilong ol.

Moa long 18,000 manmeri i bin kamp long lukim dispela de we i kamap long Septemba 16 taim kantri i tingim taim em i kisim Independens long 1975 i kam inap nau.

Long dispela taim ol i bungim Memba bilong Not Waghi, Michael Mas Kal,

husat yet i kamap na lukim dispela de.

Em i givim K5000 i go long distrik long helpim ol long ronim wok bilong ol.

"Dispela mani mi givim i no bilong politiks rot, nogat, em bilong yupela long amamasim dispela Independens De wantaim gut, Mista Mas Kal i tok.

Long dispela taim tu em i givim K5000 i go long Dona Hai Skul, wanpela skul bilong Evenjelikel Bradahud Sios (EBC).

"Kantri blong yumi em i yangpela na i no strong yet olsem na yumi i mas wokim ol wok bilong yumi yet long helpim na developim kantri bilong yumi," Mista Mas Kal i

tok.

Deputi Edministreta bilong Westen Hailans, Michael Wandi, tu i givim K500 i go long distrik bilong Nondugl long ronim wok bilong distrik.

Nondogul Distrik em i wanpela bikpela hap long Not Waghi na em i gat moa long 28,000 pipel, 23 Lokol Level Gavman kaunsil, 10-pela skul na planti ol Kristen long hap em ol Luteran na Katolik na liklik misin i stap insait i no planti.

Long gutpela sait bilong Nondugul em ol yet i save mekim samting long hatwok bilong ol olsem stretim rot, skul wok na haus sik tu.

Plantil ol gutpela ples bilong

wokim turisim stap long hap tu na lo na oda hevi i wok long go daun.

Mista Mas Kal i tok em i gat tingting long stretim rot namel long Nondugul i go long Kimel.

Klostu long mun Desemba bai ol i opim nupela LLG opis bilong ol we wanpela pikinini bilong Nondugul yet i disainim.

Presiden bilong Nesenel Pati, John Gelu, i tokim Wantok Niuspepa olsem em i amamas long Mista Mas Kal long kamap na soim amamas bilong em wantaim ol pipel bilong Not Waghi.

Mista Gelu i tok tu olsem ol pipel laikim lida long kamaut na lukim hevi bilong ol na stretim.

Taim drai, paia kirap



BIKPELA san na drai i wok long kamap strong tru long planti hap bilong kantri. Na Goroka, biktaun bilong Isten Hailans, em i wanpela long ol dispela hap we i wok long drai isi isi. Bikpela tok lukaut i kam long Paia Dipatmen olsem sapos ol manmeri i no was gut long dispela taim, ol kain birua olsem ol liklik paia i ken kirap na kamap bikpela wantu tasol na kamapim bagarap. Las Sarere dispela bikpela petrol stesin long poto, we i save givim bikpela servis tru long ol pipel bilong Goroka na provins na ol arapela senta, i bin paia. Foto: SAPE METTA

Bipo lida laikim ol wokman bilong Australia long Sauten Hailans

Yakam Kelo i raitim

TUPELA olupela lida bilong Sauten Hailans provins i wanbel long ol gavman opisa bilong Australia i go na wok long provinsel hetkota bilong long strongim na stretim provins.

Ol dispela tupela olupela lida em Sir Matiabe Yuwi (olpela memba bilong Tari Pori) na Yano Belo (olpela memba bilong Kagua Erave), na tupela i wanbel long ol opisa i go wok long Mendi long lukim ol mani na wok i kam long nesenel gavman i ken go stret long ol pipel.

Sir Matiabe i tok wanem mani i stap bihain long Inta Gavman Rilesens Minista Sir Peter Barter i mekim wok painimaut long provins las mun i mas go bek long kirapim provins.

Mipela i laikim ol man bilong wok stret na i save long mekim wok gut long go mekim wok long provins, Sir Matiabe i tok.

Mipela i save bai gavman i

salim ol polismanmeri bilong Australia i go long provins. Tasol mipela i laikim ol pablik seven husat bai wok insait tu long edministresen na fainens bilong provins, em i tok.

Ol opisa i ken stretim hevi bilong mipela olsem ol i bin mekim long bipo long 1950 i kam na ol inap mekim gen, Sir Matiabe i tok.

Tupela lida i no amamas tru long lukim olsem i nogat pablik sevens long mekim ol wok insait long ol distrik na planti samting i go bagarap olgeta.

Tupela i tok long bipo rot i gutpela long talibu i go long Koroba, i gat ol polisman na ka bilong ol long olgeta distrik, Didiman na Komes opisa i save mekim gut wok wantaim ol pipel wankain olsem ol helt woka i save raun long ol haus sik na givim marasin long ol manmeri.

Nau olgeta dispela samting i senis i go nogut olgeta, tupela i tok.

Hevi bilong lo na oda i bikpela hevi tru insait long provins we i pretim planti gutpela pablik sevens wokman bilong arapela provins i go bek pinis long provins bilong ol, Sir Matiabe i tok.

Tasol ol dispela lain i go bek long arapela provins i wok long kisim potnait pe yet, Mista Belo i tok.

Mista Belo i tok i nogat gutpela politikel na gavman lidasip insait long provins olsem na planti wok na servis i bruk daun olgeta pinis.

Long dispela tupela i tok i gutpela long nesenel gavman i salim sampela opisa i go wok tu insait long provinsel gavman opis na stretim gut sampela wok na ron bilong servis i ken go aut gut liklik.

Tupela i tok Sauten Hailans i bin wanpela naispela provins tru inap ol lida yet i bagarapim ol risos na ol samting na mekim provins i pundaun na kamapim kainkain hevi long tude.

Developmen plen bilong Duma

MEMBA bilong Maunt Hagen, William Duma, i bin mekim bikpela tok amamas i go long planti man na meri bilong narapela hap provins na kantri i wok i stap long kirapim siti na ilektoret.

Em i tok tenkyu long ol wokmanmeri na ol bisnis komuniti long ol wok ol i mekim long mekim Hagen i groa na kamap olsem tude.

Mista Duma i mekim dispela toktok long Independens toktok bilong em i go long ol pipel bilong em long Hagen.

Mista Duma husat em Minista bilong Envairomen na Konsevesen i tok long dispela bikpela de em i laik toksave long ol developmen plen em wantaim distrik baset praoriti komiti i kamapim long kirapim ilektoret.

Mista Dumai tok ol i gat plen long stretim ol han rot, givim pawa na wara na wokim ol klasrum bilong skul. Dispela kain developmen bai givim gutpela servis i go long ol pipel.

Mi wantaim ol komiti bilong mi i gat strongpela bilip olsem ol pipel i mas kisim gutpela servis long stretim sindaun bilong ol. Dispela inap helpim ol liklik pipel long kirapim liklik bisnis bilong stretim sampela hevi olsem skul fi na haus sik fi, Mista Duma i tok.

Mi laik askim ol pipel bilong ilektoret long wok bung wantaim long strongim kantri bilong yumi na givim gutpela sindaun long ol pikinini bilong yumi long bihain taim, em i tok.

Mista Duma i askim ol yangpela long ol tu i mas tanim bel na stopim ol raskol pasin na sindaun gut.

Hap Hap Nius

NCDC kamapim nupela
developmen plen bilong Mosbi

NESENEL Kapitel Distrik Komisin (NCDC) i kamapim pinis wanpela nupela eben ridvelopmen plen bilong Pot Mosbi siti we nau i wok long stap long ples klia bilong ol pablik long mekim ol komen na givim sampela moa toktok long dispela plen.

Dispela ridvelopmen plen em i wok bilong mienesa bilong stretejic plening divisen bilong NCDC Don Malsbury husat i bin tok olsem dispela eben developmen plen i karamapim hap bilong NCD.

Las fonde ol wokman na enjinia bilong NCDC i bin karim dispela plen i go stap long Gerehu soping kompleks we ol pablik i bin kam lukluk na mekim komen o givim sampela ol toktok long tingting bilong ol long dispela plen.

Dispela nupela plen bai i kamap long wanwan hap bilong siti we olgeta pipel na pablik i ken lukim na autim tingting bilong ol.

- Joe Ivaharia i raitim

UPNG holim Sentral De

Desmie Koimo
i raitim

MOA long 200 man-meri i kamap long Yunivesiti bilong Papua Niugini (UPNG) las Sarere long lukim wanpela bikipela bung we i makim Sentral Provinsel De insait long Pot Mosbi.

Gavana bilong Sentral provins, Alphonse Moroi, i bin stap tu long dispela bung olsem opisal we em i bin givim helpim long sait bilong mani i go long ol sumatin bilong Sentral provins long yunivesiti long helpim mekim dispela de i kamap.

Dispela bung i lukim ol sumatin bilong Sentral insait long yunivesiti i kamapim na soim tumbuna singsing bilong wanwan asples bilong ol.

Tupela narapela skul tu husat i kamap long dispela de em Kilakila Sekenderi na Sogeri Nesenel Hai Skul we ol Sentral sumatin bilong ol i mekim tupela kalsarel grup na kam stap bung wantaim ol

yunivesiti sumatin long tumbuna singsing.

Ol narapela samting olsem string ben na laip ben i lukim grup bilong Steve Lahui na Kanakas of Erima i kamap tu long dispela bung.

Yunien grup bilong ol Sentral sumatin insait long UPNG i laik tok tenkyu long sapot ol i kisim pinis long mekim dispela de i kamap gut.

Mausmeri husat i go pas long dispela de, Marie Eorage, i tok olsem bikipela amamas bilong em i go long sumatin bilong Sentral provins long gutpela wokbung bilong ol.

"Mipela ol yunivesiti sumatin ol lida bilong bihain taim bilong dispela kantri olsem na mipela i no lus tingting long ol tumbuna pasin i gutpela bikos mipela i no laik lukim dispela naispela pasin tumbuna na kalsa insait long kantri i lus," em i tok.

Em i tok tenkyu tu i go long ol sumatin bilong Sogeri na Kilakila na long pablik long sapot bilong ol.

Veronica Hatutasi i raitim

"HARIM tok na luksave long papamama na lukaut long sik HIV/AIDS na stap klia long em bikos em i wok long kilim dai planti pipel," biknem singa bilong Makoma Gospel musik grup bilong Afrika, Natalie Makoma, i bin tokim moa long 1,000 sumatin bilong Sen Peter Chanel Praimeri Skul insait long Nesenel Kapitel Distrik las Fraide.

Ol skul sumatin bilong dispela skul i bin wanpela laki skul stret long siti na kantri long lukim long ai bilong ol stret, singsing wantaim na danis amamas wantaim biknem singa Nathalie husat ol i lukim long TV na harim nek bilong em long redio wantaim ol gutpela musik bilong em.

Ol sumatin na ol papamama na ol ges husat i bin stap long lonsing bilong Skul Helt Promosen sainbot i bin kirap nogut tasol amamas nogut tru long lukim Nathalie i go long skul na stap long samting olsem 10-pela minit.

Skul i bin paul taim ol polis eskot ka i ron i kam wantaim sairen na planti lain i bin ting sampela birua i kamap o ol i ronim sampeal raskol o wanpela bikman i kam o olsem wanem.

Tasol taim ol sumatin i luksave olsem Natalie i kamaut long ka wantaim polis eskot, traipela singaut amamas i kamap na olgeta i laik lukim biknem em.

Na em i bin gutpela sans bilong ol sumatin long biknem

singa we musik bilong em i save pairap na i hot long PNG long kam long skul na ol i lukim em long ai stret bilong ol.

Nathalie i bin givim sampela gutpela stiatok long HIV/AIDS na em bin singim singsing "Natamboli" na danis amamas wantaim sampela ol sumatin bilong skul bipo em i go.

"Yupela i mas was gut long yupela yet. Sapos yupela i gat poroman, wokim HIV/AIDS tes na bai yupela i klia gut long wokabaut na stap bilong yupela long bihain taim i orait.

"Skul gut na kam stret long taim na bai yupela i lainim ol gutpela samting we bai helpim yupela long stap na laip," Nathalie i bin tokim ol sumatin.

Ol sumatin i bin amamas nogut tru long raun bilong

Nathalie i go long skul tasol bikipela amamas i bin pulapim ol long wankain taim.

Na dispela em sans long lukim, bungim, danis na singsing wantaim biknem singa long wol bai pas i stap wantaim ol sumatin bilong skul long nau na bihain taim bilong ol.

Nathalie i bin kam long sot-pela taim las wik long PNG long redim rot bilong Makoma grup bai kam long PNG na wokim konset o so long mun Novemba.

Long sotpela taim em i bin kam, em bin luktuk raun long Pot Mosbi na Lae.

Goodman Fielders na Nesenel AIDS Kaunsel (NAC) i bin sponsaim wokabaut bilong em i kam long PNG na Lae.

Meri Pari i kamap Hiri Kwin

Andrew Molen
i raitim

MARY Toua bilong Pari viles long Nesenel Kapitel Distrik (NCD) i kamap nupela Hiri Hanenamo Kwin bilong 2004.

Mis Toua husat i gat 19 krismas i winim dispela taitel namel long 20 meri husat ol i resis long dispela Hiri Moale Festival.

Meri i kam namba tu em Kari Madaha bilong Boera na namba tri ples em Mis Hetura i go long Miria Gabe bilong Hanuabada.

Kantri bilong yumi PNG em i wanpela bilong ol kantri long wol husat kalsa bilong ol i stap strong yet na kain ol bung olsem dispela Hiri Moale Festival i save helpim long stringim moa yet, Gavana Jenerel, Sir Paulius Matane, husat i givim awod long Mary Toua i bin tok.

"Dispela kain bung i

mekim mi amamas olsem mi bilong PNG we kalsa bilong yumi i no olsem bilong ol narapela hap long wol.

Olgeta samting i kamap long hia olsem ol lagatoi kanu, ol purpur bilas na ol mak mak long skin na ol singsing na danis," Sir Paulius i tok.

Em i tok amamas bilong em na gavman i go long ol pipel long nogat wanpela trabel o hevi i kamap insait long 4-pela de dispela selebren i kamap.

Sir Paulius i tok Hiri Moale Festival i makim kalsa na pasin tumbuna bilong ol Motu pipel na Sentral provins tasol em i save bungim olgeta arapela manmeri tu na dispela i gutpela long bungim ol manmeri na strongim kantri.

Em i tok tenkyu bilong em i go long nesenel gavman na ol kampani na bisnis long givim sponsa na sapot long kamapim dispela



Hiri Kwin.

Hiri Moale Festival i kamap gut tru.

Tasol bikipela amamas i mas go tu long olgeta lain i stap insait

long dispela bikipela festival na singsing na danis na kamapim ol pasin tumbuna na kalsa bilong ol, em i tok.

Amamas na pasin bilong yupela na dispela festival i kamap gut na i luk stail, Sir Paulias i tok.

TOYOTA

No.1 Advantage

USED VEHICLE RANGE

- ✓ WARRANTY
- ✓ FINANCE
- ✓ PARTS & SERVICE
- ✓ 60 POINT SAFETY CHECK
- ✓ ALL VEHICLES SERVICED
- ✓ 15 BRANCHES NATIONWIDE
- ✓ PRICE

Ela Motors

USED VEHICLES

TOYOTA TSUSHO (PNG) LTD.

WEEKLY SUPER SPECIALS

TOYOTA CAMRY STATION WAGON

Excellent Family wagon, Fully kitted, AM/FM Radio, Aircon, plus other features.

Drive Away!

FROM K39,990

3 TO CHOOSE FROM...HURRY!

TOYOTA CAMRY

New Arrivals

Drive Away!

K25,990

Toyota Camry sedans, Executive Class

TOYOTA CAMRY

Many to Choose from

Drive Away!

K48,990

Toyota Hiace Buses, 3L Diesel, Aircon.

PRICES INCLUDE GST & ON ROAD COSTS

PLUS, MANY MORE PASSENGER & COMMERCIALS TO CHOOSE FROM...HURRY

Hurry Offer Expires 09-09-2004.

PLUS, OTHER PRICES FROM K3,995

Call in and see our friendly Used Vehicle Sales Team Today!

PORT MORESBY PH : 3229483 / 3229412 • LAE : 4781800 / 4781809 • MT HAGEN : 5421888 • GOROKA : 7321844 • KOKOPO : 9829100

Sir Paulias amamas long pasin tumbuna bilong PNG

...Holim strong ol dispela pasin

GAVANA Jenerel bilong Papua Niugini, Sir Paulias Matane, i tok Papua Niugini em wanpela kantri we ol pasin tumbuna bilong em i stap wantaim em yet long dispela nupela taim bilong ol bikpela senis long save na pasin. Na em i autim bikpela bel amamas bilong em olsem ol pasin tumbuna na kalsa bilong em i stap strong yet na i no lus insait long nupela pasin na senis bilong tude.

Dispela em toktok bilong Sir Paulius long makim 29 Independens De bilong Papua Niugini long las wik wantaim bikpela Hiri Moale Festival bilong ol pipel bilong Sentral provins na Kerema.

Em i tok yumi lukim ol bikpela Lagatoi

kanu we ol Motu pipel i wokim na lukim ol purpur ol meri i wokim na werim. Ol i no narakain. Ol i stail na han mak bilong tumbuna stret we i no senis liklik, em i tok.

Sir Paulias i tok em i save olsem olgeta pipel bilong PNG i wok hat yet long holim na strongim pasin tumbuna bilong ol i stap laip yet na surukim i go long ol pikinini tu long lainim na save taim ol i holim ol bikpela de bilong singsing na danis kain olsem Hiri Moale Festival bilong ol Papua we i karamapim ol Motu na Koitabu na ol pipel bilong Kerema.

Sir Paulius i tok dispela pasin poroman ol pipel bilong Motu i kamapim wantaim ol Kerema long bipo taim i wok long surik i


go aut moa tude. Dispela pasin poroman nau em PNG i wok long kamapim i brukim solwara i go olsem long narapela kantri olsem Australia.

Sir Paulius i tok bikpela amamas i go long ol komiti bilong Hiri Moale Festival na ol bisnis na kampani husat i sapotim long kamapim dispela Hiri Moale Festival i bin kamap gut wantaim independens de bilong Papua Niugini long las wiken.

Em i askim ol pipel long holim ol strong pasin tumbuna na kalsa bilong ol bikos dispela tasol i save kamapim laipstail o pasin bilong yumi long wokabaut na sindaun na mekim samting insait long sosaiti bilong yumi.


Limitet Preferensel Voting em i niupela wei bilong vot long Nesenel Paliament Ilekse.

Niupela wei bilong kauntim ol vot.



Gina Purple Ezekiel Red Michael Green Terrie Yellow Stella Pink Joseph Blue

Likin namba 1 pilan, lin ol 6-pila kandidat long tok pilan bilong. Wanpela bai win sapos em i win Absolute Majority. Long Tok Ingles en LPV in, Absolute Majority i wanda winin hap bilong olgeta vot em i gutpela vot stret. Likin Namba 2 pilan wanda bilong ol vot. Long wanda, olgeta vot i kamap 1000. Absolute Majority bilong dispela 1000 em i won long 500 vot. Sapos 1-pila kandidat i win vot antap long 500, em winin bilong.



ELECTORAL COMMISSION
Papua New Guinea

PW112004

Kastam na Kala



Edukesen i kamapim gutpela wok na senis

MINISTA bilong Edukesen, Michael Laimo, i tok em i amamas long tokaut long ol gutpela wok na senis we wok bilong edukesen i kamapim insait long kantri stat long 1975 i kam inap nau Papua Niugini i kamap bungim 29 krismas bilong em nau.

Mista Laimo i tok edukesen i kamapim bikpela senis long dispela kantri na em i amamas long ol senis we wok bilong lainim na save long rit na rait i bin kamapim long laip na sindaun bilong ol pipel bilong dispela kantri.

Em i tok long narapela 10-pela yia bai wok bilong edukesen i ron strong we em bai karim wanpela bikpela plen ol i kamapim pinis i go long palamen. Dispela em Nesenel Edukesen Plen bilong edukesen long nau i go het long narapela 10-pela yia.

Mista Laimo i tok dispela plen i sanap antap long ol gutpela senis na developmen edukesen i mekim long kantri long 29 krismas olgeta inap nau na tu i bihainim ol rifom o senis we edukesen sistem i wok long karimaut tude.

Tasol Mista Laimo i tokaut tu olsem wanpela bikpela hevi we i stap yet em planti pikinini i save lusim skul hariap na i no save kamap long mak bilong gret 8.

Narapela hevi tu em edukesen sistem i mas luk-luk moa long strongim wok bilong vokesenel tren-ing bai planti pikinini i mas save long mekim ol wok yusim han na save bilong ol yet long helpim laip na sindaun bilong ol yet. Ol i mas gat skul bilong lainim long wok, em i tok.

Mista Laimo i tok PNG i gat planti kainkain samting bilong bus na graun i pulap long en na ol pipel i mas amamas long ol i gat ol dispela samting. Wantaim tu ol kainkain pasin tumbuna na ol kalsa bilong mipela.

Olsem na em i askim ol pipel long tingim bek long Mama Lo bilong kantri we i tokaut klia long pasin bilong mekim samting yu yet na kamapim kaikai bilong en na holim strong pasin bilong sindaun wantaim na bung wantaim.

Yumi inap kamap strong sapos yumi mekim ol samting yumi yet na wok bung wantaim. Taim ol gutpela senis na ol gutpela samting i kamap, ol pipel i painim gutpela amamas na sindaun, Mista Laimo i tok.

Ol somap meri bai kisim helpim long greduet dinau skim

Veronica
Hatutasi i raitim

BIKEPELA toktok i bin kamap long greduesen bilong ol meri long Wimens Tekstail Senta (WTTC) long Mosbi em long moa sapot long Tekstail o Klos Bisnis long PNG i kam long gavman na tu, skruim taim bilong trening i go long 6-pela o 12-pela mun.

Siksti faiv (65) meri na tupela man i bin kisim setifiket pepa bilong ol long las wik Fonde long namba 6 greduesen seremoni i bin kamap long WTTC long Gordons.

Ol meri i bin autim bikpela tok amamas na tenkyu bilong ol long kisim save long somapim ol kain klos we bai helpim ol na famili bilong ol tasol long wankain taim tu.

Ol bin autim strongpela toktok long gavman i givim moa sapot bilong helpim ol i kirapim

ol liklik somap bisnis.

"Mipela i gat wari we mipela i laik autim i go long ol atoriti long WTTC long skruim dispela program i go long 8 na 12-pela mun bilong givim sans long ol meri i lainim gut long somap. Nau mipela i sindaun long 4-pela mun trening kos tasol na em i no inap. Mipela i laikim tu Dipatmen bilong Tred na Industri long kirapim wanpela Lon o Dinau Skim long helpim mipela i sanapim liklik somap bisnis. Tasol mipela i amamas long kisim kos na bai mipela i go bek long ples na yusim dispela save long kamapim sampela gutpela samt- ing." Ragi Tubuo i bin makim ol wanlain greduet bilong em i bin tok.

Eking Menesa bilong WTTC James Ninau i bin tok plen i stap pinis long skruim program i go long wan-

pela senta insait long 4-pela rijen bilong kantri na ol meri long ol rurel eria i ken kisim save tu long kain trening ya na kamapim sampela gutpela samt- ing long sindaun bilong ol yet na famili.

Ol meri i bin amamas long harim em i tok olsem ol atoriti i toktok nau long plen long kirapim Greduet Sapot Skim we ol bai givim liklik dinau mani i go long ol meri i skol na greduet long WTTC i go bek long ples na kirapim ol liklik bisnis bilong ol long ples.

Ol meri i bin amamas tu long harim olsem dispela tren- ing projek long WTTC em bai i go het yet wantaim sapot na helpim mani i kam long Dipatmen bilong Nesenel plening na Rurel Developmen na Fainens na Treseri Dipatmen.

"Mipela i gat hop long skruim projek

go long tupela yia i kam wantaim K1.5 milien i kam long tupela dipatmen ya. Helpim mani bilong gavman bai pinis neks yia na bihain long dispela, projek i mas lukautim em yet wantaim nogat fanding sapot long gavman. Tasol wantaim helpim bilong tupela gavman dipatmen ya, em i luk gut," Mista Ninau i bin tok.

Nau yet, projek i wok long somapim yunifom bilong ol wok manmeri bilong sampela kampani, ol skol na pablik.

Mista nunau i tok ol meri na man husat i kam long dispela skol i kisim trening long somapim ol klos na taim ol i pinis, ol i ken go bek long ples na kirapim ol liklik projek bilong ol na dispela i ken helpim ol long sapotim ol yet na famili.

Long dispela rot, em i helpim ol long lusim pasin bilong stap trangu (poverty alleviation).



• Ol meri long haus kuk long Vunapope Katolik Sios hetkota bilong Rabaul asda- sis i redim ol gutpela kaikai long bikpela lain manmeri i save kam long ol bikpela konferens bung.

Bung bilong ol Luteran mama kamap long Kimbe

Paulus Tali i raitim

NAMBA 9 konferens bilong ol mama bilong Luteran sios (ELC) bai

kamap long Kimbe insait long Wes Nu Briten provins long neks wik. Em bai stat long Mande Septemba 26 na pinis long Oktoba 1.

Bung bai kamap long Biala hai skol. Hetmeri bilong Niugini Ailans rijen ELC/PNG meri Rose Gidabing i to moa long 1,500 meri bilong 16-pela distrik long kantri bai kamap long dispela bung na nau, olgeta wok redi i go gut tasol.

Het tok bilong konferens em "Long bilip, meri i

kamapim gutpela sindaun long bihain taim".

Hetman bilong Luteran Sios long PNG em Bisop Dokta Wesley Kigasung bai opim dispela bung.

Ol narapela biklain olsem meri i lukautim desk bilong ol meri long PNG Kaunsol bilong Sios em Gwen Tulo bai kam long dispela bung olsem wanpela ges. Em bai givim sampela toktok i go long ol meri.

Nesenel kodineta bilong ol Luteran Sios meri em lakela Teta i tok olsem wanpela sios meri grup bilong Waga long Australia bai stap insait long dispela bung tu.

Dispela bung bai toktok long wok bilong sios na wok bilong ol mama insait long ol wanwan distrik bilong ol.

Long wankain taim tu, ol bai lonsim Decade to Overcome Violence Against Women.

Las yia dispela konfrens i bin kamap long Jiwaka long hailans na nau ol mama bilong NGI i tok ol i amamas tasol na wetim ol mama bilong ol 17 distrik long kamap long Bialla bung.

Papua distrik sekreteri bilong ol mama Mrs Lydia Wangu i tok ol mama bilong Papua distrik i painim rot bilong ol yet long go long dispela bung na ol bai go wantaim waspapa bilong ol em Pasto David Honepa.

Konfrens fi em K30 long wanwan mama i kam long ol distrik. Ol mama bai baim yet rot long wokabaut bilong ol i go long bung.

Kisim save long SKUL BILONG LAIP



Kuk Kona:

Marinetet Kakaruk Wing

Yu mas i gat 8-pela siken wing Marinete o ol samt- ing long miksim siken wing wantaim na lusim i stap

1 kap soi sos
haf kap hani
1 tispun fres galik
haf kap orenj suis
haf tispun kakawawar yu mekmekim pinis.

Rot bilong Kukim:

Putim wantaim ol dispela samt- ing long Kwik seik na miksim gut.

Putim ol wing long Sisen Sev o kontena na kapsaitim olgeta samt- ing yu miksim wantaim pinis long en. Larim i stap long tupela awa pastaim o i ken stap olsem long nait i go moning.

Bihain, putim ol wing long trei bilong beik na kapsaitim marinetit long em Kapsaitim ol sesame sit antap long en. Long bekim, tanim aven long hot inap long 400 F inap long 1 na haf awa na em bai kuk.

Save long Raits:

Skruim i kam long las wik.

LONG ol atoriti i luksave long ol komplek, man o meri o grup i putim komplek i mas inapim ol dispela kondisen:

• Dispela komplek yu laik i mas brukim humen raits we i kam aninit long Konvensen na kantri we dispela komplek i kam long en tok oraitim na kisim i go insait Opsonel Protokol.

• Viktim o ammeri we dispela birua i kamap long en i mas stap aninit long lukaut bilong kantri

• Husat man o meri i putim komplek em dispela victim we birua i kamap long en. O em i ken wanpela ogena- esen i makim em na putim dispela komplek.

• Olgeta helpim yu ken kisim long kantri i mas kam aninit long kot sistem.

• Noken bihainim narapela intenesenel lo o rot bilong stretim dispela birua long wankain taim yu putim komplek long kantri.

Sapos komplek em inapim olgeta CEDAW komiti bai glasim na tokaut sapos dispela birua i brukim human raits. Komiti bai toksave long dispela man o grup na kantri long tingting bilong em.

Komiti i save wokim ol spesel ripot na tok orait long samt- ing we kantri bai mekim long stretim dispela hevi.

Bikos long politikel presa, ol kantri i save kisim eksen long ol komplek.

Tasol em i save kisim longpela taim liklik, olsem tripela na foapela krismas.

Sotpela Lukaut Toktok

Ol pikinini i mas kisim kaikai i go long skol. Sampela taim, pikinini i save laik karim mani bai i ken baim kaikai long skol kentin o tred stoa klostu long skol. I moa gutpela long mama i givim kaikai long pikinini i kisim i go long skol. Dispela em bikos em i ken lusim mani long ol pipia kaikai olsem loli wara na ol swit kaikai. Na tu, em ken yusim mani long baim ol sampela arapela samt- ing i no gutpela long em. Ol rabis pipia kaikai i no gutpela long pikinini long kisim long lans em twisris, lolliwarana swits. Ol gutpela kaikai em fres kaikai olsem toma- to, prut olsem, banana, mango, sugaken, popo na senwis, kaukau, kon. Pinat, mit na pls.

Moa neks wik.

Meri Wantok i laik save sapos yupela i save laikim ol stori mipela i save print- im. Rait i kam long Meri Wantok, Word Publishing Company, PO Box 1982, Boroko, NCD o ring i kam long telipon 325 2500 na toktok long Veronica Hatutasi. Yu ken salim ol stori tu long email: word@global.net.pg.

Vidio bilong Jenerel Asembli i kamap pinis

Veronica Hatutasi i raitim

NAU ol Katolik pipel long Papua Niugini i ken lukim long piksa ol samting i bin kamap insait long bikipela Jenerel Asembli bung long Vunapope long mun Julai long dispela yia.

Nupela vidio piksa long Jenerel Asembli em ol i mekim kamap nau na i stap long VHS, VCD na DVD na ol i salim i stap.

Opis bilong Famili Laip long Goroka wantaim helpim bilong Melanesian Institut i kamapim dispela nupela vidio bilong Jenerel Asembli.

Moa long 200 Katolik manmeri i makim 19 daiosis long PNG i bin bung long Vunapope em hetkora bilong Rabaul Asdaiosis insait long Is Nu Briten provins long wanpela wik long Julai, long pasim Jenerel Asembli Yia. Na ol bin kamapim wantaim ol plen we Katolik Sios bai karimaut wok bilong em na rot em i go long em long ol yia i kam.

"Mipela Katolik Sios long PNG i stap Laip long Krias na kamap witnes long Laik pasin bilong God long wol," em visin ol bin kamapim bilong sios long dispela bung bilong pasim Jenerel Asembli.

Dispela em i stat long plen

New Guinea, are alive in God in the world."

Arch of Papua New Guinea. It is the Year of the General Assembly of PNG, held at Vunapope, July 5-11, 2004.

along with the Mission of PNG-the beginnings of a new CD/video. The Closing of this is a great celebration of the part in the discussions, prayers, of this momentous Holy Church of PNG.

round" from their diseases. Holy Ground of PNG: a sign of PNG. We invite you to from our unity!

Assembly PAL DURATION 45 min

Alive in Christ

Holy Ground

Dispela em piksa bilong kava bilong nupela vidio bilong Jenerel Asembli.

bilong sios we ol Katolik manmeri stret bilong PNG wantaim ol bisop, ol pater, ol kleji, ol leiti i makim ol wanwan daiosis long kantri i bin bung, toktok na wanbel wantaim na kamapim. Olgeta dispela ol lain i bin putim tingting wantaim na kamap wantaim Visin, Misin na Praioriti Plen bilong Katolik Sios.

Wanpela wik bung bilong pasim Jenerel Asembli i bin taim bilong bikipela selebresen bilong Katolik Sios long PNG. Olsem nau yu ken lukim long ai bilong yu yet na stap insait long ol toktok, liteji na ol tum-buna na kastam samting we i bin kamap long dispela bikipela taim long laip bilong Katolik Sios insait long PNG.

Vidio kaset bilong dispela em i stap pinis na prais bilong en em K25.

Sapos yu laik baim vidio kaset bilong Jenerel Asembli, toktok long Sister Zelia Cordeiro long dispela telipon na feks namba: 7321356.

Adres em: P.O.Box 592, Goroka, Eastern Highlands province, PNG.

Trupela fridom na independens i kam long God

...Pater Andrew i givim strongpela toksave long ol manmeri

Veronica Hatutasi i raitim

BIKPELA tok tenkyu i mas go long Papa God long fridom na gutpela sindaun yumi i gat long dispela kantri.

Dispela em wanpela toktok i bin kamap long sios sevis long Sen Peter Chanel peris insait long Erima, Nesenel Kapitel Distrik, long makim namba 29 Independens selebresen bilong kantri las Fonde.

Long semon bilong em, Pater Andrew Lolo i bin tokim ol sios memba long tingim gut long as tru bilong fridom bikos sampela long mipela i no klia long as tru bilong fridom na wanem em i min long PNG i kisim fridom bihain long em i lusim lukaut

bilong Australia na kamap independen.

"Trupela fridom trupela independens i kam long God. Na salens em i givim long yumi wanwan em long yusim gut dispela

"Yumi mas tok tenkyu long God long fridom yumi gat bikos sapos nogat, bai yumi i no inap sindaun gut."

fridom na independens long helpim na kamapim gut laip na sindaun na wok developmen insait long famili, komyuniti, sosaiti na kantri.

"Yumi mas tok tenkyu long God long fridom yumi gat bikos sapos nogat, bai

yumi no inap sindaun gut. Mipela i kisim fridom long ol o narapela lain i no inap

"Trupela fridom we mipela i kisim em long sindaun gut long laip bilong yumi..."

God i ken blesim yumi long wok-about bilong yumi."

daunim yumi.

"Trupela fridom we mipela i kisim em long sindaun gut long laip bilong yumi. Yumi ol manmeri bilong plesdaun na sin, yumi gat ol kainkain wari tasol God i ken blesim yumi long wokabout bilong yumi. Na tu long soim gutpela piksa", Pater Andrew i bin tok.

Bisop Doggett i dai pinis

NAMBA WAN bisop bilong Aitape i dai, Opis bilong Katolik Bisops Konferens long Pot Mosbi i tokaut long nius bilong dai bilong dispela bikman long dispela wik.

Bisop Ignatius husat i gat 97 krismas i bin dai long Septemba 17 las Fraide long Sidney, Australia. Bikos em i go lapun, long sait bilong helt em i no bin stap gut tumas.

Antap long dispela, em bin pundaun na brukim bun long Septemba 13 tasol bikos em i lapun na helt bilong em i no gutpela, ol dokta i no bin inap long operetim o katim em na stretim bun bilong em long haus sik.

Taim em i dai em i bin stap long ritaiamen haus aninit long lukaut bilong Francesken Sister Haus long Rooty Hill long Westen Sabeb long Sidney.

Mama i bin karim Bisop Ignatius long yia 1907 long Rydal taun insait long Westen Australia. Em bin skul long Holy Cross Katolik Koles long Ryde na em bin kisim blesing olsem wanpela pater long sosaiti bilong Francesken long 1933. Stat long yia 1939, em i bin wanpela long ol lida bilong Francesken Oda long Australia.

Bihain long Wol Woa 2, ol i wok long salim ol Francesken Misinari i go long wok misin ovasis. PNG i bin lusim planti misinari long woa na ol bin putim askim long ol nupela misinari i kam wok long kantri. Oda bilong ol Francesken i harim na Pater Ignatius i bin go pas long namba wan grup i bin go wok long hap bilong Aitape.

Insait long 13-pela krismas bihain ol i kirapim wok long Aitape, ol bin makim Pater Ignatius olsem Bisop bilong Aitape long 1956. Em i bin holim dispela wok long 13-pela krismas inap long 1969 em i sik na em i risain long wok bilong em olsem bisop bilong Aitape.

Long ol yia em i go pas long wok bilong sios long Aitape, em bin sanapim Sen Ignatius Hai Skul long Aitape eria. Sios i bin strongim wok ministri i go long ol pipel long ol nambis hap na tu insait long bikples Wes Sepik. Na ol i kirapim netwok bilong 17 peris, ol helt senta na ol skul.

Bihain long Bisop Ignatius i go bek long Australia, em bin kamap orait na strong. Em i bin wok na stap wantaim ol Francesken komyuniti klostu long Campbelltown long Westen Sabeb long Sidney. Las hap em i bin wok long en em long Star of the Sea praiori long Waverly long Isten Sabeb long Sidney.

Bisop Ignatius i bin namba wan long ol Francesken Bisop long Aitape. Bisop William Kevin Rowel i bin kisim ples bilong em olsem bisop bilong Aitape long yia 1970 inap em bin dai long 1986. Bihain long en em Bisop James Brian Barnes husat i bin bisop bilong Aitape long 1986 inap long 1997 em i kamap olsem asbisop bilong Pot Mosbi asdaiosis. Nau bisop long Aitape em Bisop Austin Robin Crapp husat i bin kisim wok olsem bisop bilong Aitape long 1999. Bisop Ignatius i bin stap pater long 71 krismas na bisop long 47 yia. Long dispela, em i bin wok 26 yia long PNG.

Katolik sios long PNG i givim prea long tok tenkyu long laip na wok bilong em long Aitape Daiosis na pipel bilong em.



"Pita i autim tok long haus bilong Kornilius"

Orait Pita i tok olsem, "Tru tumas, nau mi save, God i save mekim ankain pasin long olgeta manmeri, maski ol i bilong wanem lain. Long olgeta lain em i save laikim ol manmeri i aninit long em na i mekim stretpela pasin. Yupela i save long dispela tok God i givim long mipela ol lain bilong Israel. Em i autim Gutnius olsem, Jisas Kraiss em i Bikipela bilong olgeta man, na em i save mekim yumi i kamap wanbel wantaim God. Yupela yet i save long olgeta samting i bin kamap long olgeta hap bilong kantri Israel bihain long taim Jon i bin autim tok long ol man i kisim baptais. Ol dispela samting i bin stat long distrik Galili. God i bin makim Jisas bilong Nasaret na givim em Holi Spirit na bikipela strong long em. Na Jisas i go long ol ples nabaut na helpim ol manmeri.

Aposel 10: 34-38

Theodorus Tulasi i raitim

YUMI yet i sios we i mas sanap na bung wantaim na luksave long wanpela narapela long autim Gutnius na karimaut ol arapela wok long sios, famili na komyuniti.

Dispela em strongpela tingting ol Katolik yut bilong Sen Mary's Peris long Goroka, Isten Hailans i bin autim insait long wanpela bung bilo gol long Kefamo Patorel senta las mun.

"Yumi yet i sios na Bodi bilong Kraiss" em het tingting bilong toktok bilong ol yut insait long trupela de i bin stat long Ogas 13 na i pinis long Ogas 15.

Ol i bin toktok long ol rot we yumi stap olsem sios na bodi bilong Kraiss Tude. Ol i bin paitim toktok long ol grup bilong ol, ol yut i bin painimaut olsem sios i no olsem tasol wanpela biding we yumi save bung na lotu insait long en, nogat. Sios em i yumi olgeta Katolik manmeri husat i bilip

Yumi yet i sios

long Jisas Kraiss. Na yumi wanwan i mas bung wantaim na wok wantaim olsem profet long autim Gutnius, wok olsem king long lukautim narapela manmeri na wok olsem pater long mekeim preia na sakri-fais.

Ol bin luksave olsem telemat Gutnius bilong Jisas long olgeta hap, i no olsem tasol long taim yumi gat sans slong ritim Baibel long Misa lotu insait long haus lotu, nogat. Tasol yumi ol bilip manmeri i mas soim gutpela pasin na givim gutpela toktok long ol narapela.

Ol bin luksave tu olsem yumi yet i bodi bilong Kraiss na olsem, yumi wanwan i mas bung na wok wantaim long strongim bilip bilong yumi long wanem hap yumi stap long en.

Long ol arapela sios wok i kamap long Goroka daiosis, 66 katolik manmeri i bin kisim Sakramen bilong konfirmasio long han bilong Bisop Francesco Sarego long las mun.

Bikipela misa lotu i bin kamap long YC Hal long Sande, Ogas 15, we Bisop Francesco i bin go aps long en. Bisop i bin

"Yumi noken pret long givim witnes long ol gutpela pasin olsem luksave long wanpela arapela... Yumi yet i sios na Bodi bilong Kraiss."

givim ol skul toktok na i tok dispela sakramen bilong Konfirmasio i bilong strongim yumi long givim witnes long Kraiss namel long ol manmeri.

"Yumi noken pret long givim witnes long ol gutpela pasin olsem luksave long wanpela arapela."

Ol Sen Peter Chanel perisina kisim salens long givim bek long kantri

Veronica Hatutasi i raitim

KATOLIK komyuniti long Sen Peter Chanel Peris Erima insait long Nesenel Kapitel Distrik (NCD) i kisim salens long karimaut wok we i ken helpim kantri gut na i no long kisim tasol samting we kantri i givim.

Antap long dispela, ol i kisim salens tu long bihainim gutpela wokabaut na putim God i kam klostu long laip bilong ol. Na taim ol i tok tenkyu, ol i ken pre long God long helpim ol lida i stiaim gut kantri na tu, long helpim long daunim ol lo na oda na sosel hevi we i wok long go bikpela.

Salens i bin kam long Michael Varapik, Siaman bilong Sen Peter Chanel peris.

Mista Varapik i bin tok olsem planti long mipela i bin stap yangpela taim PNG i bin

kisim independens long Australia long 29 krismas i go pinis.

Na dispela de Septemba 16, 1975 em i bin wanpela gutpela de ol pipel i bin amamas moa na ol i bin gat bikpela bilip na driman long gutpela bihain taim bilong PNG na ol pipel bilong em long ol yia i kam.

Tasol em i tok nau ol dispela driman i no kamap gut bikos ol sevis i no ron gut na planti rot na bris we i bikpela samting long ol pipel na developmen i bagarap.

"Ol pipel i no kisim gut sevis, moa yet long ol rurel hap. Planti rot na bris i bagarap, planti singaut i kamap long kompensesen, planti hevi i kamap long sosel, lo na oda sait.

"Yumi askim yumi yet, mipela yet i larim

dispela samting long kamap bikos mipela i tanim baksait long God. Gridi pasin, korapsen i karamapim yumi.

"Tasol mipela i noken tok mipela i bagarap olgeta pinis, nogat. Mipela i mas pre long God long givim yumi strong na bai yumi ken kisim kantri i go het gut," Mista Varapik i bin tok.

Em i bin putim salens i go long pipel long mekim tok promis long wokabaut na stap klostu long God long karimaut ol wok we bai helpim kantri wantaim hap tok we bipo Presiden bilong Amerika, John F. Kennedy, i bin wokim olsem, "Noken askim kantri long samting em i ken mekim long yu, tasol samting we yu ken mekim long en."

Peris i bin gat gutpela de long selebretim

29 bonde bilong PNG long Fonde, Septemba 16.

Selebresen i bin stat long 8.30 moning wantaim misa lotu, resim fleg we ol sumatin bilong Sen Peter Chanel i bin singim nesenel entem na bihain i bin gat ol tum-buna singsing na danis we ol wanwan rijonol grup long peris i putim kamap, na ol nara-pela samting ol pilai drama.

Ges spika long dispela de em Presiden bilong PNG Midia Kaunsil, Peter Aitsi.

Ol perisina i bin gat gutpela selebresen long amamasim bonde.

Dispela em namba wan selebresen olsem na long 30 krismas bonde neks yia, peris bai luksave na putim kamap moa samting long dispela de.

Wok bilong ol Kapusin Misinari karim kaikai ...Sen Ogastin Provins long Amerika salim ol misinari long PNG

KATOLIK Sios long Sauten Hailans i bin selebretim 50 Yia Jubili bilong em long Septemba 12. Pata Henri i wokim ripot long rot we ol Kapusin misinari i planim Tok bilong Bikpela long Sauten Hailans.

HETBRATA bilong olgeta lain Kapusin long wol, Pata Benignus, wantaim Opis bilong Papa Santu long Rom i save stiaim na lukautim olgeta misin long Katolik Sios, i amamas moa long lain Kapusin bilong Sen Ogastin Provins long Amerika i tok "yesa" long kisim Katolik Misin long Sauten Hailans.

Pata Viktor, hetbrata bilong Sen Ogastin Provins, i tokaut pastaim long dispela disisen long Kapusin Koles long Wasington DC long Amerika, ples we ol yangpela Kapusin i stap bilong pinisim skul bilong kamap pris.

Long Februari 25, 1955, taim ol Kapusin pris, brata na sumatin i kaikai pinis long apinun na ol i sindaun yet long tebol na stori i stap, Pata Viktor i tokaut long disisen bilong em na Kapusin Kaunsil.

Ol Brata i kirap nogut tru long harim dispela tok tasol ol i amamas olgeta na paitim han strong tru wantaim. Olsem na dispela nius i go aut long olgeta hap long Kaupsin Provins olsem paia long pitpit i drai long en. Nau ol Kapusin Brata i askim tupela kwesten: "Teritori bilong Papua na Niugini i stap we?" na "Husat bai i go pas long nupela misin?" Planti pris na brata i tok olsem, "Mi laik i go. Salim mi."

Olsem na ol Kapusin i wok long painim sampela buk i gat stori long Teritori bilong Papua na Niugini wantaim Sauten Hailans, em i stap we na wanem kain manmeri i stap long en, kalsa na pasin bilong ol. Oloman, i gat kain kain stori i save pretim ol lain Kapusin, sampela i tru tasol sampela i giaman stret. Ol Brata i ritim stori long traibel o wanpisin pait, pasin bilong bekim, long soseri o sanguma, tambaran na ol masalai i stap, long kaikaim man na sampela arapela kastam i mekim ol Brata i surik long en. Toktok i ran i go i kam na ol Kapusin Brata i gat moa interes long diskasim nupela misin bai

kamap.

Sampela Brata i wari olsem, hau bai mipela i salim planti pris na brata i go. Mipela yet bai sot.

Tasol narapela bilip i stap tu, olsem, sapos hetbrata i salim planti i go long nupela misin, God bai singautim planti arapela moa long kam insait long Kapusin famili bai lain Kapusin Brata i no inap sot long en.

Na Pata Viktor i bilip olsem, sapos sampela bikpela hevi na sakrifais i kamap long ol taim ol i salim planti yangpela pris na brata long Teritori bilong Papua na Niugini em i gutpela.

Dispela bai mekim ol lain Brata Kapusin i brukim skru na pre long Bikpela strong moa na kamap moa holi tu. Ol dispela tingting em i makim spirit tru bilong ol misineri, manmeri husat i hangre long karim Gutnius bilong Jisas Kraus long ol manmeri bilong narapela hap.

Bilong painimaut na save tru ol samting long nupela misin, wanem kain ples na manmeri i stap long

Ol Brata i ritim stori long traibel o wanpisin pait, pasin bilong bekim, long soseri o sanguma, tambaran na ol masalai i stap, long kaikaim man na sampela arapela kastam i mekim ol Brata i surik long en.

en, wantaim kastam bilong ol i wanem kain stret, Pata Viktor i salim pas long Pata Henri long Ostrelia. Pastaim em i askim Pata Henri bai em inap i go wantaim sampela arapela Kapusin misineri long nupela misin o nogat? Pata Henri i tok "yesa". Na Pata Viktor i askim Pata Henri long i go pas long Mendi wantaim Tari na wokim ripot bai ol Brata i ken save tru long nupela misin. Pata Henri i winim 43 krismas pinis na em i man bilong wari tru long olgeta samting. Em i fit man bilong wokim ripot. Em i pasin bilong em long mekim sotpela toktok i sutim tru ol poin i go pas long en.

Long Mas 16 Pata Henri i bekim pas bilong Pata Viktor na i tok olsem, "Mi amamas na mi tok yes. Mi bilip olsem, nupela misin em i

gutpela samting na em i sans bilong Kapusin Provins bilong yumi i ken mekim wok ministri namel long ol haiden manmeri husat i no bin harim Tok bilong God yet?"

Orait, nau Pata Henri i hatwok long kisim save long eria bilong nupela misin. Em i go painim ol misineri husat i bin i stap long Teritori bilong Papua na Niugini, tasol nau ol i stap long Australia. Em i mekim ol kainkain askim. Ol i bekim olsem, ol misinari i mas yangpela inap bai ol i gat strong long wokabaut long lek, long long-pela rot na long ol maunten, taim san i hat tumas na long taim bilong ren wantaim. Tasol ol i mas i gat planti Krismas liklik tu bai ol i no pret na ol i ken lukautim ol yet na i no inap wari taim ol i stap wanpis.

Ol misinari i tokim Pata Henri olsem, 30 i go inap long 50 Kismas i gutpela. Ol i tok moa olsem, ol nupela misineri i mas i stap strong long bodi na long bilip na ol i mas i gat kain kain save wantaim. Tingim, ol bai kirapim nupela misin olgeta na ol bai sot long planti samting. Ol i mas redi long i stap wanpis namel long ol manmeri bilong narapela kalsa. Ol i mas hatwok long kisim save long tok ples na ol kastam bilong ples. Ol bai wokabaut long patrol, i go slip long haus kunai nabaut, kaikaim ol samting bilong ples, waswas long riva inap long tripela wik o wan mun bipo ol i lukim wantok na wanskin bilong ol gen na malolo liklik. Ol bai karim kain kain hevi. Ol i tok moa long Pata Henri olsem, bipo sampela misineri i bin bagarap long dispela kain laip, kisim sik nogut o het bilong ol i paut olgeta. Lusim as ples na famili na i go wok misineri, em i no isi, ol i tok.

Long Epril 19 Pata Henri i kamap long Tari. Em i ran wantaim Pata Miselo na wantaim Pata Rin long Mendi. Bihain em i go long Goroka, Madang na i go bek gen long Pot Mosbi we em i raitim ripot bilong em long Me 1955. Em i tok long ol samting em i lukim pinis long en wantaim ol samting Pata Miselo na Pata Rin i tokim em. Em i toksave long hamas manmeri i stap na sampela kastam bilong ol. Em i tokaut long wok bilong gavman bilong Australia na long kain kain Kristen misin i stap pinis long Mendi na Tari. Em i autim nem bilong sampela ples na we ol i



Pater Alexis Michellod em paionia MSC misinari pater i bin kam wantaim ol namba wan misinari bilong Frans long Mendi long yia 1954. Em i gat 90 kirsmas na em i ritaia na stap long Frans.

stap. Em i tok olsem, misin bai kostim bikpela mani bilong kirapim bikos i gat nid long kain kain samting. Em i lukim Pata Miselo na Pata Rin i sot long planti samting. Tupela i save dina long gavman long en. Misin i mas i gat wanpela balus tu bikos i no gat rot long Sauten Hailans. Ol saplai misin bai kisim long Madang na karim long Hailans long balus tasol.

Pata Henri i tok moa olsem long

ripot, ol Kapusin i mas salim 5-pela

pris pastaim wantaim sampela

brata. Ol pris bai mekim wok

evanjelaisesen tasol ol bai pun-

daun sapos ol brata i no stap

bilong sapotim ol long wok bilong

ol. Ol brata i ken trenim sampela

yangpela man trenim ples long

wok kapenta tu.

Las tru Pata Henri i putim strong-

pela tok olsem, i gat bikpela nid

bilong sampela Sista i mas i kam

wok misin wantaim ol pris na brata.

Em i tok, long Hailans ol meri i stap

baksait tru na ananit long ol man.

Ol man bilong ples i save jelos tru

long meri bilong ol na em bai hat

long ol pata i autim tok bilong God long ol meri. Sapos ol Sista i kam ol bai helpim ol meri long kisim ples tru bilong ol long Kristen sosait olsem Jisas Kraus i laikim.

Pata Henri i sori tru long Pata Miselo na Pata Rin, tupela i no gat planti samting, olsem na taim em i go bek long nambis em i pulapim wanpela balus long kain kain kaikai na tuls na salim long tupela. Na em i salim tok long Pata Viktor long Amerika na i tok olsem, "Mi yet i lapun tumas long wok misin long Sauten Hailans. Em bai hat tumas. Moabeta mi stap long nambis na baim ol saplai long ol nupela misineri taim ol i kam."

Tok bilong Pata Henri long bikpela nid long ol Sista i no karim kaikai hariap. Long 1960 tasol namba wan lain Sista i kam long Mendi Misin, em ol Fransiskan Sista bilong Oldenburg long Amerika. Hetsista bilong ol, Sista Meri Sifas, i salim Sista Norin, Sista Kleva, Sista Anata na Sista Matin. Sista Matin i stap yet long Mendi.

Redi long Nesenel Edukesen Wik

NESENEL Edukesen Wik bai kamap long Oktoba 4 inap 8 long namba wan wik bilong tem 4 long dispela yia.

Dispela Nesenel Edukesen Wik i save kamap long olgeta yia long go wantaim bikipela de bilong Intanesenel Tisas De we olgeta kantri long wol i save amamasim long Oktoba 5.

Dispela i save kamap olgeta yia long makim na tingim bikipela wok ol tisa i save mekim long skulim ol pikinini bilong mipela na kamapim developmen long kantri.

Seketeri bilong Edukesen, Peter Baki, i tok dispela Nesenel Edukesen Wik bai i kamap long wanpela wik we ol skul na tisa bai amamas na putim kamap ol pilai na ol samting bilong skul long makim dispela bikipela de. Olsem na ol skul bai wok klostu wantaim ol provinsel divisen bilong edukesen wantaim ol komiti bilong ol na wok klostu wantaim ol papamama na ol lain insait long komyuniti long mekim kamap dispela bikipela de i kamap gut long wanwan skul insait long kantri.

Ol pilai na ol samting we ol skul i ken kamap wantaim em skul open de, putim kamap ol samting ol skul pikinini i save mekim o wokim

long skul, kamapim dibet na arapela edukesen pilai we i sut long dispela de bilong Nesenel Edukesen Wik. Ol skul pikinini i ken soim ol papamama na ol lain i kam lukim skul bilong ol ol sampela wok ol i mekim long helpim ol yet olsem gaden na sampela projek samting.

"Pikinini em ol strong bilong mipela long bihain taim olsem na mipela i mas wok klostu wantaim ol na lainim ol long pasin bilong helpim ol yet."

Mista Baki i tok ol pikinini em ol strong bilong mipela long bihain taim olsem na mipela i mas wok klostu wantaim ol na lainim ol long pasin bilong helpim ol yet na tu lukluk long ol ausait rot mipela i ken mekim long helpim skul. I no wetim tasol skul subsidi olgeta taim.

Mista Baki i tok tu olsem klostu nau bai ol sumatin i sindaun long nesenel eksem bilong ol olsem na sumatin i mas redi long nau.

Em i askim ol papamama na komyuniti long sapotim ol pikinini long redim ol yet gut long dispela.

Planti meri dai long sua long bel

Desney Koimo i raitim

SUA long bilum bilong pikinini i kilim i dai pinis planti ol meri insait long Papua Niugini.

Wanpela yia foa sumatin bilong MBBS program insait long skul bilong Medisin na Helt Saiens, Bobby Welsh, tokaut long dispela long taim em i putim aut toktok bilong em long Simbu Open De insait long Yunivesiti bilong Papua Niugini (UPNG) las Sande.

Em i tok ol mama na ol yangpela meri i mas lukautim ol yet na abrusim dispela

birua we i save kilim planti meri. Em i tok dispela sua o kensa i kamap taim meri i smuk planti o i save slip wantaim planti man.

"Long wok painimaut bilong mipela, mipela i lukim pies olsem Pot Mosbi na Mt Hagen i gat bikipela namba bilong ol meri wantaim dispela sik," em i tok.

Em i tok dispela sik i save bihainim blut bilong famili tu. Sapos bipo wanpela meri insait long famili bilong yu i gat dispela sik orait long sampela taim bihain bai wanpela meri long dispela famili yet bai kisim dispela sik tu.

Mista Welsh i tok ol meri husat i no dai long dispela sik em ol bai i no inap kamapim pikinini bikos ol dokta bai katim na rausim bilum bilong pikinini.

Em i tok strong long ol meri long lukautim bodi bilong ol na noken smuk tumas na tu noken mekim planti pasin paul bikos dispela bai bagarapim ol yet.

Mista Welsh i toktok moa long ol kainkain sik we i ken kamap sapos yu smok planti. Em i tok olsem dispela ol sik nogut sampela em olsem kensa, sua insait long nek na ol narapela hap bilong bodi.

I stap we, i stap we, manki Manus i stap we?



...Stap klostu long yu tasol. Ol skul pikinini i soim tumbuna bilas na singsing long a m a m a s i m bikipela de bilong Papua Niugini long las wik taim kantri i makim 29 yia bilong Independens.

Dispela em ol miks pikinini bilong kainkain provins husat i save skul long Is B o r o k o Intanesenel Skul i bung wantaim na mekim Manus danis. Foto: YAKAM KELO

PABLIK NOTIS

HIH INSURANCE (PNG) LTD

Ol Dairekta blong HIH Insurance (PNG) Limited ("HIH PNG") (pastaim ol i save kolim MBF Assurance Limited na FAI Insurance (PNG) Limited) i laik toksave olsem Kampani i no mo ronim insurens bisnis na i klostu nau long pinisim ol wok blong em insait long PNG. Olsem tasol, HIH PNG (wantaim MBF Assurance Limited na FAI Insurance (PNG) Limited) i askim sapos husait man o meri i bilip olsem em i gat kleim we kampani i no stretim yet, orait em i mas salim kleim o wari blong em i kam long dispela adres; HIH Insurance (PNG) Limited, Level 2, Mogoru Moto Building, Champion Parade, Port Moresby, P O Box 507, Port Moresby o long Fax namba 321 2780 o long email kpmgpng@kpmg.com.pg.

HIH PNG i laik tok klia olsem dispela toksave em blong ol general insurens na woka kompensesen kleim tasol na ino karamapim ol laip insurens kleim na polici aninit long laip insurens bisnis blong HIH PNG. Sapos wanpela man o meri igat kleim o wari long laip insurens polici o seavings blong em orait em i mas go lukim o salim pas long Workers Mutual Insurance (PNG) Limited, Gabaka Street, Gordons, P O Box 292, Jacksons, National Capital District o salim fex long 323 2992 o ringim telepon 323 2929.



PO Box 507
Port Moresby
Tel: 321 20 22
Fax: 321 2780
email: kpmgpng@kpmg.com.pg

Gaubin Helt Trening Skul i laik pas

MINISTA bilong Inta Gavman Rilesens, Sir Peter Barter, i sanap strong long noken pasim skul bilong Komyuniti Helt Woka (CHW) long Madang provins. Dispela skul em Gaubin CHW Trening Skul long Karkar Ailan long Madang provins.

Sir Peter husat em rijonol memba bilong Madang provins i tok em i bin kisim pas i kam long Prinsipol bilong skul long pasim dispela skul we dispela skul tasol i bin skulim planti manmeri long kamap olsem ol helt woka long givim marasin long planti sik manmeri insait long ol ples long Papua Niugini.

Dispela skul em Dokta Ned Tschake na Luteran Sios i bin statim na em i kamap wanpela naispela skul tru bilong skulim na kamapim ol helt woka insait long kantri.

Ol i kamapim tu ol helt woka we ol i save go stap wantaim ol manmeri long ol bus na longwe ples na wok klostu wantaim ol inap longpela taim na helpim ol long planti hevi bilong ol pipel.

Sir Peter i tok Gaubin i bin wanpela trening skul we i kamapim ol wokmanmeri we wok bilong ol i helpim planti pipel long komyuniti na tu kos bilong em i daun tru long kamapim ol gutpela helt woka.

Greduesen prais bilong ol sumatin husat i pinisim trening long hap em bus naip, tamiok, sawol na arapela samting bilong mekim wok wantaim

Sapos dispela skul i pas bai i nogat inap wokmanmeri bilong wok insait long ol bus na longwe ples.

long wanem hap ol i go stap.

Sir Peter Barter i singaut long Dipatmen bilong Helt, Madang Provinsel Gavman, Lokel Level Gavman long kam insait wantaim sapot bai Gaubin Komyuniti Helt Woka skul i no ken pas.

Em i tok long nau yet PNG i gat bikipela wok bilong karimaut moa helt sevis i go insait long ol pipel bilong ples.

Olsem na sapos dispela skul i pas bai i nogat inap wokmanmeri bilong wok insait long ol bus na longwe ples long sevim ol manmeri wantaim marasin na ol arapela helt sevis insait long Papua Niugini. Bekim nau em i no long pasim skul tasol opim skul i go bikipela, Sir Peter Barter i tok.

Japan givim K156,332 long Kerema Jenerel Haus Sik

GAVMAN bilong Japan i surikim yet helpim na sapot bilong em long wok bilong helt insait long Papua Niugini taim em i givim bikipela helpim i go long Kerema Jenerel Haus Sik long Galp provins.

Aninit long dispela helpim Gavman bilong Japan bai givim helpim mani mak long K156,332 we ol bai yusim dispela mani long baim nupela masin bilong lukim sik bilong ol manmeri na tu skena masin bilong lukim insait bilong bun na bodi bilong ol sik manmeri.

Embeseda bilong Japan long Papua Niugini, Katsuo Yamashita, na Dokta Robert P. Saliau husat em Sief Eksekutiv Opisa bilong haus sik i sainim dispela kontrak pinis long opis bilong Embesi bilong Japan long Pot Mosbi long Septemba 21, 2004

long dispela wik. Gavman bilong Japan i tok ol i skelim wok bilong strongim helt sevis insait long kantri olsem wanpela bikipela samting ol i laik

Dispela helpim tu inap daunim sampela bikipela hat taim dispela haus sik i wok long bungim i kam nau.

helpim long developmen bilong Papua Niugini.

Dispela helpim i go long haus sik i wanpela bilong planti wankain helpim Gavman bilong Japan i bin givim long planti haus sik insait long kantri pinis.

Dispela helpim tu inap daunim sampela bikipela hat taim dispela haus sik i wok long bungim i kam nau.

Dispela helpim i kam aninit Japanis Grant Asistens bilong Grasruts Projek (GGP).

Blut i kapsait

Irak:

WANPELA meri Irak krai klostu long hap graun we blut i kapsait bihain long wanpela bom i pairap long sentral Baghdad. Wanpela bikpela pairap i bin kamap long Baghdad maket klostu long wanpela polis stesen na ol ripot i tok 47 pipel i bin dai long dispela birua. Militari bilong Yunaited Stets ov Amerika (U.S.A) na Interia Ministri bilong Irak i tok olsem dispela pairap i bin kam long wanpela bom ol paitman i bin putim long wanpela ka na pairapim klostu long dispela polis stesen we ol i wok long traim long bagarapim long Haifa Strit, wanpela hap we planti ol paitman na raskol i save hait long en.

Poto: Reuters/Ceerwan Aziz



Hangamapim man

Japan:

JAPAN i hangamapim wanpela man husat kot i bin painim i bin rong long kilim 8-pela elementri skul pikinini long wanpela birua we i bin mekim kantri i guria nogut tru. Man ol i bin hangamapim inap em i dai em Mamoru Takuma, husat i bin gat 40 krismas, na dai bilong em i bin kamap insait long wanpela yia bihain long kot i bin givim oda olsem em i mas kisim det penelti o dai long dispela birua em i bin kamapim long wanpela skul long Osaka long 2001. Poto i soim ol polis i putim rop raunim skul long stopim ol pipel long go insait bihain long dispela birua i bin kamap.

Poto: Reuters/Haruyoshi Yamaguchi




Redi long raunwin

Jamacia:

SAMPELA man long Kingston Taun long Jamacia i katim ol hap palang long banisim na strongim ol haus bilong ol long redi long wanpela bikpela raunwin, ol i kolim Hurricane Ivan, we i wok long kam klostu long ol.

Poto: Reuters/Daniel Aguilar



Tupela i dai, 40 kisim bagarap

Sweden:

OL WOKMAN husat i save helpim ol pipel long taim bilong birua na sampela ol manmeri husat i save stap long siti bilong Kristianstad long sauten Sweden, i sanap raunim wanpela hap bilong tren we i bagarap bihain long em i bin bamim wanpela trak long hap.

Tupela hap bilong tren i bin lus long rot ol i save ron long en, ol i kolim ol rels, na kapsait. Tupela pipel i dai na inap long 40 i bin kisim bagarap, ol ripot i tok.

Poto: Reuters



Israel na Palestain, hevi i stap yet

Israel:

WANPELA woa helikopta bilong ol Israel i sutim wanpela misail, wanpela kain bom, i go insait long Jabalya refuji kem long noten Gaza Strip na bagarapim 3-pela pipel bilong Palestain, ol ripot i tok. Dispela fail poto i soim tupela paitman bilong grup Hamas i sanap was redi long pait egensim ol soldia bilong Israel long wanpela bipo pait long Gaza Strip.

Poto: Reuters/Ahmed Jadallah

Woa i no pinis

Afghanistan:

OL SAMPELA soldia bilong Yunaited Stets ov Amerika (U.S.A) long Afghanistan. Pait i wok long kamap yet na i no luk olsem dispela woa long Irak na ol kantri klostu long en bai pinis klostu.

Poto: Reuters/Mikhail Metzel



Rais i no swit olsem bipo

Dia Edita,

Mi laik toksave long olgeta manmeri bilong Papua Niugini husat i save kaikai o laikim wanpela namba wan rais long kantri rais long olsem dispela swit stret bilong dispela rais i lus pinis.

Sapos yu baim wanpela paket bilong dispela rais nau na yu kukim na kaikai bai yu pilim olsem em i narakain na rais tu bai luk narakain tu.

I luk olsem dispela i no rais tru yumi save kaikai, em mas rais i kam long sampela hap na ol i pulapim long

paket bilong dispela rais na salim aut long ol provins.

Mi askim nau Konsuma Afeas Buiro long sekim ol dispela rais bipo long ol i ken

I mas narapela rais insait long paket.

salim long stua bikos mi no ting em i gupela pasin long swit blong rais i go narakain.

Plis mipela ol gupela pipel bilong dispela kantri.

**SIMON MONUB
VANIMO
SANDAUN PROVINS**

Planti pipia long Hagen siti

Dia Edita,

Mi wanpela manki Hagen tasol nau long dispela taim mi i stap long Lae.

Mi lukim long ai bilong mi Lae Siti Kaunsil ol i wok hat na Lae siti em i luk klin.

Olsem wanem long Hagen siti? Ol manmeri save tok namba 3 siti tasol las wik mi go antap long Hagen na lukim planti pipia pulap long rot.

Pawa em i stap long Hagen Taun Kaunsel. Traim na klinim taun bilong yumi.

Mi askim olsem i gat we long daunim dispela hevi long namba tri siti?

**SAMSON TEP
MAIA TRADING
LAE**

Tok i wok long kamap tru

Dia Edita,

Mi amamas long yupela long Wantok Niuspepa long raitim ol hevi na wari bilong ol manmeri long Papua Niugini.

Mi laik tok olsem stori bilong Baibel i olsem, nau yumi i stap long las de, God Papa givim yumi longpela taim inap pinis, olsem na mi laik tokim yumi, Baibel tokim yumi olsem taim long las de kainkain samting bai kamap long antap long skai na graun. Matyu 24. Em masta bilong yumi Jisas yet i tok olsem na tu yumi lukim long 2 Timoti 3 i rit go long ves 5 long las de Baibel tok bikhet pasin bai go moa na planti manmeri i no inap sindaun gut long komyuniti.

Olsem na yu lukim Revelesen 7 tok 4-pela

ansel karim dispela graun bilong yumi na klostu ol lusim graun bilong yumi na pipel bagarap na solwara tu longlong na nais bilong graun bilong yumi klostu bai lus olgeta.

Olsem na yu husat wok hat tumas long mani bai yu lukaut, na husat man i no tingim Jisas, na ting yu inap bai yu lus nating nau. Jisas bai kam klostu long kisim ol manmeri. Orait Daniel 2-34 tok kingdom bilong Jisas bai kam klostu. Buk Matyu 24: 6-7 tok long las de pait na hangre bai i stap. Tok wok long kamap tru olsem na yumi mas redim yumi yet.

**PETER NAN
AVI BLOK
MT HAGEN, WHP**

**OL
PAS**

Salim pas i kam long
WANTOK
Niuspepa
P.O. Box 1982,
Boroko, PNG

Wasu bai lukautim 2006 Lutheran Sinod

Dia Edita,

Tokaut bilong Bisop bilong ELC/PNG Dokta Wesley Kigasung long National Niuspepa long Septemba 9, 2004, long het tok olsem 'Wasu to host 2006 Lutheran Synod' em givim bel isi tru long planti ol bilip manmeri bilong Lutheran Sios long distrik Ukata na tu long Papua Niugini olgeta.

Ol wokmanmeri long Ukata distrik, distrik kaunsel, ol 10-pela seket na olgeta 10-pela seket wantaim olgeta bilip manmeri i bruk long tupela ples bilong sinod. Wasu Hai Skul na Dengondo ples. Planti ol laikim Wasu Hai Skul tasol Memba bilong Kabwum, Bob Dadae, em laikim bai kamap long liklik ples bilong en Dengondo.

Planti tubel i stap na nau Bisop Kigasung yet i tokaut klia long niuspepa olsem sinod bai kamap long Wasu Hai Skul em pasim olgeta tubel tingting na ol

bilip manmeri i ken redi gut long lukautim sinod long 2006.

Mista Dadae tu i mas harim tok bilong Bisop Kigasung na i mas sanap go daun olsem siaman bilong sinod komiti na larim ol sios lida yet makim wanpela long ol na wok redi i ken i go het.

Tokaut bilong em long K600,000.00 wantaim helpim long ka na bot em i ken givim long Ukata Distrik na sapotim ol bikos em tokaut long ai bilong God wantaim pipel pinis.

Sapos em i bin tingim Dengondo asples bilong em na tokaut pinis long givim na nau i no givim long sinod kamap long Wasu em olsem memba bin pilai politiks na westim taim bilong wok redi na tu brukim ol bilip manmeri. Wok bilong olgeta lida em long bungim ol manmeri i no brukim ol manmeri.

Sinod bai kamap long 2006 na nesenel ileksen bai kamap long 2007. Sinod bai

kamap long wanpela wik tasol na olgeta samting sios bai putim husat bai papa long en sapos sinod kamap long Dengondo?

Dengondo em i no sios o gavman graun. Sapos i gat sampela politiks tingting i stap insait orait lusim tingting na bihainim wok bilong sios na strongim tokaut bilong Bisop Kigasung;

Wanem samting kamap long Dengondo em bilong sevim interes bilong ol politiks tingting na pasin wantaim ol lain husat i redi long 2007 ileksen. Tasol wanem samting kamap long Wasu em bilong Ukata olgeta na bilong sios.

**SIMON MAINU
UKATA DISTRIK
MOROB PROVINS**

Tok amamas long memba bilong Not Waghi

Dia Edita,

Mi laik kisim dispela taim long tok tenkyu na amamas i go long Memba bilong Not Waghi long em i bin stretim bes vot o hap bilong em long Sigiri yet.

Long mun i go pinis long Ogas 21, 2004, em i bin givim K40 tausen long Sigiri maunten we ol pipel i bin wokim wanpela rot klostu long Sigiri i go long Kilsapin ples.

Em i klostu long mak bilong 15-20 kilomita longpela bilong dispela rot.

Ol vota na pipel i amamas long dispela taim. Ol pipel i hatwok na yusim sampela tingting we God i givim

na ol i kisim mani mak olsem.

Ol i no sindaun nating na wetim fri mani long memba. Ol pipel i wok na kisim kaikai, nogat bai ol i no inap kaikai.

Tenkyu memba. Mipela i no dai mipela i stap wantaim yu. Nau yu ken muv long sikirap maket i go long Banz, Tolu, ples bilong Dange, Omgar, Owolka, Wika, Waka, Wolum, Waple, Pinge, Dal na planti moa.

**MATT DEDEBOH
HOLEYAH
BANZ
WESTEN HAILANS
PROVINS**



Sigiri-Kilsapin rot.

Ol jeepney i no fit long ol rot bilong PNG

Dia Edita,

Mi sapotim toktok bilong Dipatmen bilong Woks na Saplai, Plent na Transpot Bod i bin kamap long Wantok Niuspepa long Jun 24 - 30, 2004.

Minista bilong Transpot na Sivel Aviesen, Don Polye, i mas sindaun toktok gut wantaim (PTB) Plent na Transpot Bod pastaim na kisim kain ka olsem Jeepney bas i kam insait long Papua Niugini, long wanem em ol PTB ol save long wanem ol gupela ka bai ron gut long rot bilong kantri.

Mista Polye mekim wanman disisen wantaim Gavman bilong Filipins na kisim Jeepney bas i kam insait long kantri. Em i no gupela we em mekim.

Mi wanpela man bilong Enga provins, mi raun long olgeta hap na mi wok long harim planti man komplem olsem dispela jeepney bas em bilong karim ol pasindia na yusim olsem PMV o em bilong ol draiva yet long yusim olsem famili bas bilong ol.

Dispela jeepney bas em i no fit long

karim ol pasindia na em tu i no fit tru long ron long ol rot bilong yumi.

Gavman i kisim jeepney bas i kam insait long kantri na putim nem PNG i go daun na daun tru na soim olsem

Polye, i mas sindaun toktok gut wantaim (PTB) Plent na Transpot Bod.

mipela i no save long we bilong baim ka long ol narapela kantri.

Sapos dispela gavman i no fit long helpim kantri bilong yumi PNG long gupela wok, orait lusim na moabeta yupela go long ples na planim kaukau i stap.

I gat planti saveman bilong ilektoret bilong yupela yet long wanwan distrik i stap, wanpela long ol i ken kisim ples bilong yupela na kisim ol gupela sevis i kam long helpim kantri.

**ENDAKALI MASEPE
BOROKO
NCD**

Gavman mas daunim ol prais long stua

Dia Edita,

Inap yupela givim mi liklik spes na bai mi ken autim liklik belhevi bilong mi insait long Wantok Niuspepa na ol brata na susa bilong kantri bilong yumi bai i ken lukim na skelim.

Belhevi bilong mi i olsem, inap long Gavman bilong Somare i lukluk long hevi bilong ol prais bilong ol stua samting na sip, balus na ka tu wantaim.

Inap long gavman i katim daun liklik ol prais long dispela ol samting. Nau yet long dispela taim long lukluk bilong mi lukim olsem olgeta pipel long kantri bilong yumi i wok long painim hat tru long hevi bilong mani.

Planti ol skul pikinini i wok long stap ausait long skul long hevi bilong skul fi. Papa na

mama bilong ol i wok long painim hat long painim mani bilong baim skul fi bilong ol pikinini bilong ol.

Olsem wanem pipel i stap olsem na gavman i stap inap long lukluk bek long ol pipel bilong em o nogat?

Trangu ol grasrut i wok long kisim taim i stap na ol biksot o bisnis manmeri ol i amamas i stap.

Plis gavman inap yu lukiuk bek long ol pipel bilong yu o nogat?

Husat i laik sapotim o egensim, rait tasol long Wantok Niuspepa na bai mi ken lukim.

**BENJAMIN A WEP
VANIMO
SANDAUN PROVINS**

WANTOK KOMENTRI


Skelim gut sik na sanguma

PASIN bilong sutim tok long sanguma o posin em bikipela samting insait long olgeta ples bilong yumi long Papua Niugini. Taim wanpela man o meri o pikinini i lusim laip, yumi save kwiktaim sutim tok long posin o sanguma. Na dispela em i no nupela pasin. Em pasin bilong bipo tumbuna yet i kam nau.

Ol misinari i bin karim gutnius i kam na wok strong tru long bipo we planti tumbuna i lusim ol pasin sanguma bilong ol. Tasol ating wok misin i no pinisim olgeta pasin sanguma o posin yet olsem na tude yumi sutim tok yet long dispela taim wanpela i dai o i kisim bikipela sik nogut tru.

Nau dispela pasin bilong sutim tok long sanguma na posin i wok long kamapim dai long ol hap bilong hailans provins we ol famili bilong dai man i kilim man o meri ol i ting i mekim sanguma o posin long famili bilong ol. Dispela nau i lukim planti dai i kamap long han bilong ol pipel yet we ol i kilim narapela man o meri i dai.

Planti bilong yumi i no save wet na askim gut olsem, famili bilong mi i dai olsem wanem? Em i sik o pundaun na brukim bun o em i gat kensa long tewa o sik AIDS o ol kain askim olsem. Moabeta larim ol dokta i sekim wanem as na famili bilong yumi i dai. Tude i gat ol sik olsem sik AIDS we i nogat marasin na nogat sain. Bai yu stap tasol i go na pundaun nating o isi isi i go na pinis. Yumi mas lukluk insait tu long bodi bilong man na i no ken tingim tasol man i mekim



Amamas long Independens bilong Papua Niugini

Las wik Fonde 16 Septemba em independens de bilong yumi, Papua Niugini. Yumi bin kisim independens long yia 1975 na dispela i makim 29 yia bilong kantri bilong yumi i kisim independens. Na wanem, i nogut o! Hepi independens long yupela.

Yumi amamas long ol lida bilong yumi i go pas long paitim tok na kisim independens bilong kantri. Yumi tingim planti bilong ol lida i makim yumi long Haus ov Asembli long dispela taim. Sampela bilong ol dispela lida em, nau Praim Minista Sir Michael Somare, Sir John Guise, namba wan Gavana Jenerel, husat i dai pinis, Sir Mathias Toliman bilong Is Niu Britin, Sir Tei Abel bilong Hailans na ol arapela lida bilong Haus ov Asembli. Ol dispela lida i no bin gat bikipela save olsem nau tasol ol i pait hat long kisim independens. Tenkyu ol papa bilong kantri, mipela i tingim



TOK PISIN
wantaim
PETER MAIME

yupela bikos yupela i bin tingim mipela.

Nau maski ol kainkain hevi i wok long kisim yumi, PNG i sanap yet olsem independen kantri na planti ol gutpela samting i kamap long kantri. Planti ol pikinini PNG i kisim bikipela save long yunivesiti long wok long gavman, kampani na tu save long wok bilong ronim bisnis.

Planti manmeri bilong PNG yet i kamap dokta, loya, akaunten, pailot bilong ronim bikipela balus, kepten bilong ol sip, tisa, nes na ol planti kainkain wok. Ol dispela wok em save kamap long tingting na save bilong ol waitman. Tasol yumi PNG bihain long 29 yia olsem independen kantri, yumi kisim tingting na save bilong ol waitman hariap tru. Kas bilong yumi.

Ol waitman i no inap daunim yumi, yumi kamap wankain olsem ol.

Nau yumi mas strongim kantri bilong yumi long gutpela rot. Yumi mas votim ol gutpela lida i go long Nesenel Palamen long mekim gutpela disisien long lukautim kantri bilong yumi. Yumi mas salim ol pikinini bilong yumi i go long skul bai ol i kisim gutpela save long ranim kantri. Yumi mas helpim komyuniti bilong yumi long sindaun gut long ples. Yumi mas lukautim ol wokman bilong gavman na ol kainkain sios husat i kamap namel long sevim yumi.

Yumi PNG, yumi wan pipel, yumi wan nesen. Maski yu bilong Hailans, Ailians, Momase o Papua, yumi mas poroman na wok

bung wantaim bilong strongim kantri bilong yumi.

Yes, i tru mipela i kam long kainkain hap bilong PNG wantaim kainkain tokples na kastom tasol ol narapela kantri i luksave long yumi olsem wan kantri na wanpela pipel. Yu wanpela Tari tasol yu kam long pes bilong wanpela Papua yu mas tok gut de long em. Wankain, sapos yu wanpela Tolai tasol yu kam long pes bilong wanpela Sepik, i gutpela yu tok gut de long em. Yumi olgeta bilong Papua Niugini.

Mi yet bilong Minj long Westen Hailans Provins tasol mi amamas olsem mi gat sans long ron long kantri na bungim ol narapela ples na pipel.

Mi bin go long sampela ples mi tingim yet. Mi tingim yet kain ples olsem Telefomin, Aitape na Wutung long Wes Sepik Provins, Good Enough Ailan long Milne Bay Provins, Lamusmus long Niu

Ailan, Karkar Ailan long Madang na Kasap long Laiagam Distrik long Enga Provins.

Taim yumi stap long banis bilong yumi, yumi i no luksave long ol narapela lain. Tasol taim yu go long narapela hap, bai ai bilong yumi i op. Dispela ol ples mi bin i go long en, ol pipel i save mekim gutpela pasin. Sampela hap long nambis, sapos yu wanpela visita, bai ol i stretim mat long yu long sindaun. Taim yu sindaun pinis, bai papa bilong haus i salim ol mangi i karim buai i kam. Taim yu kaikai buai na sindaun gut, bai em i tok welkam na askim long wokabout bilong yu.

Maski yumi bilong kainkain ples na provins, pasin bilong laikim narapela i stap. Yumi mas holim pas ol dispela gutpela pasin bilong yumi long strongim kantri bilong yumi, PNG.

independen, yumi bung wantaim. Na bai yumi go het gut..


Pipel bai kam long yu wantaim hevi na sot bilong ol

Taim yu stap Lida bai kainkain wari na hevi bilong ol pipel bai yu karim. Ol bai lukluk long yu long stretim wari bilong ol.

Sampela bai kam askim yu long mani, kar, telefon na ol kain samting olsem. Planti ol i ting ating Lida i gat olgeta ansa long ol wari bilong mipela.

Dispela em i no tru. Yu olsem Lida i no inap long mekim olgeta samting long nem, namba na pawa bilong yu.

Olsem Lida yumi mas skelim gut na helpim ol lain i gat sot tru long yu ken helpim. Sampela ol i giaman tasol long i laik yusim yu olsem Lida long



**OL PRINSIPOL BILONG
GUTPELA LIDA**
wantaim
**Pastor na Evangelist OHARE
JABERE**

nating we i no inap long karim kaikai.

3 Tok stret olsem dispela mi inap helpim yu, ol arapela mi ino inap.

4 Yu mas hones long tok bilong yu na sapos yu i no inap yu mas tok stret na tok tru.

Traim long helpim ol lain i kam long yu long wanem we yu inap. Sapos yu i no inap tok

stret na tu sapos yu inap orait helpim. Sapos yu inap i noken haitim samting na tok nogat yu mas tru long helpim. Yes em i wanpela wok bilong yu olsem Lida.

Proverbs 21:1 Bikipela i save stiaim tingting bilong King na king i save bihainim laik bilong Bikipela, olsem wara i bihainim baret.

Proverbs 22: 9 Bikipela i save mekim gut long man i amamas long givim ol samting long ol arapela man. Long wanem dispela kain man i save givim kaikai long ol rabisman.

Ev. Ohare Jabere
Lidasip Counselling
Mobile Namba: 684 0503

WANTOK

Published Weekly, Wednesday, for Word Publishing Company, Ltd.

P.O. Box 1982, Boroko, NCD
Papua New Guinea

Telephone: 325 2500

Fax: 325 2579

Email: word@global.net.pg

Pe bilong wanpela yia
52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Jeremy Burgess

Editor
Yakam Kelo

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea: Catholics 50%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Papa bilong Kumul

Neville Choi i stori long Hal Holman, papa bilong Kumul piksa. Man husat i droim nesenel pisin.

LONG Independens inap nau, Papua Niugini i save lukim Kumul pisin olsem pisin i makim kantri. Long olgeta samting gavman bilong PNG i gat, bai i mas i gat piksa bilong kumul i sindaun long en.

Wankain olsem wan wan hap mani bilong mipela we yu bai painim kumul i sindaun long wanpela sait bilong 1 toea i go inap long K1 hul mani. Na long wan wan sait bilong ol pepa mani i stat long K2 i go inap long K50.

Em i tru olsem Kumul em i pisin bilong PNG stret. Tasol yu save long man husat i droim na penim dispela pisin long kamapim dispela piksa we gavman bilong PNG i save yusim?

Dispela man nau em i gat 82 kris-mas na i save penim ol kain kain kumul pisin na planti ol arapela samting tu. Nem bilong dispela man em Hal Holman na em bilong Australia.

Hal em wanpela atis husat i gat planti stori i stap. Em i bin stap wok insait long Papua Niugini long taim bilong Independens na em i bin wanpela saveman bilong dro stret.

Em i bin holim wok olsem Sinia Atis bilong PNG Gavman. Em i bin droim Nesenel Kres o piksa bilong Papua Niugini na em i bin helpim long disainim tu Nesenel Flek bilong PNG.

Planti manmeri i save long stori bilong Susan Karike Huhume, dispela meri husat i bin winim wanpela kalaring resis o resis bilong painim kala bilong flek bilong Papua Niugini.

Long taim long independens, PNG i bin guria liklik long dispela nupela samting ol i kolim demokrasi, na ol bikman bilong mipela husat i bin go pas long kantri long dispela taim i bin laikim wanpela piksa we i ken makim kantri. Long wankain taim, i bin gat wanpela bikipela resis long kamapim wanpela flek bilong kantri tu.

Mista Holman i gat planti stori long dispela tupela samting bilong wanem em i bin stap insait long wok bilong kamapim dispela tupela samting.

Kamapim PNG Kres o piksa bilong nesenel pisin

Mista Holman i sindaun na stori long *Wantok Niuspepa* long taim namba wan gavana jenerel bilong PNG, Sir John Guise i bin go pas long wanpela komiti nesenel gavman i bin sanapim long painim wanpela piksa bilong makim Papua Niugini.



Hal Holman, man husat i bin droim PNG Nesenel Kres o piksa bilong Kumul i sindaun antap long kundu na supia.

"Long dispela taim, mi bin wok olsem sinia atis bilong PNG gavman. Mipela i bin kisim toksave olsem mipela bai i mas droim sampela piksa we komiti bai glasim na makim wanpela bilong kamap olsem piksa bilong makim PNG.

"Komiti i bin go sindaun long Lae, na ol i bin singautim mi wantaim namba tu opisa bilong mi long dispela taim, wanpela manki Papua, Esau Reuben long go long hap na soim sampela piksa mipela i droim pinis.

"Taim mipela i go kamap long ai bilong komiti, ol i askim mipela long ol piksa mipela i droim. Mipela i soim olgeta mipela i karim i go, tasol nogat wanpela long ol komiti memba i amamas," Mista Holman i tok.

Taim komiti i no tok orait long ol piksa bilong tupela, tupela i redi long go bek long Mosbi. Tasol wanpela komiti memba i bin tokim Holman, "Mipela bai go bek long tumora apin-un long Mosbi. Sapos yu tupela inap long droim sampela nau long nait, traim na soim mipela tumora gen pastaim long mipela i go bek."

Holman i stori olsem laki tru na em i karim wanpela sutkes i gat olgeta pen na samting bilong em long droim piksa. Long apinun yet, em i tokim namba tu bilong em Essau olsem tupela bai hapim olgeta pen na nait tupela bai sindaun na traim droim wanpela piksa bilong PNG.

Long namba tu de, ol i go long ai bilong komiti gen.

"Komiti i askim mi na Essau long lainim olgeta piksa mi tupela i droim long nait na ol i glasim. Na taim mi putim piksa bilong kumul i sindaun antap long kundu i go antap, Sir John Guise i singaut na sanap baksait long long tebol na em i wokabaut kam stret long fran bilong dispela piksa na em i salut long en. Em i tok - Dispela em i piksa bilong PNG stret!" Holman i stori.

Em nau komiti i bin sindaun na pasim tok long dispela piksa bilong kumul bai i mas kamap piksa i makim kantri.

Long dispela taim inap tude, maski yu go raun long wanem kantri long ovasis, sapos yu lukim Kumul i sindaun antap long kundu na supia, bai yu save olsem dispela em i makim Papua Niugini.



Hal em i wanpela top atis tu. Long dispela piksa em i sanap wantaim wanpela piksa em i droim long wanpela man Hailans. Hal i kam bek long PNG long makim Independens bilong kantri las wik. Em i karim sampela piksa em i droim i kam long salim long ol lain husat i laik baim. Olgeta piksa bilong em bilong PNG i save soim tru kala bilong ol manmeri em yet i save tingim.

Disain bilong nesenel flek

Taim Susan Karike i bin winim resis PNG gavman i bin kamapim long painim kala bilong nesenel flek bilong kantri, planti manmeri i bin amamas long dispela yangpela meri husat i makim ol kala ret, bilak na yelo o gol bilong flek bilong yumu.

Tasol long sait bilong sanap bilong kumul, na sindaun bilong ol sta na mak i brukim ret na bilak, nogat planti manmeri insait long kantri tude i save olsem Hal Holman i bin disainim.

Em i tru. Mista Holman yet inap long stori long dispela samting.

Em i tokim Wantok Niuspepa olsem taim em i harim olsem i gat wanpela resis bilong droim nesenel flek bilong Papua Niugini, em i bin disainim pinis dispela disain we ol i yusim bilong kamapim wanpela resis bilong painim kala bilong flek.

"Mi bin droim wanpela lain piksa long tingting bilong mi yet long flek bilong PNG. Na i bin i gat wanpela biknem man bilong kisim piksa long dispela taim husat i bin luksave olsem mi bin disainim. Tasol taim mi givim bilong mi, komiti i bin tok olsem i no gutpela bilong wanem mi no man bilong PNG yet. Mi bilong Australia. Na taim dispela biknem potograpa bilong gavman i no stap long tokaut long disain bilong mi, dispela liklik meri i bin winim resis bilong kalarim piksa bilong flek.

"Long dispela taim, dispela potograpa i no bin stap na ol i tokim mi ken long go na kisim piksa bilong dispela meri," Holman i tok.

Holman yet i tok olsem em i no amamas taim ol i askim em long kisim dispela piksa, tasol em i tok, 'em i orait. Mi mekim bikipela wok pinis.'

"Plantia yia pinis mi no tokaut long dispela, bilong wanem mi skelim olsem mi mekim planti arapela bikipela wok pinis na maski long kros long wanpela wok tasol," Holman i tok.

Na tru tumas, sapos yu bung i dispela man, bai yu luksave lo, laik bilong em bilong PNG.

Lewa bilong em i stap wantaim PNG

Hal Holman i bin kamap namba wan taim long PNG long taim bilong Wol Woa 2 taim em i bin pait olsem wanpela soldia bilong Australia ami. Ol kain kain nem bilong ol ples

insait long kantri em dispela man inap long kolim, na ol samting i bin kamap long taim bilong pait wantaim ol ami bilong Japan na Germany i stap klia long het bilong em yet.

Bihain long em i lusim ami bilong Australia, em i bin go pait wantaim ami bilong Amerika.

Taim em i stap wantaim ol, bikipela bom i bin pundaun long Japan na woa i bin pinis.

Hal i bin go bek long Australia na gavman bilong Australia long dispela taim i bin lukautim em wantaim mani bilong skul.

Em i go lainim skul bilong atis na em i kisim diploma long wok atis.

Bihain long en, em i bin kam long na wok wantaim Edukesen dipatmen.

Sapos yu bin stap long komyuniti skul long taim bilong independens, bai yu inap tingim wanpela niuspepa bilong ol skul edukesen opis i bin save salim i go aut long olgeta skul insait long kantri. Dispela niuspepa o buk we ol i save kolim 'Skul Pepa' em Hal i bin save mekim ol disain long kava bilong en.

Em wanpela long ol bikipela wok Hal i bin mekim taim em i bin wok wantaim edukesen opis long Pot Mosbi.

Em i bin lusim PNG na go bek long Sydney na nau em i save givim skul long wok atis long planti yangpela long Sydney. Hal yet i tokaut olsem samting olsem 6-pela yangpela manmeri em i givim skul long ol i go inap Yunivesiti.

Long Sydney yet, i gat planti han mak bilong Hal i stap. Wankain tasol olsem PNG. Long Pot Mosbi, bai yu ken lukim wanpela bikipela Kumul ol i mekim long ain na i sindaun long bikipela raunabaut i stap long mausrot i go long Nesenel Palamen. Dispela pisin em Hal yet i mekim.

Na sapos yu go long Palamen Haus bai yu inap lukim ol ain samting Hal i mekim bihainim Praim Minista Sir Michael Somare na bipo spika bilong Bill Skate.

Em i stori long *Wantok Niuspepa* olsem maski em is stap long Australia o wok bilong em i karim em i go long arapela hap em bai tingim yet PNG na taim em i bin stap na wok long hia.

"Bipo yet taim mi kam long PNG namba wan taim, mi bin amamas long dispela ples, na inap long tude mis save amamas yet long kam bek long hia em i wanpela naispela ples tru long kam bek long en," Hal i tok.

I gutpela long ol manmeri i gat rekod wantaim polis long mekim rong i holim bikpela opis o sanap long ileksen o nogat?

I gutpela long ol manmeri i gat rekod wantaim polis long mekim rong i holim bikpela opis o sanap long ileksen o nogat? Las wik sampela bikman i sindaun long Nesenel Developmen Forum o kibung we ol i kamap wantaim tingting long stopim ol manmeri husat i mekim rong na i gat polis rekod long i no ken holim wok long bikpela opis o sanap long ileksen (nesenel o lokal level). Dispela em i tingting tasol ol i kamapim wantaim. Sapos ol memba bilong nesenel palamen i tok orait long dispela tingting long palamen, dispela tingting bai kamap lo. Ripota Paul Zuvani i raun na kisim tingting bilong ol pipel. Planti i tok dispela em i gutpela tingting na i laikim tingting i kamap lo.

Wantaim dispela ol i tok palamen i mas rausim dispela lo we i tok ol manmeri husat i holim bikpela opis sapos ol i mekim rong i mas kisim mekimsave aninit long 10-ya tasol. Ol i laikim olgeta manmeri i mas kisim wankain mekimsave maski long wok o save em i gat. Hia em tingting bilong ol.




Anita Solomon

Anita Solomon i bilong Rabaul, Is Nu Briten provins. Em i wok wantaim NESA PNG long Gordons, Pot Mosbi. Em i tok em i gutpela tingting long stopim ol manmeri i gat nem wantaim polis long mekim rong i no ken holim bikpela wok o resis long ileksen. Em i tok sapos dispela tingting i kamap lo em bai stopim planti pasin bilong korapsen. "Tasol mi laikim dispela tingting i mas kamap lo. Ol i no ken toktok long maus tasol. Taim man i mekim rong dispela i stap long sistem bilong em. Em bai laik long mekim rong yet long wanem em i lain pinis. Tru wanwan lain husat i gat gutpela tingting bai senis. Tasol planti bai nogat. Na tu ol i mas senisim dispela lo we i tok ol lidaman bai mas kisim mekimsave long kalabus aninit long 10-pela yia tasol. Ol man i wankain na olsem olgeta i mas kisim wankain mekimsave long wanem asua ol i mekim."



Josephine Masep

Josephine Masep i bilong Kavieng Nu Ailan provins. Em i wok wantaim NESA PNG long Gordons, Pot Mosbi. Em i tok 29-ya i go pinis kantri i no lukim wanpela gutpela senis. Tingting bilong ol man i no stret, ol bikman i wok long stil yet na sindaun bilong ol manmeri i go bagarap. "Sapos kain lo



Michael Kowai

Michael Kowai i bilong Kundiawa long Simbu provins. Em i wok wantaim Able Komputing long Waigani. Em i no amamas long planti samting tasol i pilim gutpela long harim olsem kain lo bai i ken daunim hevi bilong korapsen long ol bikpela opis na olsem sampela gutpela sindaun bai kamap. "Mi save olsem planti mani na ol narapela samting i save paul long ol bikpela opis. Taim man i stil, pait kros na kilim man i dai dispela i stap long sistem bilong em. Sapos yumi larim ol man o meri i gat rekod nogut i stap long bikpela opis yumi bai givim sans long em long mekim paul pasin yet. Na sindaun bilong sosaiti na komyuniti bai i go bagarap yet. Na gavman i mas rausim dispela lo we i tok long ol bikmanmeri i mas kisim mekimsave aninit long 10-pela yia tasol. Olgeta man o meri i mas kisim wankain mekimsave."

Judy Bipi

Judy Bipi i bilong Tufi, Oro provins, na em i menesa bilong Women 'n' Children opis, wanpela AusAID projek

long Waigani. Em i amamas long tingting bilong stopim ol manmeri i gat kriminel rekod long holim bikpela pablik opis. Em i tok: "Mi amamas long dispela tingting na mi laikim palamen i mas pasim dispela tingting long kamap lo. Sapos dispela tingting i no kamap olsem lo pasin bilong paulim samting bilong pablik bai i go yet. Dispela long wanem dispela pasin bilong paulim pablik samting bai go moa yet. Yu save man i kaikai buai em pas pinis long kaikai buai na i no inap lusim. Dispela i wankain long pasin bilong stil o long mekim narapela ol asua."



Joe John

Joe John i bilong Kundiawa, Simbu provins na em i wok wantaim Red Dot Sevis long Waigani. Em i amamas long harim kain tingting i kamap na i ting sampela moa ol lo i mas kamap long stretim ol manmeri husat i holim bikpela opis i mekim asua. "29 yia i go pinis bihain long mipela i kisim Indipendens na i nogat wanpela gutpela senis i kamap. Mi i go nogut moa long taim bipo long mipela i kisim Indipendens. Ol bikmanmeri i wok long stil o paulim ol pablik samting, ileksen i kam na go, ol haus sik i nogat marasin, ol pipel i dai, ol skul i nogat samting long lainim ol pikinini o ol biding bilong skul i bruk daun na i nogat wok bilong ol manmeri i pinisim skul. Mipela oltaim i stap long dispela ol hevi. I gutpela kain tingting i kamap. Dispela tingting i mas kamap lo."

Peter Korou

Peter Korou i bilong

Kerema, Galp provins, na em i stap tasol long Ranuguri Setelmen, Konedobu. Nau yet Korou i hetman bilong wanpela kontrak grup we i save kisim kontrak wok long Nesenel Kapitell Distrik. Em i tok em i no amamas taim PNG i amamasim 29-ya Indipendens bilong em. "Mi 40 krismas nau na mi no lukim wanpela gutpela senis long dispela 29-ya long taim kantri i kisim Indipendens. Wantok sistem i stap yet na planti samting long pablik opis i paul o bagarap yet. Bikpela piksa nau em Nesenel kapitell Distrik Komisins (NCDC) nau. Ol wok o opis manmeri em ol manmeri bilong bos tasol. Ol wok we ol memba bilong Lokel Level Gavman i mas holim. Olsem planti ol save grup bilong bos o siaman bilong NCDC i kisim nating mani maski ol i no mekim wanpela wok. NCDC Hall i wanpela beng."


Serah Kauri

Serah Kauri i bilong Kerema, Galp provins, na em i wok wantaim NESA PNG long Gordons. Em i tok planti ol memba bilong palamen i save paulim ol mani na olsem em i gutpela long kain lo i kamap. Dispela em i tok i ken stopim pasin nogut bilong ol manmeri long stilim mani bilong pablik. "Mi no amamas long ol Memba bilong Palamen na sampela ol manmeri husat i holim bikpela ol wok. Ol i tingting long ol yet na putim baksait ol manmeri husat i votim ol. Ol i no moa save long wanem as bilong holim dispela ol bikpela ol opis. I gutpela kain lo i kamap long givim gutpela tingting long ol manmeri."

Leslie Pasingan

Leslie Pasingan i bilong Kavieng, Nu Ailan provins na em i wok wantaim NESA PNG long Gordons. Em i tok lo i bilong olgeta manmeri na olsem olgeta manmeri i mas kisim wankain mekimsave. "I nogat wanpela

lo i bilong ol bikman na narapela i bilong liklik man. Olgeta man i wankain tasol bipo long lo na olsem olgeta i mas kisim wankain mekimsave. Ol i mas rausim dispela lo we i tok ol bikmanmeri i mas kisim mekimsave long ol kot aninit long 10-pela yia tasol. Na wantaim dispela long bilong ol manmeri i gat kriminel rekod long ol i no ken holim pablik opis o sanap long ileksen bilong gavman."



Mathew Magalu

Mathew Magalu i bilong inten Rigo, Sentral provins, na em i wok wantaim BEE Konstraksen kampani long Gordons. Em i tok bihain long 29 krismas taim kantri i kisim Indipendens i nogat wanpela gutpela senis i kamap. "Long sait bilong politiks planti ol Memba mipela i votim i go insait long Palamen i tingting long ol yet. Ol i laik stilim mani bilong pablik tasol. Long sait bilong ikononi kantri i gat planti ol samting tasol bilong wanem em i stap turangu. Olsem na tingting bilong man o meri i gat ripot bilong polis long mekim trabel i no mas sanap long ileksen i gutpela. Dispela bai sevim planti ol pablik samting."

Dickson Avin

Dickson Avin i bilong Finschafen, Morobe provins, na em i wok wantaim Homeguard long Gordons. Em i amamas long wanem planti ol manmeri husat i gat rekod nogut i no mas holim ol bikpela wok o sanap long ileksen. "Sapos kain lo i no kamap, pasin bilong paulim yet samting bilong pablik bai go moa yet na kantri bai bungim bikpela hevi."

CATHOLIC RADIO schedule

Fonde	6:00	ANGELUS
6:05	6:05	SUNDAY EUCHARIST (replay)
	7:00	HOLY ROSARY
	7:30	CATHOLIC INSIGHT
	8:00	VATICAN WORLD NEWS
7:00	8:15	VATICAN ENGLISH PROGRAM
7:15	8:40	IN THE LORD'S VINEYARD
7:35	10:00	NON-STOP GOSPEL MUSIC
8:00		JOURNEY HOME (EWTN)
8:00		VATICAN RADIO WORLD NEWS
9:15		VATICAN ENGLISH PROGRAM
9:40		KIDS SING-ALONG
10:00	6:00	ANGELUS
10:30	6:05	MEDITATION/INSPIRATIONAL MUSIC
11:00	7:00	VATICAN WORLD NEWS
12:00	7:15	VATICAN ENGLISH PROGRAM
12:05	7:35	NON-STOP GOSPEL MUSIC
12:20	8:00	BEST OF JOURNEY HOME
12:40	8:00	VATICAN WORLD NEWS
1:00	8:15	VATICAN ENGLISH PROGRAM
	8:35	KIDS SING-ALONG
2:00	10:00	CATHOLIC JUKEBOX (EWTN)
3:00	10:30	NON-STOP GOSPEL MUSIC
3:20	12:00	ANGELUS
4:00	12:05	VATICAN WORLD NEWS
4:30	12:20	VATICAN ENGLISH PROGRAM
5:00	12:40	AFTERNOON REFLECTION MUSIC
6:00		THE WAY TO FOLLOW JESUS
6:05	1:00	GOSPEL MUSIC
6:10	1:30	CHAPLET OF DIVINE MERCY
6:30	3:00	NON-STOP GOSPEL MUSIC
	3:20	CATHOLIC JUKEBOX (EWTN)
7:00	4:00	NON-STOP GOSPEL MUSIC
7:30	4:30	MESSAGE IN MUSIC
8:00	5:00	ANGELUS
8:15	6:05	VATICAN ENGLISH PROGRAM
8:30	6:30	MANY FACES OF MARY
9:00	7:00	HOLY ROSARY
10:30	7:30	BENEDICTION
	8:00	VATICAN WORLD NEWS
	8:15	CRN LOCAL NEWS
	8:30	VATICAN ENGLISH PROGRAM
	9:00	BEST OF JOURNEY HOME
	10:00	CATHOLIC JUKEBOX (EWTN)
	10:30	VATICAN ENGLISH PROGRAM
	11:00	NON-STOP GOSPEL MUSIC
Fraide	6:00	ANGELUS
6:05	6:05	MEDITATION/INSPIRATIONAL MUSIC
	7:00	VATICAN WORLD NEWS
7:15	7:15	VATICAN ENGLISH PROGRAM
7:35	7:35	NON-STOP GOSPEL MUSIC
8:00	8:00	RADIO ST. JOSEPH PRESENTS
9:00	9:00	VATICAN WORLD NEWS
9:15	9:15	ENGLISH PROGRAM
9:35	9:35	KIDS SING-ALONG
10:00	10:00	CATHOLIC JUKEBOX
10:30	10:30	NON-STOP GOSPEL MUSIC
12:00	12:00	ANGELUS
12:05	12:05	VATICAN WORLD NEWS
12:20	12:20	VATICAN ENGLISH PROGRAM
12:40	12:40	REFLECTION MUSIC
1:00	1:00	OUR FATHER'S PLAN
1:30	1:30	AFTERNOON GOSPEL MUSIC
3:00	3:00	CHAPLET OF DIVINE MERCY
3:20	3:20	NON-STOP GOSPEL MUSIC
4:00	4:00	CATHOLIC JUKEBOX (EWTN)
4:30	4:30	NON-STOP GOSPEL MUSIC
5:00	5:00	WAVE FACTOR (EWTN)
6:00	6:00	ANGELUS
6:05	6:05	VATICAN ENGLISH PROGRAM
6:30	6:30	FATIMA
7:00	7:00	HOLY ROSARY
7:30	7:30	STATIONS OF THE CROSS
8:00	8:00	VATICAN WORLD NEWS
8:15	8:15	CRN LOCAL NEWS
8:30	8:30	VATICAN ENGLISH PROGRAM
9:00	9:00	TOK STRET LONG HVAIDS
10:00	10:00	CATHOLIC JUKEBOX
10:30	10:30	VATICAN ENGLISH PROGRAM
11:00	11:00	NON-STOP GOSPEL MUSIC
Sarere	6:00	ANGELUS
6:05	6:05	MEDITATION/INSPIRATIONAL MUSIC
	7:00	OUR FATHER'S PLAN
7:30	7:30	CROSSROADS (EWTN)
8:00	8:00	VATICAN WORLD NEWS
8:15	8:15	VATICAN PROGRAM
8:35	8:35	MUSIC
9:30	9:30	BACKSTAGE (EWTN)
10:00	10:00	WAVE FACTOR
11:00	11:00	NON-STOP GOSPEL MUSIC
12:00	12:00	ANGELUS
12:05	12:05	VATICAN WORLD NEWS
12:20	12:20	VATICAN ENGLISH PROGRAM
	12:40	PROGRAMME
	12:40	GOSPEL MUSIC
3:00	3:00	CHAPLET OF DIVINE MERCY
3:20	3:20	GOSPEL MUSIC
4:00	4:00	BACKSTAGE
4:30	4:30	NON-STOP GOSPEL MUSIC
5:00	5:00	WORLD OVER NEWS
6:00	6:00	ANGELUS
6:05	6:05	VATICAN ENGLISH PROGRAM
	6:30	MIRACLES OF THE CROSS
7:00	7:00	HOLY ROSARY
7:30	7:30	CROSSROADS
8:00	8:00	VATICAN WORLD NEWS
8:15	8:15	VATICAN ENGLISH PROGRAM
9:00	9:00	WORLD OVER NEWS (EWTN)
10:00	10:00	BACKSTAGE
10:30	10:30	VATICAN ENGLISH PROGRAM
10:50	10:50	NON-STOP GOSPEL MUSIC
Sande	6:00	ANGELUS
6:05	6:05	MEDITATION/INSPIRATIONAL MUSIC
	8:15	VATICAN WORLD NEWS
8:35	8:35	VATICAN ENGLISH PROGRAM
9:00	9:00	NON-STOP GOSPEL MUSIC
9:00	9:00	SUNDAY EUCHARIST LIVE
10:30	10:30	NON-STOP MUSIC
11:00	11:00	IN THE LORD'S VINEYARD
12:00	12:00	ANGELUS
12:05	12:05	VATICAN WORLD NEWS
12:20	12:20	VATICAN ENGLISH PROGRAM
12:40	12:40	GOSPEL MUSIC
3:00	3:00	CHAPLET OF DIVINE MERCY
3:20	3:20	GOSPEL MUSIC
5:00	5:00	SIGNS OF THE TIMES (RTA)
	6:00	ANGELUS
	6:05	VANIMO LOCAL NEWS
	6:10	VATICAN ENGLISH PROGRAM
	6:30	FATIMA, HEAVEN'S PEACE PLAN
	7:00	HOLY ROSARY
	7:30	DOCTORS OF THE CHURCH
	8:00	VATICAN WORLD NEWS
	8:15	VANIMO LOCAL NEWS
	8:20	VATICAN ENGLISH PROGRAM
	9:00	TOK STRET ABOUT HVAIDS WITH FR. JUDE
	10:00	CATHOLIC JUKEBOX
	10:30	VATICAN ENGLISH PROGRAM
	10:50	NON-STOP GOSPEL MUSIC

Hanua karim nem bilong Gabagaba



Cynthia Igua i raitim

GABAGABA ples insait long Sentrel provins i save kamapim planti biknem musik atis insait long PNG olsem Noel Asi, Keis Garona na Malokiss.

Nau wanpela arapela nupela musik atis bilong Gabagaba i redi long mekim nem bilong em. Dispela man em Hanua Tauna.

Hanua i rilisim namba wan musik albam bilong em, 'Lus Tingting' aninit long CHM Supersound Studios, na i luk olsem sampela singsing long dispela albam olsem 'Rogea Manoga' na 'Keken' bai i kamap bikpela tru.

Long dispela albam, em i traim long karim kain kain stail musik bilong ol manmeri i save laikim musik bilong Sentrel provins.

Ol stail bilong musik em i yusim long 'Lus Tingting' em Kantri na Westen, Ridim na Blus, Regei na ol kain stail bilong motu musik yet.

Hanua i kisim helpim bilong tupela liklik kandre man, Uru na Tauna Bouraga husat i save pilai ridim na singsing bekap.

Famili bilong Hanua i bikpela long sait bilong musik we i bin stat taim ol i kamapim wanpela ben ol i kolim Calipso moa long 20 yia i go pinis.

Long dispela taim Hanua i bin driman pinis long katim wanpela solo albam bilong em yet.

Long 2000 em i bin rekodim wanpela albam wantaim wanpela liklik studio bilong traim na soim stail bilong em. Dispela albam bilong em i bin pulim planti manmeri.

Bihain long dispela, em i traim long mekim nem bilong em i go bikpela moa na em i go lukim CHM long 2003.

Long las yia i kam inap nau, em i hat wok long dispela namba wan bikpela albam bilong em. Em i bin gat sans long singsing long wanpela singsing 'Sisiba' wantaim ol PS II. Em i singsing tu long 'Eni-Oh' wanpela singsing bilong Keis Garona.

Tauna i kisim planti helpim long albam bilong em. Ol lain olsem Lista Laka, David na Dokona Manoka na Dee Jays Band i bin stap na givim liklik tingting bilong ol long en.

Em i save gut tru long ol dispela musik man long bipo yet

taim ol i save pilai musik wantaim taim ol i skul musik.

Hanua yet i luksave olsem em i nupela man long kamaut olsem solo atis, tasol em i bilip em inap long mekim nem bilong em yet.

Em i tok PNG musik i senis i kam long we tru long string ben stail bilong bipo i kam inap long musik stail bilong tete.

Na maski i senis, pairap bilong em i save pulim yet iau bilong ol manmeri bilong wanem ol i save laik harim musik bilong bipo na musik bilong nau wantaim.

Em i tok em i bilip olsem insait long 5 o 10-pela yia bihain, bai PNG musik i senis i go yet bilong wanem ol yangpela musik atis olsem Straky na Soul Harmony i wok long senisim i go yet.

Em i tok bikpela tenkyu i mas i go long ol planti poroman bilong em, ol lain famili bilong em, Lista Laka, John Toea, Dee Jays Ben, menesmen bilong CHM na ol wok manmeri bilong CHM Vidio Prodaksen Kru. Em i no lus tingting long olgeta lain long Koukou na Kwikila.

Toksave bilong em i go long ol nupela musik atis, em ol i mas hat wok, na bai hat wok bilong ol i karim kaikai long bihain taim.

Niu Age luksave long laik bilong pipel long musik

Cynthia Igua i raitim

NIU AGE Ben, nupela ben bilong ol manki Buka nau i wok long raitim ol singsing bilong namba tu albam bilong ol.

Dispela wok i save painim ol taim ol i no pilai musik long ol klab o pati na ol i no rekodim musik.

Long dispela kain taim ol i save painim ol nupela tingting bilong raitim musik o ol i save stap wantaim ol famili bilong ol.

Tru tumas, olsem nem bilong ol yet i tok, ol dispela musik man i laik kamapim nupela musik stail bilong PNG musik.

Ol bois yet i save olsem i gat wanpela rot tasol i stap we ol bai inap long pulim ol manmeri wantaim musik bilong ol, na dispela em long kamapim ol nupela senis long stail bilong musik bilong ol.

Ol yet i ken tokim yu olsem i no wanpela isi samting long traim rekodim wanpela demo kaset na bihain traim na painim wanpela gutpela studio bilong katim albam.

Niu Age i gat 5-pela ben memba.

Biknem musik man bilong Bogenvil yet, Benjamin Hanga i go pas long Niu Age. Em i save pilaim lit gita na em i save singsing.

Eddie Nasara em rastaman ya i save singsing long dispela singsing 'Raitman', na em i save pilai bes gita tu. Benjamin Palin em boi nogut i save paitim drams.

Na narapela tupela manki Alfred 'Scuffy' Vaokorot na Franco Palin i save putim stail long nek bilong ol long singsing.

Namba wan albam bilong Niu Age, 'Tsomia Alia' i bin kukim stret PNG. Na long sampela wik i go pinis, ol i bin

rausim tupela vidio klip wantaim CHM Supersound bilong tupela bikpela singsing bilong ol, 'Gutsomi' na 'Raitman'.

Planti long ol singsing bilong Niu Age i karim ol kain kain stail bilong musik olsem regei, pop, rok na dens musik tu.

Stori bilong ol dispela manki i go olsem. Ol i bin bung long Buka, tasol ol i no bin inap sanapim gut ben yet. Ol i save raun pilai olsem ol bekap musik man tasol.

Bihain tru ol i bin bung na katim namba wan albam bilong ol, tasol ol studio i no bin laik helpim ol inap ol i kam bungim Cyclone Studios. Em nau long hap, nem bilong Niu Age i kamap olsem wanpela nupela kain stail musik bilong ol Bogenvil.

Nau ol manki yet i luksave olsem bikpela hevi ol i mas karim em laik bilong ol manmeri long musik bilong ol.

Planti manmeri nau i save laikim ol long go pilai long ol liklik bung bilong ol insait yet long Mosbi siti na i go aut tu long ol arapela hap olsem Lae.

Tasol ol i no wari long dispela. Olgeta yet i tok olsem ol i save amamas tasol long pilai musik, na maski wanem kain hevi i painim ol, ol bai pilai musik na amamasim ol manmeri yet.

Nau taim nem bilong ol i wok long kamap bikpela moa yet, ol i laik tok tenkyu long CHM na Cyclone Studios long helpim bilong ol long luksave long driman bilong ol.

Wanpela hap fuktok tasol ol i laik givim long husat yangpela musik manmeri i laik mekim nem bilong ol. "Yu mas gat bilip long yu yet, yu mas inap kamapim kain kain nupela stail bilong musik.



• Ol boi nogut bilong Niu Age ben i laik yusim musik bilong ol long salensim PNG musik.

MUWI OL MUWI PIKSA NEKS WIK

Sande Nait Muvi - The Fan

SAPOS yu save laik lukim piksa bilong dispela pilai Besbal long tok Inglis ol i save kolim Baseball, yu mas lukim dispela muvi.

Taim wanpela biknem besbal pilaia i go pilai long wanpela nupela tim, wanpela bikpela sapota bilong dispela nupela tim i indai kirap nating long en. Tasol dispela sapota tu em i wanpela man nogut.

Wesley Snipes, boi nogut i save stap long ol eksen piksa, nau i ekt olsem dispela biknem besbal pilaia.



Trinde Nait Muvi - Winning London

WANPELA gutpela piksa bilong famili. Dispela muvi em long dispela tupela stail meri twins ya. Tupela bai winim wanpela resis long go na modelim ol klos long London long Inglan. Tasol ol i go raun lukim ples, na ol bai painim ol yangpela mianki bilong Inglan tu. Dispela tupela susa ya i save mekim ol kain kain pani muvi.



Makoma bihainim musik bilong ol i kam long PNG



MUSIK indastri insait long Papua Niugini, nau stap rere long wetim biknem Gospel musik grup bilong Afrika, Makoma taim ol i kam long PNG long mekim 8-pela de tua o musik raun long PNG long mun Novemba long dispela via.

Nau ol lain husat i go pas long lukautim dispela raun bilong Makoma, Total Event Company i toksave long moa samting long dispela Twisties Makoma PNG Tour 2004. Ol i tok Makoma bai kamap long Pot Mosbi long namba tu wik bilong Novemba.

Na husat bai lus tingting long pati bilong bebi bilong Makoma famili, na lit singa bilong ol Nathalie, 22 krismas tasol husat i bin pundaun long Pot Mosbi long namba 9 de bilong dispela mun we planti yangpela i bin stap wetim em long Jackson Intanesenel ples balus.

Dispela kum katim 'bilak meri' i gat wangepa naispela na switpela nek tru, na dispela nek i pairap long olgeta radio stesen, olgeta haus na ol nait klab o pati ples insait long PNG. Em yet i kirap nogut long bikipela welkam em i kisim long ol yangpela bilong Pot Mosbi na Lae na strong bilong musik bilong ol hia long PNG.

"Mi bin kirap nogut long bikipela welkam long ples balus, tasol mi amamas long pasin bilong poroman bilong ol pipel bilong Papua Niugini," Nathalie i tok bihainim long em i kamap long Pot Mosbi. "Mi ting olsem mi bai kalap long ka na go stret long hotel tasol ya."

Rakatani, wangepa long handred samting pikinini husat i bin wetim Nathalie long Jackson Intanesenel ples balus i tok "Man, em longpela smatpela meri tru, olsem na musik bilong Makoma i swit moa moa yet".

Rakatani em wangepa long sampela pikinini long ples balus husat i bin ronawe long skul long dispela de long tok welkam long lukim meri ol i save laikim tru i kamap long balus.

Nathalie Makoma i bin kam yia aninit long askim bilong bikipela spona bilong raun bilong ol, Goodman Fielder International aninit long Twisties nem bilong ol, na helpim i kam long Nesenel AIDS Kaunsol aninit long National HIV/AIDS Support Project, long sekim ol ples we Makoma bai pilat long Pot Mosbi na long Lae.

Nathalie i bin kam wantaim Menesa bilong Makoma, Jorge DaSilva long lukluk raun long kantri, bungim na toktok wantaim ol fens o sapota na ol arapela manmeri long HIV/AIDS

na Twisties Makoma PNG Tour 2004.

Long wangepa liklik bung lon Crowne Plaza hotel, Nathalie i tokim moa long 80 bisnis manmeri na nius ripota olsem em i kisim luk-save olsem lit singa bilong grup long hat wok na bilip bilong em yet.

"Ol brata susa bilong mi i bin stat singsing long wangepa kwaia bilong sios taim mi bin liklik yet na mi save hait na go sanap wantaim ol long singsing, tasol ol i save rausim mi bilong wanem ol i tok mi liklik tumas na mi no inap long singsing," Nathalie i tok.

"Tasol mama bilong mi i save sapotim mi. Em i save tok olgeta taim, Nathalie, bebi bilong mi, noken givap, maski yu las, bai yu kamap fes, na yu, bai go pas. Na, yu save, mi bilip long toktok bilong em, na nau mi liklik moa long ol arapela long famili, tasol mi lit singa bilong ol. Em gutpela tru ya, yu ting wanem?"

Olgeta manmeri i stap harim toktok bilong em i lap indai tru.

Mi bin raitim stori long mun Disemba long las yia bihain long raun bilong Makoma long Solomon Ailan, olsem sans bilong Makoma long kam long PNG i no bin gutpela tumas bihain long ol promota bilong ol long Honiara i no bin lukautim ol gut, ol i bin raun gut tru long Vanuatu na pitaim tupela konsel long Fiji.

Dispela nau i bin kamap olsem wangepa salens bilong Mary Elisha, Menesa bilong Total Event Company long traim long mun Februari long dispela yia long traim kisim Makoma i kam long PNG.

"JK, nau i luk olsem hatwok bilong mi long kisim Sharzy i kam long Mosbi long Niu Yia i nogat nau, mi bai wok hat long traim stretim rot bilong Makoma i kam long PNG. Na mi mekim tok promis olsem mi bai kisim ol i kam," Mary Elisha i tok.

Long dispela taim, em i bin traim long kisim supasta bilong Honiara, Sharzy i kam long PNG long namba 7 bondei, tasol dispela i no kamap.

Mary na ol wok manmeri bilong em i bin paitim toktok long sampela mun inap Goodman Fielder International na National AIDS Council i bin tok olsem ol bai helpim.

Dispela tupela lain i luksave long winmani ol bai kisim, na sans bilong ol long givim ol pipel bilong PNG long dispela sans bilong lukim wangepa biknem gospel grup olsem Makoma i pilai laip. Ol i bin laik givim sans long ol pipel long wangepa prais we planti manmeri inap long



• JK wantaim Natalie Makoma long raun bilong em long dispela mun.

baim. Olsem GFI Sels na Making Menesa, John Wood i tok long wangepa nius media kibung long Pot Mosbi, "Musik i save stap long olgeta rot bilong Twisties we i save promotim em yet wantaim ol yangpela bilong PNG, na strong bilong Makoma long ol famili, naispela musik na stail bilong ol i helpim long strongim Twisties olsem wangepa kain kaikai bilong taim bilong amamas."

Ilisapeci Movono bilong NACS na National HIV/AIDS Support Project bilong ol i tok, "Mipela i laik wok wantaim Makoma long strongim toksave long daunim sik HIV/AIDS namel long ol yangpela. "Dispela em i wangepa grup bilong ol yangpela, ples bilong ol Afrika i lukim pinis hevi bilong sik AIDS na mipela laikim ol long toksave long ol pipel bilong PNG long ol dispela hevi."

GFI Twisties na National HIV/AIDS Support Project bilong NAC i givim bikipela mani bilong wanem ol i luksave long laik bilong pipel long kantri na em i gutpela pasin ol i mekim.

I gat ol manmeri insait long komyuniti husat i mekim ol rabis toktok long Makoma i pilai insait long ol nait klab taim ol i kam raun long Novemba. Tasol olgeta dispela paol toktok mipela i askim pinis Nathalie long raun bilong em, na em i bekim pinis long wangepa gutpela bekim.

"Mi amamas olsem olgeta manmeri inap harim musik bilong Makoma. Makoma musik em intanesenel musik. Em i karim toktok mipela laikim olgeta manmeri long wol long harim, na ol lain husat i mas putim lau na harim em planti long ol em ol lain husat i save go long ol nait klab," Nathalie i tok.

"Jisas yet i bin go raun long ol ples bilong dring long tokaut long gut nius, na sapos em inap mekim, em nau, Makoma inap mekim wankain." Em i tokim nius ripota Lee Matrixs Suve bilong Nau FM.

Taim mi askim em long kain klos ol memba bilong Makoma i save werim we sampela lain i no save wanbel long en, Nathalie i tok olsem planti yangpela manmeri bilong tude i save

werim ol wankain klos na i gat ol ring long nus na ai na lau bilong ol tasol i no senisim bilip bilong ol long God.

"Maski yu werim ol kain kain klos, sapos yu bilip long God, em i bikipela samting. Sapos i gat wangepa grup husat i laik autim tok bilong God, dispela grup em Makoma," Em i tok.

Mi gat bilip long toktok bilong Nathalie, bilong wanem, mi bilip olsem sapos ol nait klab i save kamapim pasin pamuk na paol pasin, em musik bilong Makoma bai inap helpim ol dispela lain.

Lewa bilong mi i hevi long mipela yet insait long PNG i save bagarapim planti gutpela amtin i wok long kamap long lukautim MIPELA YET, tasol mipela yet i no save helpim long strongim ol dispela gutpela samting.

Mipela i save laik mekim ol rabis toktok long bagarapim nating arapela. Long dispela taim we kantri i wok long lukim wan wan gutpela samting i wok long kamap, bai ol manmeri inap long strongim dispela wok wantaim bilip bilong ol, tasol mi larim wan wan manmeri wantaim tingting bilong em yet.

Long ol lain husat i no bilip yet olsem Makoma i noken pilai insait long ol nait klab, mi yet, wantaim ol spona GFIs Twisties, NAC na National HIV/AIDS Support Project na Total Event Company i laik

tokim yu long go wantaim olgeta arapela manmeri husat i save laikim musik long go long ol konsel bilong Makoma long Novemba long Pot Mosbi na Lae. I no bilong lukim Makoma na kisim blesing long toktok bilong ol musik bilong ol, tasol long lukim ol gutpela samting ol i laik mekim bilong kantri bilong yumi long daunim dispela sik nogut, HIV/AIDS. Ol i kam long helpim mipela.

Nathalie Makoma i givim liklik musik long soim stail Makoma bai karim kam long Novemba. Em i amamasim planti skul sumatin taim em i go raun long St Peter long Erima, Yalu Komyuniti Skul na Salvation Army Early Learning Senta long Lae.

Tasol wangepa samting nau em i klia. Dispela ben Makoma, bai kam long PNG long autim tok bilong God long musik bilong ol i go long ol man, meri na pikinini.

Makoma Ben em ol wan famili yet. Martin (30) i save rap na singsing hip hop, Pengaine (28) i save laik senisim kala bilong gras bilong em klostu klostu, Annie (27) husat i save danis, Duma (30) husat i save pilai kibod na danis tu na Tutala Makoma husat i save pilai dram. Patrick Badine i save rap tu na Nathalie yet olsem lit singa.

Makoma bai kam wantaim 6-memba ben bilong ol yet. Ol bai lusim Amsterdam, Holland we ol i stap nau na rekodim musik bilong ol i stap na kam olgeta long PNG.

Glasim Musik wantaim JK bai traim na givim yu stori bilong wan wan memba bilong Makoma pastaim long ol i kam kamap long Mosbi long namba tu wik bilong mun Novemba, 2004.

***Yu ken ridim stori blong ol musik man/meri olgeta wik insait long POST COURIER tasol olgeta wik long Whats On with Raitman.**

NATIONAL WEEKLY HIT PARADE

Sarere Septemba 25, 2004

Singsing	Twisties i spona	Musik Alis	Las Wik	Dispela Wik
Jombie KunexNew	Painim Wok	1	1	(3)
Last In Line	Edwin Balle	9	2	
Ranawai i Kam	Slim Buda	13	3	
Sigi Mangi	Grumo Masalai	6	4	
20 Ioea	West Kadah	5	5	
Sharon	Uralom ft Rokas	3	6	
Modern Wali	Luke Banag	2	7	
Naika	Hausboi	4	8	
Kiri	Hausboi	8	9	
Maunten Lewa Mori	Julius Maob	10	10 (3)	
Zero Balance	Julius Maob	11	11	
Kisim Bus	Luke Banag	7	12	
Nellien	Uralom ft Moses	12	13	
Oaon Anda	West Kadah	14	14	
Can I Be The One	O-shen	15	15	
Tobes	Westail ft Potts	16	16	
704 (aloklok NCR)	Jnr Insects	17	17	
Lewa	Phi Jay	18	18	
Luv Bail	K-Mala	0	19	
Hard Life	X-Anats	0	20	
In	Luv Bail	K-Mala		
Hard Life	X-Anats			
Out	Promis	Phi Jay		
Tasi	Niu Age			

EMTV GAID

Fonde
23/09/04

5.30	JOYCE MEYER MINISTRY
6.00	TODAY SHOW
9.00	CREFFLO DOLLAR
9.30	DR PHIL
10.20	PNG MARATHON
1.30	SP SPORT AWARD
3.00	2004 GAME FISHING
4.00	HOT SOURCE
4.30	Y
4.57	EMTV TOKSAVE
5.00	THE PRICE IS RIGHT
	\$100,000 SUPER SHOWCASE
6.00	NATIONAL EMTV NEWS
6.30	A CURRENT AFFAIR
6.57	TOK PISIN NEWS UPDATE
6.59	LOTTO DRAW
7.00	CHM SUPERSOUND
7.57	EMTV TOKSAVE
8.00	SPORT SCENE
9.30	THE FOOTY SHOW
11.00	AFL FOOTY SHOW
1.00	EMTV NEWS REPLAY
1.30	NIGHTLINE
2.00	STATION CLOSE
5.29	STATION OPEN

Mande
27/09/04

5.59	STATION OPEN
5.30	JOYCE MEYER MINISTRY
6.00	TODAY SHOW
9.00	CREFFLO DOLLAR
9.30	DR PHIL
10.00	WORLD OF WILDLIFE
10.20	GRADE 7 SCIENCE
11.10	GRADE 7 SOCIAL SCIENCE
12.00	GRADE 11 MATHS
12.50	GRADE 11 PHYSICS
1.30	GRADE 11 GEOGRAPHY
2.30	THE WIGGLES
3.00	BANANAS IN PYJAMAS
3.30	COURAGE THE COWARDLY DOG
4.00	HOT SOURCE
4.30	Y
5.00	THE PRICE IS RIGHT
	\$500,000 SUPER SHOWCASE
6.00	NATIONAL EMTV NEWS
6.30	A CURRENT AFFAIR
6.58	TOK PISIN NEWS UPDATE
6.59	LOTTO DRAW
7.00	PRASE
8.00	INSAT PNG
8.30	Who wants to be a millionaire
9.30	CSI - CRIME SCENE
10.30	CHM SUPER SOUND
11.30	NEWS REPLAY
12.00	NIGHTLINE
12.30	CLOSE
5.29	STATION OPEN

Fraide
24/09/04

5.30	JOYCE MEYER MINISTRY
6.00	TODAY SHOW
9.00	CREFFLO DOLLAR
9.30	DR PHIL
10.30	FRIDAY'S PRIME TIME LINE UP
2.30	THE WIGGLES
3.00	BANANAS IN PYJAMAS
3.30	JUSTICE LEAGUE
4.00	HOT SOURCE
4.30	Y
4.57	EMTV TOKSAVE
5.00	THE PRICE IS RIGHT
	\$100,000 SUPER SHOWCASE
6.00	NATIONAL EMTV NEWS
6.30	A CURRENT AFFAIR
6.58	NEWS UPDATE
6.59	LOTTO DRAW
7.00	TOK PIKSA
7.30	BURKE'S BACKYARD
8.30	FRIDAY NIGHT MOVIE
	RUNAWAY DAUGHTERS
10.30	EMTV NEWS REPLAY
11.00	JAG
12.00	NIGHTLINE
00.30	STATION CLOSE

Tunde
28/09/04

5.30	JOYCE MEYER MINISTRY
6.00	TODAY SHOW
9.00	CREFFLO DOLLAR
9.30	DR PHIL
10.20	GRADE 7 SCIENCE
11.10	GRADE 7 SOCIAL SCIENCE
12.00	GRADE 11 MATHS
12.50	GRADE 11 PHYSICS
1.30	GRADE 11 GEOGRAPHY
2.30	THE WIGGLES
3.00	BANANAS IN PYJAMAS
3.30	COURAGE THE COWARDLY DOG
4.00	HOT SOURCE
4.30	Y
4.57	EMTV TOKSAVE
5.00	THE PRICE IS RIGHT
	\$500,000 SUPER SHOWCASE
6.00	NATIONAL EMTV NEWS
6.30	A CURRENT AFFAIR
6.57	TOK PISIN NEWS UPDATE
6.59	LOTTO DRAW
7.00	HAUS & HOME
8.00	BACKYARD BLITZ
8.27	EMTV TOKSAVE
8.30	SOUL CITY
9.30	STINGERS
10.30	ER
11.30	EMTV NEWS REPLAY
12.00	NIGHTLINE
12.30	CLOSE

8.00	PLANET FANTA
10.00	SO FRESH
11.30	ARRIVE ALIVE CUP
12.30	PROCAR
1.30	CAR SHOW
2.00	AFL PRELIMINARY FINAL
5.30	FISHING AUSTRALIA
6.00	NATIONAL EMTV NEWS
6.30	AUSTRALIA FUNNIEST VIDEO
7.30	RUGBY LEAGUE SEMI FINAL
10.30	ZENA
11.00	HECULES
00.30AM	NEWS REPLAY
1.00AM	CLOSE

Sande
26/08/04

8.00	BUSINESS SUNDAY
9.00	SUNDAY
11.00	AMERICAN CINEMA
12.00	A DAY IN A LIFE OF INDIA
1.30	CHOPPER
1.30	ESCAPE WITH ET
2.00	BOOTS N ALL
2.30	SUNDAY FOOTY SHOW
3.30	RUGBY LEAGUE #2 SEMI FINAL
6.00	EMTV NEWS
6.30	DISCOVERED
7.30	60 MINUTE
8.30	MOVIE: THE FAN
10.30	EMTV NEWS REPLAY
11.00	PRASE
1.00AM	STATION CLOSE

6.29	STATION OPEN
5.30	JOYCE MEYER MINISTRY
6.00	TODAY SHOW
9.00	CREFFLO DOLLAR
9.30	DR PHIL
10.20	GRADE 7 SCIENCE
11.10	GRADE 7 SOCIAL SCIENCE
12.00	GRADE 11 MATHS
12.50	GRADE 11 PHYSICS
1.30	GRADE 11 GEOGRAPHY
2.30	THE WIGGLES
3.00	BANANAS IN PYJAMAS
3.30	ED EDD N EDDY
4.00	HOT SOURCE
4.30	Y
4.57	EMTV TOKSAVE
5.00	THE PRICE IS RIGHT
	\$500,000 SUPER SHOWCASE
6.00	NATIONAL EMTV NEWS
6.30	A CURRENT AFFAIR
6.58	TOK PISIN NEWS UPDATE
6.59	LOTTO DRAW
7.00	ANIMAL HOSPITAL
7.30	MCLEOD'S DAUGHTERS
8.27	EMTV TOKSAVE
8.30	WEDNESDAY NIGHT MOVIE: WINNING LONDON
10.30	SOUTH PACIFIC MUSIC
11.30	EMTV NEWS REPLAY
12.00	NIGHTLINE
12.30	STATION CLOSE

Redi long
17^{sa}



PENPREN

Tupela lain bilong kantri Sri Lanka i gat bikpela laik long wokim penpren wantaim ol manmeri bilong PNG. Ol bai amamas tru sapos ol i kisim bekim. Nem na etres bilong ol em hia.

Nem: Mallika Karunatileke
Adres: C/O INTRACO
International Trading Co Ltd
758 Baseline Road
Colombo 9
Sri Lanka.

Nem: Ruwini Abeysinghe
Adres: 41 Siri Dhamma Mawata
Colombo 10
Sri Lanka.

Nem: Leslie Solomon
Krismas: 20
Adres: Yauna Comm/School, PO Box 443,
Kainantu, Eastern Highlands Province.
Save laikim: Pilai basketbol, volibol, mekim
gut long ol pren na wantok.

Nem: Romney Dumare
Krismas: 22 (man)
Adres: C/- Josephine Kwarara, National
Forest Service, PO Box 5055, Boroko, NCD.
Save laikim: Ritim buk (educational &
Baibel), lukim TV, raun wantaim ol gutpela
pren, pilai softbol, basketbol na soka. Mi
save laikim tru ol animol na plents.

Nem: Dianna Baga
Krismas: 16 (meri)
Adres: Mercy Secondary School, PO Box
580, Wewak, East Sepik Province.
Save laikim: Go long lotu, harim musik, tok
pilai, bungim nupela pren, lukim TV, raitim
pas long ol pren, kuk na wasim klos.

Nem: Jennifer Baran
Krismas: 16 (meri)
Adres: Mercy Secondary School, PO Box
580, Wewak, East Sepik Province.
Save laikim: Ritim buk, tok pilai, bungim
nupela pren, kuk, pilai basketbol, harim
musik na lukim TV.

Nem: Caroline Manba
Krismas: 17 (meri)
Adres: Mercy Secondary School, PO Box
580, Wewak, East Sepik Province.
Save laikim: Harim musik, pilai ol gems tok
pilai.

Nem: Joyce Usouri
Krismas: 18 (meri)
Adres: Mercy Secondary School, PO Box
580, Wewak, East Sepik Province.
Save laikim: Harim musik, pilai ol gems na
mekim fren wantaim narapela lain.

Nem: Mathew N. Anex
Krismas: 17 (man)
Adres: Immanuel Lutheran School, PO Box
80, Lae, Morobe Province.
Save laikim: Pilai gita na singim lotu singsing,
go long lotu long olgeta Sande na lukim
TV.

Nem: Sam Kilau
Krismas: 18 (man)
Adres: Immanuel Lutheran School, PO Box
80, Lae, Morobe Province.
Save laikim: Pilai ol gems, lukim TV na
singim ol lotu singsing.

Tupela wail meri lainim pasin bilong ples



STORI TUMBUNA

BIPO bipo tru long taim
bilong ol tumbuna
tupela manmeri i stap
insait long bikbus we ol man i
no save go raun long en.

Tupela wail manmeri ya i no
save traim olgeta kaikai long
ples na ol stua tu. Na tupela i
no save yusim paia long kukim
kaikai bilong tupela. Kaikai
bilong tupela em ol prut na ol
bus kumu.

Klos bilong tupela em nara-
pela kain spesel klos na em i
no inap long bruk. Na tupela i
nogat pikinini tu. Dispela long
wanem tupela i no bin kisim
skin long pasin bilong marit.
Wanpela taim meri i go pikim ol
prut bilong tupela tasol popaia
na em i kisim wanpela prut we i
gat pait nogut. Tupela kaikai na
long sem taim tupela longlong
na ranim ol enimel na olgeta
enimel i ronawe nambaut na
kilim wanpela bilong ol dispela
enimel.

Dispela enimel em king
bilong ol arapela enimel long
bus. Blut bilong dispela enimel i
ran olsem wanpela long wara
na i go daun long olgeta ples.
Ol man na meri i dringim na
pilim swit long en.

Wanpela man em bihainim
dispela wara i kam lukim bodi
bilong dispela enimel i dai na tu
em i lukim tupela manmeri i

spak na longlong i stap.

Em i kisim hap skin bilong
dispela enimel na mekim sam-
pela poisen na tupela kamap
orait. Em nau em i kisim tupela
i kamaut long bus na go long
ples.

Em i lainim tupela long olge-
ta pasin bilong ples olsem
wokim haus, gaden, kamapim
pikinini na ol arapela pasin tu.

Tasol dispela ples nau tupela i
stap long en em i gat planti hat-
wok tasol bus ples em i nogat
hat wok.

Na tupela i tingim i go bek na
stori tu long ol arapela.

AVEX BEGA
GOROKA
ISTEN HAILANS PROVINS

*Sapos yupela i save long
sompela stori bilong tum-
buna na i laik serim wantaim
ol arapela Wantok rida, salim
i kam long mipela na bai
mipela i putim long pepa.
Salim i kam long dispela
etres:*

*Stori Tumbuna, Wantok
Niuspepa, P O Box 1982,
Boroko, PNG.*



Mi gat wari na mi laikim helpim

Dia Laipplain,

*Mi wanpela singel meri na mi no ama-
mas long stap bilong mi long dispela taim.*

*Mi save kisim planti askim long go aut,
tasol mi save tok nogat long ol.*

*Mi kisim askim i go yet tasol mi no gat
laik long go aut o bikhet nabaut.*

*Tasol wanpela taim, mi no bin save na
wanpela man bin kam insait long haus
bilong mi na i mekim mi pret.*

*Em bin tudak na mi no bin luksave long
en tasol mi bin holim em long han na mi
singaut long helpim na mi pusim em na
pait long em i lusim mi. Mi wokim olsem
na em bin katim han bilong mi na lusim
mi.*

*Mi no pilim seif na mi krai planti long
dispela kain pasin i kamap long mi. Mi tok-
tok wantaim wanpela bikpela lain na ol i
givim tokstia long mi olsem mi mas marit.
Tasol mi no laikim dispela tingting.*

*Bai mi wokim wanem samting long
lusim o daunim dispela hevi?*

BITTER

Dia Pren,

*Mipela i sori long harim kain samting
olsem i kamap long yu.*

Em i no gutpela samting. I gat ol lain



husat bai wokim dispela kain samting long
narapela na olsem, yumi i mas was gut
long lukautim yumi yet.

Planti lain i save pret na ol i no amamas
olsem yu tasol. Ol i laikim ol samting,
wankain olsem yu. Yumi ol man na yumi
gat ol wankain laik, tingting na we long
wokim samting.

Long pas, yu no bin tok sapos yu wok o
nogat. Yu no stap long ples? i gutpela
long save olsem i gat sampela o wanpela
man o meri we yu ken toktok gut wantaim.

Em i gutpela tu long glasim gut tokstia
bilong bikmeri tasol sampela taim, tokstia
i ken gutpela long helpim yu na tu, long
narapela taim, em bai nogat. I no olgeta
taim pasin bilong marit i stretim ol hevi.
Tasol em i save opim rot long ol nupela
sans long toktok.

Sapos yu no save long ol manmeri i
stap klostu long yu, bai yu no inap long
pilim gut. Taim yu no save long ol ara-
pela lain i stap klostu long yu, wok wan-
taim yu o kain olsem, bai yu stap ausait

long banis. Ol i kolim dispela long "vicious
cycle".

I moabeta yu toktok na save long ol ara-
pela manmeri. Tasol dispela i no min
olsem bai yu tok yesa long askim bilong ol
long go aut wantaim yu.

Taim yu save gut long ol narapela man-
meri, bai yu klia gut husat i gutpela na yu
ken wokim disisen bilong yu long husat
bai yu go aut wantaim.

Na husat i askim yu long go aut bikos ol
i laik kamap gutpela poroman wantaim yu.
Sapos yu save gut long ol arapela na
wanpela bilong ol i askim yu long go aut,
bai yu klia gut na neks taim em i askim yu,
yu ken glasim em gut na tok yesa o nogat.

Laipplain

LAIPPLAIN TOKSAVE

Sapos yu gat hevi o wari, rait i kam
long Lifeline. P O Box 6047, Boroko,
NCD. Yu ken ringim mipela tu long
telipon namba 3260011. Mipela i no
inap long autim trupela nem bilong yu
long hia tasol taim yu rait long Lifeline,
yu mas putim trupela nem na etres
bilong yu na bai mipela i salim bekim
long pas bilong yu.



• Ol yangpela sumating mekim Manus dens



• Ol studen werim PNG kala.



• Ol Sentral pikinini amamasim Independens de.



Hon. William Duma, LLB, LLM, MP
 Memba bilong Mt. Hagen Open
 Electorate
 Minista bilong Environment na
 Conservation

**MINISTRY OF
 ENVIRONMENT & CONSERVATION**

**29th INDEPENDENS ENIVERSARI
 TOKTOK-2004
 Long ol pipel bilong Mt. Hagen na
 Papua Niugini**

Mi laik tok hamamas na hepi independens dei i go long ol pipel bilong Mt. Hagen long dispela 29th Independens Eniveseri bilong kantri bilong yumi, Papua Niugini.

Yumi mas tok tenkyu long olgeta lida bilong bipo husat i bin wok bung wantaim Sief na Prait Minista bilong yumi, Sir Michael Thomas Somare, long kisim independens long Australia long dispela dei, Septemba 16, long yia 1975.

Insait long Mt. Hagen siti, planti man na meri bilong narapela hap long kantri na wol i wok i stap long kirapim siti na ilektoret. Mi laik tok tenkyu long ol wokman na meri na ol bisnis komyuniti long kontribusen bilong yupela.

Long dispela impoten dei mi laik toksave long ol developmen plen mi wantaim distrik baset praoriti komiti i kamapim long kirapim ilektoret. Mipela i gat plen long stretim ol han rot, givim pawa na wara na bildim ol klasrum bilong skul.

Dispela kain developmen bai givim gutpela sevis i go long ol pipel. Mi wantaim ol komiti bilong mi i gat strongpela bilip olsem ol pipel i mas kisim gutpela sevis long stretim sindaun bilong ol. Dispela inap helpim ol liklik pipel long kirapim liklik

bisnis bilong stretim sampela hevi olsem skul fi na haus sik fi.

Mi laik askim ol pipel bilong ilektoret long wok bung wantaim long strongim kantri bilong yumi na givim gutpela sindaun long ol pikinini bilong yumi long bihain taim.

Ol yut tu i mas tanim bel na stopim ol raskol pasin long kamapim gutpela sindaun na mekim lo na od i kamap gut long sevim yumi olgeta. Dispela em wanpela rot bilong pulim ol investmen na bisnis i kam insait long kirapim emploimen o wok bai olgeta man na meri i ken i painim wok.

Gavman bilong Rait. Hon. Sir Michael Somare i gat strongpela bilip long sapotim rurel developmen long strongim ekonomi bilong kantri. Mi sapotim dispela polisi bikos em i gutpela long helpim ol pipel.

Hepi 29th Independens Eniveseri i go long ol pipel bilong Mt. Hagen na Papua Niugini.

HON. WILLIAM DUMA, LLB, LLM, MP
 MINISTA



• Hiri Moale tu i soim kala bilong festival long las wiken.

Sinia opisal kibung kamap long Malaysia

...Kalinoe i go pas long grup bilong PNG

OL SINIA opisal bilong Papua Niugini na Malaysia i bin bung long Malaysia las wik long namba wan PNG-Malaysia Sinia Opisal Kibung.

Sief Seketeri, Joshua Kalinoe, i bin go pas long grup bilong PNG long Malaysia long dispela bung nampel long ol sinia opisal bilong tupela kantri.

Mista Kalinoe i tok dispela kibung i long sukurim ol toktok na tingting we Praim Minista Sir Michael Somare na Praim Minista bilong Malaysia, Dokta Mahatir Mohammed, i bin paitim tok long en taim em (Dokta Mohammed) i bin mekim opisal raun

bilong em long PNG long Oktoba 2003.

"Long dispela kibung mipela bin pinisim tok long Joint Ministeriel Komisin na ol arapela toktok we tupela kantri i laik toktok long en, bai dispela kibung karim gupela kaikai," Mista Kalinoe i tok.

Long dispela kibung we i bin kisim tupela de, ol sinia opisal i bin paitim tok long planti ol toktok na tingting we tupela kantri i laik paitim tok long en olsem, kamapim bilong wanpela Joint Ministeriel Komisin, trening bilong ol wok manmeri, treid na investmen, ol wel na ges projek, infomesen komunike-sen teknoloji, agrikalsa, infrastraksa, haus-

ing, developmen fainens, defens, fiseris, ea sevis wanbel, turisim, forestri, edukesen na ol narapela tingting na toktok bilong rijon.

Mista Kalinoe i tok olsem dispela grup bilong PNG we i go long dispela kibung bai kisim helpim bilong Gavman bilong Malaysia long sait bilong save bilong ol long developmen long helpim long kamapim gut moa ol developmen long ol dispela hap long PNG.

Ol sinia opisal husat i bin go wantaim Mista Kalinoe long dispela kibung em, Seketeri bilong Foren Afeas, Gabriel Pepson, na ol sinia opisal long ol dipatmen

bilong Praim Minista na Nesenel Eksekutiv Kaunsil (NEC), Treid na Industri, Difens, Foren Afeas, Agrikalsa na Laipstok na Fainens na Treseri.

Ol dispela kain kibung na wok i wok long strongim ol as tingting bilong gavman taim em i bin kisim pawa olsem long strongim ikonomi na long lukluk moa long wok ol industri olsem agrikalsa long kamapim dispela senis.

PNG i wok long lukim sampela ol gupela senis we i wok long kamap long ikonomi bilong en tasol longpela rot i stap yet we gavman na ol pipel i mas wokabout long en.

Hap Hap Nius

Akoitai tok orait long ol nupela maining lis

MINISTA bilong Maining, Sam Akoitai, long tupela wik i go pinis, i sainim 16 nupela Alluvial Maining Lis long ol alluvial gol hap klostu long Mt Kare.

Mista Akoitai i givim tok orait gen tu i go long Mt Kare Exploresen Laisens we Madison Enterprise long Canda i holim.

Mista Akoitai i bin tok orait gen tu long Exploresen Laisens bilong Lihir Main, tasol i tok olsem sampela ol papagraun long dispela hap we em i tok orait gen long laisens long en, i no laikim developmen long kamap long hap bilong ol.

Em i tok em bai askim Dipatmen bilong Maining long toktok wantaim kampani long dispela hevi.

BSP kamapim sevis long Niue

BIKPELA beng bilong Papua Niugini, Beng Saut Pasifik (BSP) i kamapim sevis bilong en long liklik Pasifik ailan bilong Niue.

Beng bai bosim wok bilong givim ol benging sevis long ol pipel bilong Niue bihain long neks mun.

Siaman bilong BSP, Noreo Beangke, i tok BSP na Gavman bilong Niue i bai wok hat long lukim ol gupela benging sevis long go het na helpim komyniti bilong Niue.

Roots Rais i orait

TRUKAI Industris i wok long kisim rais long Mediterranean na Is Esia long ol konsuma ol lain husat i save kaikai rais bilong en long Papua Niugini.

Long sampela taim i go pinis Trukai na Roost Rais i bin kisim ol rais long ol arapela kantri, i no kantri we em i save kisim rais long en, Australia, bikos bikpela taim drai i kamap long hap na rais i no kamap gut.

Narapela kantri we PNG i save kisim rais long en, Saina, i pasim dua bilong en long salim rais i go long ol narapela kantri bikos em i painim hat long bungim ol nid bilong ol yet long kantri.

Tasol Trukai i tok olsem ol bai i go bek long Roots Rais stret long pinis bilong dispela mun.

Maketing Menesa bilong Trukai Industri, Brett Schofield, i tok olsem ol i laikim ol konsuma i mas bilip long rais bilong ol yet.

Britis exploresen na maining kampani kisim exploresen laisens

WANPELA Britis exploresen na maining kampani, Triple Plate Junction, i kisim pinis wanpela eksploresen laisens long painim ol hap we ol minerel i stap long Papua Niugini.

Minista bilong Maining, Sam Akoitai, i tok olsem dispela kampani i bin soim laikim bilong en long karimaut ol eksploresen wok long kantri bihain long wanpela so we Mista Akoitai na ol sinia eksekutiv bilong ol kampani insait long maining industri bilong kantri, i bin holim long Toronto.

Kampani i bin kisim tripela eksploresen laisens.



Bank of Papua New Guinea

21 September 2004

PRESS STATEMENT BY THE GOVERNOR OF THE BANK OF PNG, MR. L. WILSON KAMIT, CBE, ON THE RELEASE OF THE JUNE 2004 QUARTERLY ECONOMIC BULLETIN

Mr. L. Wilson Kamit, CBE, Governor of the Bank of Papua New Guinea (Bank of PNG), today released the June 2004 Quarterly Economic Bulletin. As part of the release of the Bulletin, the Governor also discussed recent financial and economic developments, and the stance of monetary policy.

UPDATE ON MAJOR FINANCIAL AND ECONOMIC DEVELOPMENTS SINCE JUNE 2004

The headline inflation rate as released by the National Statistical Office (NSO) was zero for the June quarter of 2004, while the annual headline inflation rate was 1.9 percent. As a result of the decline in inflation, the Bank of PNG expects the annual headline inflation rate for 2004 to be lower than its earlier projection of 7.4 percent, reported in the July 2004 Monetary Policy Statement (MPS). This expectation is based on the continued stability in macroeconomic conditions, in particular the exchange rate. However, the major risk to lower inflation in future remains the high international prices of crude oil.

The exchange rate appreciated from US\$0.3080 at the end of March 2004 to US\$0.3120 in September 2004. The appreciation of the kina was mainly attributed to the continued inflows of foreign exchange from the mineral and agricultural export sectors. The increase in export volumes by the non-mineral sector is an encouraging sign that exporters have been responding positively to the improvements in commodity prices. The appreciation of the kina was also supported by lower demand for imports, reflecting the benefits of switching from imports to consumption of domestically produced goods.

In order to stabilise the sharp movements in the exchange rate and to maintain orderly market conditions, the Bank actively intervened on both sides of the foreign exchange market, with net purchases of US\$30.3 (K98.5) million between January and 17th September 2004. Over the second quarter the kina has gradually appreciated against the US dollar, in part due to a weaker US dollar but mainly as a result of improved export receipts. Compared to the Australian dollar the kina has appreciated to around A\$0.4500 in September.

The Bank of PNG has also increased its gross foreign exchange reserves to a historical level of K1,992 (US\$623) million on 31 August 2004. This places Papua New Guinea in a relatively strong balance of payments position with total and non-mineral import covers of 5.6 and 7.5 months, respectively. The inflows over the last eight months have been encouraging due to the positive response by the private sector in bringing export proceeds on shore on a timely basis. The high level of foreign exchange reserves provides comfort that the economy can withstand the adverse effects of any unexpected shocks arising from domestic and external sources, on the exchange rate and inflation. This should translate to higher benefits to the economy and its people through lower prices for goods and services over time.

The Government has so far demonstrated its ability to remain within the parameters of the 2004 budgetary framework. To July 2004, the Government achieved a budget surplus of K219.6 million, which was used to make a net retirement of K92.6 million in Treasury bills and front load the counterpart funding for development projects. The surplus reflected higher tax receipts and dividends from institutions now performing better as a result of the financial reforms undertaken from 2000 onwards, which were complemented by the improvement in expenditure control measures, combined with the decline in interest cost on domestic debt. With the savings from interest costs, the Government has taken the opportunity to restructure its domestic debt from short to long term, by issuing Inscribed Stocks with maturities of one to two years. The over-whelming demand for these stocks reflect the markets expectation of lower inflation

and interest rates environment, and sets the foundation conducive for increase in private sector activity.

Liquidity conditions eased significantly as a result of purchases of foreign exchange by the Bank of PNG and retirement of Treasury bills by the Government. The high liquidity levels led to faster declines in Treasury bill rates, which caused a divergence between the KFR and the market rates. The reduction in the Kina Facility Rate (KFR) to 9.0 percent in September 2004 was also aimed at correcting this misalignment between the official and market rates.

In response to the declining inflation outcome, the stability in the exchange rate and the decline in domestic interest rates the Bank of PNG lowered the Kina Facility Rate (KFR) by 100 basis points from 10.0 percent in May to 9.0 percent in September 2004. Treasury bill rates for all terms fell from their levels at end of August 2004, to below 5.0 percent in the second week of September. Considering the annual headline inflation rate of 1.9 percent, the returns on Treasury bills are still positive. This should encourage portfolio investors to retain funds onshore and not undertake unnecessary exchange rate risks by investing their funds offshore.

The level of lending by the commercial banks to the private sector continues to decline, despite the high level of liquidity in the banking system and the low interest rate environment. This partly reflected the lack of demand for loans. As part of the Bank of PNG's ongoing consultation with the chief executives of the commercial banks, the Bank encouraged the commercial banks to pass on the benefits of these positive developments to their customers, through reductions in their lending rates. Accordingly, the commercial banks reduced their Indicator Lending Rates (ILRs) to the current range of 12.25-13.00 percent, with further reductions announced to be effective on 01 October 2004. In addition, the Bank of PNG removed the restrictions on Kina lending by licensed financial institutions to Non-Resident companies as part of the review of Foreign Exchange Control Regulations. This change became effective as from the 6th of September 2004, and should facilitate lending to this sector.


Recent media commentaries have suggested that the Bank of PNG's actions to increase the minimum amount of Treasury bills purchased at the auction from K100,000 to K500,000 have adversely affected small investors in the Treasury bill market. However, small investors can still purchase Treasury bills from the fund managers, stockbrokers and other finance houses with amounts of K10,000. Two stockbrokers have publicly advertised for interested investors to purchase bills from them at this minimum level. The change is consistent with the Bank's aim to encourage the secondary market for Government securities, and the promotion of a vibrant financial market and system. By encouraging the public to use financial institutions, rather than the Bank of PNG, it is promoting the growth of the financial market in PNG. Given these circumstances, the Bank of PNG is comfortable to shift retail type operations to the financial system, and retain wholesale operations in finance. It is also therefore, essential that monetary policy matters are not constrained by sectoral interests.

The stable exchange rate, lower inflation and lower interest rate environment has created other investment opportunities for the public other than in Treasury bills. The private sector is encouraged to invest in projects and other assets given the current stable macroeconomic environment. This will contribute to the transformation of this favourable macroeconomic environment to positive economic growth for PNG.

Governor Kamit stressed the importance for the Government to continue to be vigilant in its expenditure controls, and for exporters to take advantage of higher commodity prices and continue to process and export more produce. Improvements in fiscal balance and exports would help to sustain stability in the exchange rate and continue to reduce inflation.



•Snuka semps



•Hockey eksen long wiken wantaim ol man na meri.



•Ragbi eksen long wiken.



•Basketbal eksen long wiken.

PORT MORESBY SOCCER ASSOCIATION WEEKEND DRAWS QUARTER FINALS Saturday 25th September 2004

Bisini One

Time	Division	Fixtures
08:00	Y2	Mungkas vs Jaha
10:00	D3	Nomads vs Maset
12:00	D2	UBOG vs Los Negros
14:00	W1	Naniu vs Sunset

Bisini Two

08:00	Y1	Mirel Momase vs ANZ University
10:00	P/Reserve	Mirel Momase vs Cosmos
12:00	D1	Ela United vs Bavaroko
14:00	WP	Rapatona vs WMI
16:00	Premier	ANZ University vs LBC Defence

Sunday 26th September 2004

Bisini One

08:00	Y2	Orogen vs Sunset
10:00	D3	Tarangau vs Tawala
12:00	D2	Cellnet vs Telikom
14:00	W1	Murat vs LBC Defence

Bisini Two

08:00	Y1	LBC Defence vs Cosmos
10:00	P/Reserve	ANZ University vs PS Rutz
12:00	D1	Sunset vs Guria
14:00	WP	Telikom vs Lamana GFN
16:00	Premier	Cosmos vs Rapatona

Note: Golden Goal applies in all finals, 10 mins each way for other division and 15 mins each way for men & women premier division.

Minor Premiers on Bye.

LAHI SOCCER ASSOCIATION WEEK 23 WEEKEND DRAWS

Saturday 25th September 2004

Venue: TTC Ground 1

Time	Division	Fixture
09:00	U23	Mungkas vs Sobou
10:00	U23	SP Brewery vs Untech
11:00	Premier	Bismark vs Bumayong
12:30	U23	Guria vs Coronatio
13:30	Premier	Amotts vs Guria
15:00	U23	Milne Bay Utd vs TTC Bullet
16:00	Premier	SP Brewery vs Untech

Venue: TTC Ground 2

09:00	U19	Amotts vs Guria
10:00	U19	Eastpac PNG Power vs Bugandi
11:00	Women	Guria vs Bismark
12:00	U19	Guria vs Coronation
13:00	U19	Milne Bay Utd vs TTC Bullet
14:00	U19	SP Brewery vs Untech
15:00	U19	Mungkas vs Sobou

Venue: TTC Ground 3

09:00	Women	Milne Bay Utd vs Bumayong
10:00	Women	Mungkas vs Sobou
11:00	Premier	Mungkas vs Sobou
12:30	Premier	Milne Bay Utd vs TTC Bullet
14:00	Women	Lae Biscuits vs Untech
15:00	Premier	Lae Biscuits vs Eastpac PNG Power
16:30	Women	Amotts vs Eastpac PNG Power

Sunday 26th September 2004

Venue: TTC Ground 1

09:00	U19	Murat vs SP Brewery
10:00	U23	Murat vs SP Brewery
11:00	Women	Murat vs Eastpac PNG Power (W/O)
12:00	Premier	Murat vs SP Brewery
13:30	Premier	Eastpac PNG Power vs Bugandi
15:00	Premier	Guria vs Bismark
16:30	Women	Murat vs SP Brewery

Venue: TTC Ground 2

09:00	U23	Mungkas vs Untech
10:00	U23	Milne Bay Utd vs Coronation
11:00	Women	Lae Biscuit vs Bugandi
12:00	U19	Amotts vs Bumayong
13:00	Women	Milne Bay Utd vs TTC Bullet
14:00	U23	Amotts vs Bumayong

15:00	Women	Milne Bay Utd vs Bismark
16:00	Women	Amotts vs Bumayong

Venue: TTC Ground 3

10:00	U23	Eastpac PNG Power vs Bugandi
11:00	U19	Amotts vs Bugandi
12:00	U23	Lae Biscuits vs Untech
13:00	U23	Murat vs TTC Bullet
14:00	Premier	Amotts vs Bumayong
15:30	Premier	Lae Biscuits vs Untech

LAHI SOCCER ASSOCIATION

2004 PROGRESSIVE TEAM STANDING As of 16th September 2004

Premier Division

Team	P	W	L	D	GP	GA	GD	PTS
Untech 18	15	0	3	70	7	63	48	
Sobou 19	14	2	3	68	15	53	45	
Bismark 21	13	4	4	58	20	38	43	
TTC Bullet 21	12	6	3	44	38	6	39	
Guna 20	11	4	5	56	24	32	38	
SP Brewery 21	10	5	6	35	27	8	35	
Bumayong 19	9	5	5	41	25	16	32	
Bugandi 17	6	7	4	31	31	0	22	
Amotts 21	5	10	6	32	54	-21	21	
E Power 19	5	11	3	23	60	-37	18	
Mungkas 21	5	15	1	37	62	-25	16	
Lae Biscuits 21	3	14	4	26	68	-42	13	
Milne B Uni 19	2	14	3	27	68	-41	9	
Murat 19	1	14	4	12	63	-51	7	

Womens Division

Guria 21	18	1	2	59	4	55	56
Mungkas 21	15	1	5	53	8	45	50
EP Power 21	15	2	4	70	7	63	49
Murat 20	14	6	0	32	24	8	42
TTC Bullet 21	11	5	5	23	15	8	38
SP Brewery 22	9	9	4	28	23	5	31
Bumayong 20	7	7	6	38	30	8	27
Sobou 19	8	6	5	26	17	6	29
Amotts 21	6	10	5	14	31	-17	23
Lae Biscuits 21	5	15	1	12	49	-37	16
Untech 21	5	16	0	13	43	-30	15
Bismark 20	4	13	3	9	40	-31	15
Bugdi 21	3	15	3	12	44	-32	12
MBUnited 21	1	17	3	7	71	-64	6

Under 23

Amotts 21	12	4	5	30	15	15	41
E P Power 19	11	1	7	26	9	17	40
Sobou 21	11	4	5	35	15	20	38
Untech 19	10	5	4	26	16	10	34
SP Brewery 21	9	6	6	28	21	7	33
Coronation 21	8	6	7	22	17	5	31
Bumayong 19	9	7	2	28	19	9	29
Bugandi 19	8	7	4	27	21	6	28
Murat 19	8	7	4	26	23	3	28
M B United 21	5	11	5	19	28	-9	20
Guria 22	3	14	5	14	39	-27	14
Lae Biscuit 20	3	15	2	12	43	-31	11
Mungkas 18	2	15	1	10	40	-29	7

Under 19

TTC Bullet 22	12	2	8	34	15	19	44
SP Brewery 22	12	6	4	30	18	12	40
Sobou 20	11	4	4	25	13	12	37
Coronation 21	9	6	6	21	17	4	33
Amotts 19	9	5	5	20	17	3	32
Bumayong 20	8	7	5	17	15	2	29
M B United 21	7	6	8	21	21	0	29
E P Power 22	8	10	4	21	19	2	28
Bugandi 21	8	9	4	22	21	1	28
Mungkas 20	7	9	4	20	23	-3	25
Untech 19	7	7	4	19	24	-5	25
Lae Biscuits 21	6	13	2	13	35	-22	20
Murat 20	4	15	1	16	30	-14	13
Guria 21	2	15	4	12	38	-2	10





8-pela moa go long Kangaroo sait



Yangpela man nogut Billy Slater i kisim luksave long stap long Kangaroo sait.

SIAMAN bilong Australia Ragbi Lig Colin Love i tokaut olsem ol dispela pilaia i kisim luksave bilong stap insait long Kangaroo sait. Carroll, Petero Civoneciva, Darren Lockyer, Brent Tate na Shane Webcke i kisim luksave. Na long Melbourne Storm, Scott Hill na Billy Slater i kisim luksave.

Tupou stap long Kiwi trening skwat

YANGPELA winga bilong Brisbane Broncos, Gary Tupou i stap insait long trening skwat bilong Nu Silan bilong redi long Trai Nesens ragbi lig resis bihain long em i pilai 3-pela gem tasol long fes gred.

Tupou em i wangepa long ol yangpela paia lait pilaia bilong Broncos husat i wok long mekim nem bilong em nau wantaim ol biknem olsem Shaun Berrigan na Tonie Carroll.

Tupou i gat 21 kris-mas tasol, na em i bin skorim tupela trai long namba wan fes gred gem bilong em agensim Penrith long raun 26.

Tupela fowet bilong Melbourne Storm, Alex Chan na David Kidwell

na Warriors faivet Marcus Perenara i stap insait long skwat tu.

Nu Silan Kiwis bai statim Trai Nesens siris we Gret Briten na Australia i save resis long en. Em bai stat long Octoba 16 we ol Kiwi bai brukim bun wantaim ol Kangaroo.

Kosa bilong ol Kiwi, Daniel Anderson i gat bikipela bilip long Perenara husat bai lusim Warriors na go pilai wantaim Parramatta Eels neks yia.

Plantim manmeri i save aigris long we Topou i save pilai.

Em i wangepa bikipela man na i save ron spit tru na taim em i bamim ol arapela winga o pilaia husat i pilai egensim em, plantim taim ol i save surik long em.

**L u k i m
moa nius
long NRL
neks wik.**

Hannay tok Broncos i bin soim strong



Hannay.

SENTA bilong North Queensland Cowboys, Josh Hannay i tokaut long Sande olsem strong bilong gem las wiken agensim Brisbane Broncos i winim strong bilong olgeta arapela gem em i pilai long en long dispela yia.

Hannay i bin kikim tripela gof na klostu skorim wangepa trai long dispela gem i bin bun slek olgeta taim gem i bin pinis.

"Strong bilong dispela gem i bin winim olgeta arapela gem mipela i pilai. Na ol manki tu i tok wankain," Hannay i tok.

"Long stat inap long pinis, i nogat malolo tru. Pastaim taim mipela i

daunim Bulldogs, stat i bin paia tasol i bin slek long seken hap.

"Tasol wantaim Broncos, mipela i kisim taim tu, tasol mipela i strong na daunim."

Em i tok ol i bin ting ol inap long daunim Brisbane long las 20 minit, tasol ol i strong yet na mipela i no bin inap long daunim ol.

"Yu no inap malolo sapos yu pilai agensim Broncos. Ol inap long skorim ol trai klostu klostu sapos yu no redi na wetim ol," Hannay i tok.

Nau Cowboys i lukluk long dispela wiken tasol. Sapos ol inap long daunim Sydney Roosters, ol bai go long namba wan gren fainel bilong ol.

Broncos lukluk long neks yia

TAIM ol Cowboys i wok long amamas long stap insait long semi fainels long dispela wiken, Brisbane Broncos i lukluk pinis long neks yia.

Dispela em i namba tu taim nau Brisbane i bin abrus long stap insait long gren fainel bihain long Cowboys i bin daunim ol las wiken 10-0.

Maski ol i bin pilai strong, ol i bungim mak bilong ol stret taim ol i pilai agensim Cowboys.

Nau Cowboys i bilip ol i gat inap strong long stap insait long gren fainel.

Tasol long sait bilong Brisbane, 2005 bai ol i skelim tru strong bilong ol bilong wanem

em, na prop Shane Webcke i bin karim hevi bilong masol long lek bilong em.

Las wiken, Webcke i bin kaikai tit tasol na pilai bihain long ol dokta i bin katim skru long lek bilong em long stretim wangepa wik pastaim long laspela gem bilong ol.

Kosa bilong Brisbane, Wayne Bennett i no wari olsem ol i no win tupela yia nau. Em i amamas bilong wanem em i lukim ol yangpela Bronco husat bai mekim nem bilong ol neks yia.

Em i tok tupela yangpela paia lait Bronco em 17 krismas ful bek bilong ol Karmichael Hunt na

yutiliti pilaia bilong ol Neville Costigan.

David Stagg em nupela strongman bilong takol bilong Brisbane na yangpela bikman ya Tom Learoyd i gat strong bilong kamap wangepa biknem fowet.

"Mipela i no abrus long dispela yia. Mipela i painim pinis wangepa strongpela winga, na i gat sampela yangpela manki i stap husat i soim pinis strong bilong ol," Bennett i tok.

Em i tok neks yia, olgeta yangpela pilaia nau i stap insait long Brisbane sait bai i kisim pinis inap skul bilong soim tru tru strong bilong ol.

Neks yia, olgeta yangpela pilaia bilong Broncos bai i laik soim strong bilong ol.


biknem paia lait namba 11 bilong ol Gorden Tallis bai i no stap pilai wantaim ol.

Maski Tallis i lusim ol, Brisbane nau i lukluk long yangpela blut bilong karim nem bilong ol neks yia.

Tupela strongpela pilaia ol i kisim pinis em Brad Thorn na Roosters senta Justin Hodges.

Ol bagarap long ol pilaia i bin bagarapim sindaun bilong Brisbane long dispela yia, na taim ol i kam long pinis bilong sisen, ol i nogat strong moa long pilai strong.

Namba wan pilaia bilong ol, Darren Lockyer i no bin pilai long sampela wik bihain long em i kisim bagarap long bun bilong bros bilong em, Shaun Berrigan i bin kisim bagarap long sol bilong



Gorden Tallis na Neville Costigan bilong Broncos i sindaun kisim malolo long saittain long dispela gem egensim ol Cowboys.



NRL SEMI FAINEL 2004


Sarere, September 25, 2004 Aussie Stadium
7.30 pm Live long EMTV



**Penrith
Panthers**

VS

**Canterbury
Bulldogs**



Rhys Wesser
 Amos Roberts
 Ryan Girdler
 Paul Whatuira
 Luke Rooney
 Preston Campbell
 Craig Gower (Kepten)
 Joel Clinton
 Luke Priddis
 Martin Lang
 Joe Galuvao
 Tony Puletua
 Trent Waterhouse
 Garrett Crossman
 Shane Rodney
 Danny Galea
 Richard Fa'aoso
 Frank Puletua
 Ben Pomeroy

Refri: Tim Mander



Luke Patten
 Hazem El Mazri
 Ben Harris
 Willie Tonga
 Matthew Utai
 Braith Anasta
 Brent Sherwin
 Mark O'Meley
 Adam Perry
 Steve Price (Kepten)
 Willie Mason
 Andrew Ryan
 Tony Grimaldi
 Reni Maitua
 Corey Hughes
 Roy Asotasi
 Sonny Bill Williams
 Johnathan Thurston

Sande, September 26, 2004 Telstra Stadium
3.30 pm Live long EMTV



**Sydney
Roosters**

VS

**NQ
Cowboys**



Anthony Minichiello
 Shannon Hegarty
 Ryan Cross
 Justin Hodges
 Chris Walker
 Brad Fittler
 Brett Finch
 Jason Cayless
 Craig Wing
 Adrian Morley
 Michael Crocker
 Craig Fitzgibbon
 Luke Ricketson
 Chad Robinson
 Chris Flannery
 Ned Catic
 Anthony Tupou
 Stuart Webb



Matthew Bowen
 Ty Williams
 Josh Hannay
 Paul Bowman
 Matt Sing
 David Myles
 Nathan Fien
 Paul Rauhihi
 Aaron Payne
 Shane Tronc
 Luke O'Donnell
 Steven Southern
 Travis Norton
 Rod Jenson
 Glenn Morrison
 Leigh McWilliams
 Mitchell Sargent

Fittler tok em i save long pilai bilang Cowboys

KEPTEN bilong Sydney Roosters, Brad Fittler i bilip em na sait bilong em inap long kilim paia atek bilong North Queensland Cowboys taim ol i bungim ol long Sande.

Dispela em i las wik bilong painim husat tupela tim bai pilai long gren fainel long wik antap.

Wina bilong Roosters na Cowboys bai bungim wina bilong gem namel long Penrith Panthers na Canterbury Bulldogs long Sarere long pilai long gren fainel.

Fittler i tok spit bilong ol Cowboys long dami hap em strong bilong ol na ol i bin yusim dispela strong long daunim Bulldogs na Broncos.

Em i tok ol lain olsem Bowen, Fien na ol winga Matt Sing na Ty Williams bai kam insait na painim ol lus pas.

Fittler i tok Roosters bai trening long strong na spit bilong ol long dispela wik i go inap long taim bilong gem.

"Long ol gem i go pinis, ol i tromoi olgeta kain kain pilai bilong ol i go insait long gem na ol arapela sait i painim hat long daunim ol. Mipela bai rere tasol long wanem kain pilai ol i laik yusim," Fittler i tok.

Em i tok Cowboys i wok long kisim bikipela save long pilai long ol bikipela gem, na planti long ol i save spit tumas.

Kosa bilong Roosters, Ricky Stuart i onaim strong na spit bilong Cowboys.

Em i tok olsem sapos Cowboys i gat inap strong long pilai i kam inap long semi fainel, ol i gat strong insait long olgeta wan wan pilai bilong ol.

Fittler i tok bai i gat bikipela presa antap long ol bilong wanem ol i bin stap long gren fainel long las yia na nau ol i mas pilai strong long stap long gren fainel gen.

Roosters i bin malolo las wiken.

Skoa bilong las wik - Fainels Wik 2

Sarere (Septemba 18)

**North Queensland
Cowboys - 10**

**Brisbane Broncos - 0
(Hangamapim but)**

Sande (Septemba 19)

**Canterbury Bulldogs -
43**

**Melbourne Storm - 18
(Hangamapim but)**

Sanap bilong PNG long wok divelopmen i no gutpela

Paul Zuvani i lukluk long sanap bilong PNG long sait bilong divelopmen, moayet divelopmen long spots long Saut Pasifik, na tu helpim Australia i wok long givim PNG long strongim dispela sanap.

PAPUA Niugini i stap daunbilo long wok divelopmen long Saut Pasifik rijon.

Dispela luksave i kamap taim Australia-Saut Pasifik Spot Program aninit long AusAID we Gavman bilong Australia i kamapim i givim K36,00 spot saiens na ikuipmen i go long spots long PNG las wik.

Wantaim PNG em narapela tupela kantri long Melanesia, Solomon Ailans na Vanuatu. Ol i stap long las namba 3 mak.

Stap namba wan em Fiji, Cook Ailans, Palau, Niue, Samoa, Nauru, Tonga na Tuvalu. Na stap namba tu em ol kantri bilong Kiribati, Marshall Ailans na Federeted Stet ov Maikronesia.

Ripot bilong divelopmen em Yunaited Nesen Divelopmen Program i kamapim we long 1998 em i mekim wok painimaut bilong Humen Divelopmen Indeks long stap bilong ol pipel we i soim olsem maski PNG i gat planti samting, stap bilong ol pipel bilong em i nogut.

Bihainim dispela ripot Australia i luksave olsem i gat bikpela wok yet long helpim stap bilong ol pipel bilong ol kantri long Saut Pasifik long wok bilong gavman, sekyuriti, helt, eduke-sen, emploimen na gro bilong pop-ulesen.

Long 2003 Australia i kamapim Pasifik Spoting Nids Asesmen Komiti we i bungim ol spoting grup bilong ol kanti long Saut Pasifik na askim ol long tokaut long wok bilong spot long kantri bilong ol na wanem samting ol i nogat na i laikim long en.

Las Ogas, Minista bilong Foren Afeas bilong Australia, Alexander Downer, i lonsim Pasifik Spoting Nids Asesmen.

Long taim bilong givim dispela ol ikuipmen Louise Freeman, husat i makim Hai Komisn bilong Australia long PNG, i tok kain helpim i kamap bihain long Pasifik Ailan Forum kibung long 2003 we Praim Minista bilong Australia, John Howard, i tokaut long Australia bai helpim ol kantri long Saut Pasifik long spot long redim ol yet long 2006 Komenwelt



• Sir Henry ToRobert, lephan, i kisim lap-top komputa long mausmeri bilong Hai Komisn bilong Australia long PNG, Louise Freeman.

Gems long Melbourne, Australia.

(Long helpim ol ailan kantri long wok divelopmen Australia i lukluk tu wok bilong spot na long stat em i lukluk long helpim ol long redim ol yet long 2006 Komenwelt Gems.)

"Helpim bilong spot saiens na testing ikuipmen (i go long PNG) i kamap long rait taim bihain long PNG Olimpik Tim i mekim gut long ol pilai," Freeman i tok.

"Ol namba wan pilaia bilong PNG i soim pinis olsem ol i inap kamapim ol gutpela pilai na em i hop bilong mipela olgeta olsem spot saiens na testing ikuipmen bai i strongim yet dispela gutpela standet em ol pilaia

bilong mipela i kamapim.

Long makim maus bilong PNG Spot Federeesen, Presiden Sir Henry ToRobert, i tok tenkyu long Australia long givim dispela ol samting.

"Dispela ol samting em yupela i givim mipela i kam long taim mipela i nidim tru na i kos bikpela mani long kisim.

"Long kain helpim yupela i givim long mipela, mipela i no inap tingting tumas long winim gol tasol olsem mipela i mas kamapim ol gutpela pilai," em i tok.

PNG i laik divelopim samting we i gutpela long givim servis long planti ol etlit, ol kosa na Spot Divelopmen

Yunit (SDU).

SDU em i stat bilong spot saiens na etlit testing/monitaring fesiliti we bai givim servis long ol etlit na ol kosa long olgeta taim long yia.

Ol samting we PNG Spot i gat bikpela tingting long kamapim en em:

* NESENEL pisikol edukesen na skul karikulum;

* NESENEL spot polisi. Dispela polisi bai i helpim gut long soim wok bilong ol pati i bung long kamapim wok bilong spot long PNG;

* DISABILITI Spot Program. Dispela program em PNG i sot long planti samting na i laik bikpela helpim long em. PNG Disabiliti Asosiesen i kamapim gutpela ol program long bihainim tasol kain helpim i kam long gavman na praiwet sekta i givim bikpela hevi. Ol junia spot divelopmen program na skul spot program i gt ol komyniti divelopmen imple-mentesen;

* NESENEL Spots Institut, Goroka. Dispela institut i nidim planti ol samting long stretim na hapim standet bilong bihainim tingting bilong nesenel spot divelopmen. Ol samting ol i nidim long dispela taim em komputa, riten na ikonmik material, we bilong konek long ol on-lain risos. Sampela ol wokman i mas go long ol trening tu;

* FASILITI mentenens. Wok bilong stretim ol olupela samting o long lukautim ol samting i stap pinis i bikpela hevi bilong PNG. Ripot i tok i nogat inap toksave i go long pablik long pasin bilong lukautim ol pablik samting.

Narapela ol samting em PNG i ripot long em i sot long ol em spot saiens, infomesen teknoloji, humen risos divelopmen, bisnis/maketing plen; ogenaiesen restrakta, imruv wei bilong ol etlit, ol kosa, teknikel opisa na ol administreta; ekstended skolasip bilong ol sumatin; ekstended ovasis program na lukluk raun long kantri.



• Lephan- PNG Olimpik tim husat i mekim gut tru long 2004 Olimpik Gems long Athens- Gris. Hia ol i sanap wantaim Gavana Jenerel Sir Paulias Matane wantaim meri bilong em Ledi Claudia long Gavman Haus, Konedobu long taim Sir Paulias i makim gavman long welkamim tim tupela wik i go pini. Long baksait lep han- hedola Mowen Boino na swima Ryan Pini. Fran lephan- wetlifita Dika Toua na ronmeri Mae Koime.

PRK Souths stap long gren fainel



Wanpela bipo gem namel long Souths na Brothers long POM Lig Resis.

Joe Ivaharia i raitim

PRK Souths bai pilai insait long gren fainel bilong Pot Mosbi SP ragbi lig kompetisen long Llyod Robson Oval long Sande narapela wiken.

Dispela i kamap bihain long ol i bin rausim tiket bilong Kone Tigers 20-8 long wanpela preliminar semi fainel gem long las wiken.

Long narapela semi fainel gem namel long Brothers na Waliya gem i no bin pinis long wanem referi Jerry Martin i bin stopim pilai bikos i no bin gat gutpela lait long farim pilai i go het yet.

Moa long 20 minit i bin stap yet long pilai na Brothers i bin go pas long skoa 14-10 long taim referi i pasim gem.

Ripot i kamap olsem jenereta long givim pawa i go long klab haus na oval i bin gat liklik bagarap olsem na i no bin gat pawa laitim lait long pilai graun.

Dispela gem i bin stat feit tu bikos long sampela hevi bilong ol referi.

Bihain long dispela asua ol pilai na sapota bilong tupela klap i no bin wanbel long dispela disisen we ol i kirap na mekim trabel long klap haus bilong PRL.

Ol polis na sekuriti i hariap tru long stopim ol man we i bin gat sampela gan pairap na tu tia ges i bin sut i kam long rausim ol trabel man.

Taim Wantok Niuspepa i bin toktok wantaim operesens menesa bilong PRL em i tok klap haus i no bin kisim bagarap na i stap orait.

Em i tok tu kain pasin bilong sampela ol sapota i no gutpela long lukluk long spots na bikpela moa long ragbi lig long kantri.

Aninit long lokel kompetisen ruf bilong lig dispela gem i bin kensel o stop bikos long asua bilong lait na bai ol i mas pilaim gen.

Lokel mes komiti na eksekutiv bilong PRL i bin mekim disisen long tupela tim bai pilai gen dispela wiken.

Husat i win bai pilai gren fainel neks wik wantaim PRK Souths.

Na nau bai PRK Souths bai bungim Waliya/Brothers long 2004 gren fainel long lukim husat bai i kamap sempion bilong dispela yia.

Long go pas long Souths bai ol i kamapim wankain tim we kepten John Pandia bai i go pas long en wantaim sapot i kam long ol fowet olsem Joseph Omai, David Kalabe, James Yaki Rekisa, Tony Bare, Hali Tumbé, John Freeway, Johnson Kuike na long beklain bai i gat Nelson Wanga, Charlie Wabo, Roy Thomas, Aloysius Amburi, Samuel Nap, Geno Kima na Andrew Makiwa.

Souths i gat ol pilai husat i bin pilai pinis long ol fainels na wantaim kain ekspirien bai ol i kamap olsem feveret long winim taitel.

Tasol long sait bilong Brothers/Waliya dispela em i bikpela gem tru olsem na long winim ol i mas kamapim wanpela strongpela tim tu.

Olsem na long makim husat bai i kamap sempion bai i no inap long kamap i go long laspela 10-pela minit na wanem tim i kamapim strongpela difens bai i apim 2004 taitel.

Gren fainel bilong Mosbi ragbi lig bai kamap long Sande we get bai i op long 8.00 kilok moning na ol pilai bai i stat long 9.00 kilok.

Bai i gat planti ol narapela aktiviti long program tu we olgeta man meri na pikinini tu i mas kam long lukim ol gems na givim sapot tu long feveret tim bilong yu.

PNGVF makim PNG trening skwat

Joe Ivaharia i raitim

PAPUA Niugini Volibol Federesen (PNGVF) i makim pinis moa long 60 pilai long stap insait long trening skwat bilong go pilai long ol intanesenel volibol tonamen we bai i kamap long neks yia.

I gat 30 man na 30 meri insait long dispela trening skwat.

Long dispela trening skwat ol nesenel selekta bai i katim i kam daun long makim fainel 12-pela pilai long tim bilong ol man na ol meri husat bai i karim nem bilong kantri long dispela intanesenel pilai olsem long Arafura Gems na long Osienia sempionsip.

Nesenel Kapitel Distrik (NCD) i gat moa long 10-pela man na 6-pela meri long dispela trening skwat.

Ol selekta tu i makim ol pilai tu long ol arapela senta. Long Vabukori Asosiesen 12-pela pilai i stap, Huon Gulf 5-pela, MARE 6-pela, Fairfax 3-pela, na wanpela pilai i kam long Illimo, Lowa Sogeri, Lae na Morobe asosiesen.

Siama bilong ol selekta, Rabura Aiga, i bin tok ol i bin painim hat tru long makim ol pilai long wanem i bin gat planti ol gutpela pilai long dispela nesenel sempionsip.

Em i tok long ol pilai husat i no stap long trening skwat long noken lus tingting olsem ol tu i gat save na dispela skwat em i trening skwat tasol.

Bai i gat senis sapos ol pilai i no kamapim trening long laik bilong ol selekta na dispela ol pilai i gat sampela hevi o bagarap long bodi bilong ol we ol selekta bai i rausim ol.

Long pinis bilong nesenel sempionsip, Vabukori Amata Volibol Asosiesen (VAVA), i kamap nupela sempion bilong PNG volibol taim ol i autim NCD 3-2 long gren fainel bilong divisen bilong ol man na long ol meri NCD i winim taitel bihain long ol i autim olpela sempions Fairfax 3-1.

Difending sempion bilong ol man Taikone i bin lus long semi fainel.

Long narapela nius, Madang Volibol

Asosiesen i winim mak bilong holim 2005 Nesenel Volibol Sempionsips long wankain taim long mun Septemba.

Long makim maus bilong asosiesen, Solange Ma'a, i tok amamas na bikpela tenkyu igo long PNGVF long givim dispela bikpela luksave i go long Madang na em i askim olgeta volibol asosiesen long kam long Madang neks yia.

Madang Volibol Asosiesen i bin salim tim bilong ol meri tasol i kam long dispela tonamen. Tim bilong ol man i no bin kamap long wanem i bin gat hevi long sait bilong mani.

Presiden bilong PNGVF, Reatau Rau, i tok bikpela tenkyu long NCD Volibol Asosiesen long holim tonamen bilong dispela yia we i no bin gat wanpela birua i kamap.

Wankain tu bikpela tok amamas i go tu long olgeta asosiesen husat i kam pilai long tonamen bilong dispela yia, mista Tau i tok na lukim yupela long Madang long neks yia.

Ledi Kidu bai holim helti laipstail kibung

Paul Zuvani i raitim

MINISTA bilong Komyuniti Developmen na Mema bilong Mosbi Saut, Ledi Carol Kidu, i wari long we planti manmeri long Papua Niugini i wok long lukautim laip bilong ol, moayet long sait bilong helt we em i tok planti laip i lus nating long wanem ol manmeri i no lukautim gut bodi bilong ol.

Long dispela as em bai holim wanpela kibung long palamen long Mande, Septemba 27. Long dispela kibung em bai askim wanwan ol grup husat i pas wantaim wok bilong spot o long helt long paitim toktok na kamap wantaim ol tingting bilong pisikol ektiviti o eksasais na pilai spots na kamapim gutpela laipstail.

Het tok bilong dispela kibung em "Stap strong long laip."

Long autim wari bilong em Ledi Kidu i tok, "Plantim manmeri i wari long helt na pisikol fitnes bilong ol pipel bilong

mipela na mi pas wantaim planti ol grup we i gat wankain wari olsem mi.

"Gutpela stap bilong laip we ol manmeri i stap strong na amamas i gutpela long kamapim gutpela kantri.

"Tasol long lukim gutpela laipstail i mas i gat gutpela wok bung namel long ol pipel na gavman.

"Long wanpela bung bilong Wimen In Spots grup bilong PNG Spot Federesen (PNGSF) we i bin kamap i no longtaim i go pinis, i tokaut olsem em i hat long tokaut kila long ol pipel sapos wanpela grup tasol i wok long mekim dispela wok.

"Long dispela as mi pasim tok long kamapim wanpela kibung we ol grup i pas long wok bilong spot na helt i mas kamap na paitim toktok na tokaut long tingting bilong we bilong helpim ol pipel bilong mipela long stap," Ledi Carol i tok.



Hia Ledi Kidu i promotim helti laipstail taim em i opim 2004 Nesenel Snooker Sempionsip. Wantaim em em Presiden bilong PNG Snooker Federesen, Howard Lahari. Foto: JOE IVAHARIA

NCD winim AFL Nesenel Sempionsip taitel

Andrew Molen i raitim

NESENEL Kapitel Distrik (NCD) i winim taitel bilong Nesenel Aussie Ruls Futbol Sempionsip we i bin kamap long Lae long Independens wiken.

Ol i winim Kimbe 7.8-50 we Kimbe skorim, tasol 6.11-47.

Tasol skoa bilong tupela tim i soim olsem wanpela strongpela gem tru i bin kamap we i lukim Kimbe i kam bek strong na i lus long tripela poin tasol.

Nesenel AFL presiden Peter Michael i tok em i amamas long mak bilong gem we em i

lukim olsem i antap tru na dispela i soim tu long dispela sempionsip i kamap gut wantaim nogat bighet pasin na long we bilong ol spotsman stret.

Long anda-18 gren fainel Lae wan i winim Daulo 7.4-46 na 5.3-33 long wanpela strongpela gem tu.

Nambawan pilai (Best and Fairest) bilong sinia divisen i go long Andrew Boku bilong Kimbe na bilong anda-18 i go long Scott Gorosahu bilong Daulo.

Ol lain i kikim planti gol em Paul Laupu bilong ol sinia na Gerard Lasel bilong anda-18.

PS Rutz na Cosmos i yesa long 2005 Nesenel Soka Klap Sempionsip

PS RUTZ wantaim Cosmos bai makim Pot Mosbi Soka Asosiesen (PMSA) long pilai insait long nesenel soka klap sempionsip bilong ol man we tonamen bai i kamap neks yia, 2005.

Dispela tonamen em bilong ol wanwan klap husat i kamap maina primia na rana ap long lokel asosiesen bilong ol.

PS Rutz i bin kamap maina primia bilong PMSA kompetisen bihain long ol i winim Nani 4-0 long Bisini soka graun long Sarere.

Na long kamapim dispela win straike Eric Komeng i bin go pas

wantaim tupela gol na arapela gol i bin kam long Francis Tulem na Lazarus McOwen long pinisim kompetisen raun bilong dispela sisen.

Fainels bai i stat long dispela wiken.

Long sait bilong Cosmos ol i bin laki tru long winim pes long dispela tonamen bihain long ol i winim Rapatona 1-0 we gol bilong ol i bin kam long straike Michael Lohai.


Cosmos tu bai pilai insait long ol fainels bilong PMSA we ol i stap long namba tu posisen long lada bihain long pinis bilong dispela raun.

Rapatona i holim namba tri posisen na LBC Defence i stap long namba foa ples maski ol i bin lus long Blue Kumuls 4-3 long Sande.


ANZ University i winim namba faiv ples bihain long 5-0 win bilong ol egensim Babaka long Sarere.

Blue Kumuls i no bin laki turnas we ol i stap long namba siks ples na bai i no inap long pilai long ol fainels.

Long divisen bilong ol meri ol tims husat i kwalifai pinis long pilai long fainels em ANZ University, Telikom, Lamana GFN, Momase na Souths.



WANTOK Spots



Planti Kumul pilaia i stap yet

Paul Zuvani i raitim

PAPUA Niugini Kumul kosa Bob Bennett i tok planti Kumul pilaia i stap yet long skwat.


Em i tokim Wantok Spot long telefon long Brisbane aste olsem ol i no laik senisim tim olgeta long wanem dispela inap kamap planti tingting na i ken bagarapim (gutpela) spirit.

"Mipela i laik holim yet bikpela namba bilong Kumul skwat. Na ating em i moa gutpela mipela i mekim olsem," Bennett i tok.

"Mi ting em i gutpela sait na luk olsem ol i inap long kamapim kaikai," em i tok. Em i tok nau yet i gat 21 pilaia long trening skwat tasol dispela bai i go daun long 18 bihain long ol selekta i kamap wantaim fainol namba.

Em i tok ol bai mekim fainol namba bihainim fitness o strong bilong wanwan ol pilaia.

Nupela skwat bai pulap long ol pilaia i stap long PNG, Australia na Inglan. Ol pilaia olsem Michael Marum, Ricky Sibiya, Chris Purkikil (PNG), Makali Aizue na Stanley Gene (Inglan) na Steve Franciscus na Derek Fletcher (Australia) i sampela bilong Kumul skwat. PNG Kumul bai pilai Tes Mes wantaim Australia Kangaroo long Townsville, Australia long Oktoba 9.



• Post Waliya kepten Joe Sil i kisim taim nogut wantaim ol pilaia bilong Brothers long Pot Mosbi ragbi lig kompetisen las wiken. Dispela semi fainol pilai i no pinis gut na olsem tupela tim bai pilai gen dispela wiken. Lukim moa stori long pes 31.

Bihain long dispela PNG Ragbi Futbol Lig i laik bai i gat senis pilai namel long Australia Junia Kangaroo na PNG Presiden 13 long Pot Mosbi long Oktoba 16. Las taim ol Kumul i bungim Australia Kangaroo em long Lloyd Robson pilai graun long 2001 we Kangaroo i win 54-12. Klostu 40,000 manmeri i kamap na lukim dispela pilai. Ful Kumul trening skwat

em Chris Bond husat i pilai long Redcliff Klab Australia, Chad Leech (Melbourne Storm), Ricky Sibiya (Sauten Zon-PNG), Steve Franciscus (Caberra Raiders), Stanley Gene (Ingan Supa Lig), Geno Kima (Sauten Zon) i gat sampela bagarap na i stap aninit lukaut bilong ol selekta, Matt Nightligale (Penrith Panthers), Paul Aiton (Penrith Panthers), Trevor Exton (East Brisbane),

Kevin Prior (Souths Brisbane), Makali Aizue (Ingan Supa Lig), Michael Marum (Ailan - Zon), Andrew Norman (Sauten Zon), Chris Purkikil (Ailan Zon), Nickson Nagle (Hailans Zon), Romalus Mago (Sauten Zon), Dickson Sibiya (Sauten Zon, Junior Auru (Niu Silan Bata Kap), Robert Kelei (Toowomba na Mark Waruwa (Noten Zon). Presiden 13 sait em olgeta pilaia i stap pilai long

kantri. Tim em Nixon Nagle, Romalus Mago, Ricky Sibiya, Stanley Hondia, Geno Kima, Kawage Gagma, Charlie Wabo, Andrew Norman, Dickson Sibiya, Nick Andy (Sauten), David Rombuck, George Baker, Luther Dee, Menzie Yere, Nime Kapo (Hailans), Chris Purkikil, Michael Marum, Rendali Kaupa, Obert Hondale (Ailan), Mark Warua na Warren Teno (Noten).



Vanuatú spidman bai
traim ol PNG spidman

VANUATU spidman Moses Kamut bai traim spid bilong ol PNG ronman long dispela wiken 43 Nesenel Trek na Fil Etlik Sempionsip.

Sempionsip bai kamap long Lae stat long Sarere na pinis long Mande.

Moses i save ron long 400m we em i kamap long 48.14 seken long Athens, Gris Olimpik Gem.

Long PNG Olimpik hedolman Mowen Boino i save ron long dispela resis. Kamut bai traim spid bilong Boino na tupela Rabaul man Levi Albert na Wilson Malana.

PNG Etletik Yunion i tok Kamut bai ron tu long 200m resis. PNG spidman long dispela resis em yangpela Anton Lui husat i no longtaim i go pinis ron long Wol Yut Etletik Sempionsip long Itali i gat hevi long lek bilong em na olsem em bai i no inap kamap long dispela resis.

I gat bilip olsem moa long 50 ron manmeri bai kamap Nesenel Trek na Fil Etletik Sempionsip.

Na PNG Etletik sekreteri na siaman bilong lokel oganaising komiti Philip Rehder i tok 11pela senta i soim laik long kamap long dispela sempionsip. Ol senta em hos Moro be, Madang, Goroka, Simbu, Ukarumpa, Banz, Ialibu, Is Niu Britan, Is Sepik, Oro na Pot Mosbi. Manus na Wes Niu Britan i no givim yet tingting bilong ol.

PNG Etletik ektig presiden Tony Green i tok ol resis bai kamap long Open na Anda 18 divison. Tasol em i tok bihain long askim i kam long Lae na Pot Mosbi sapos bai i gat narapela ol divison Yunion nau bai kamapim tu resis bilong ol Anda 16 bilong ol meri na man wantaim.

Olgeta lain husat i laik kamap i mas ringim Peter Salaiau o Rhonda Malala long telepon namba 472 1991 o 472 0510 long toksave long wokabaut bilong ol na det bilong ol ron manmeri bilong ol.

Brian Bell's Exclusive Brand

Single Speaker Model: C-102 Blue 163014 K\$59.95	Single Speaker Model: C-103 Green 163013 K\$59.95	Single Speaker Model: C-106 Grey 163015 K\$59.95
--	---	--

INTEGRITY

HOT PRICES ON QUALITY RCRS

Twin Speaker Model: C-203 Blue 163016 K\$69.95	Twin Speaker Model: C-202 Green 163017 K\$69.95
--	---

Brian Bell
Shop with a friend

• Radio Cassette Recorders • 4 Band (am/fm/sw1/sw2) • Auto Stop Mechanism • One Touch Recording

• High Sensitivity Receiver • Soft Eject Cassette Door • Telescopic Antenna • AC/DC Operation

Available at all Brian Bell Stores & Authorised Dealers Nationwide

WHOLESALE & TRADE ENQUIRIES WELCOME